

મરુધર સાહિત્ય મંદિર, બીકાનેર

परख-सिरजण

डा. पुरुषोत्तम आसोपा :

..मरुधर-साहित्य मन्दिर, बीकानेर--

राजस्थानी भाषा, साहित्य, संस्कृति अकादमी के आर्थिक सहयोग से—प्रकाशित

© डा. पुरुषोत्तम आसोपा

प्रकाशक :

मधुर-साहित्य मन्दिर

124, बिन्नाणी बिल्डिंग,

अमलसागर, बीकानेर

संस्करण : पैलडो, 1987

मूल्य : पैंतीस रुपये

भावदण : शिवजी

कलापक्ष : कादम्बरी

मुद्रक :

साधना प्रिंटर्स, बीकानेर

आमुख

- राजस्थानी भाषा में आलोचना की अखरण आळी कमी है । साहित्य रे विकास सारू इण कनी कोशिश करण की मोकळी जरूरत है ।
- आ पोथी इण लिहाज सूं राजस्थानी साहित्य की पैली व्यवस्थित, शास्त्रीय आलोचना की पोथी कैह्यी जाय सकें ।
- इण रा सगळा निबन्ध पत्रिकावां में प्रकाशित है वा जुदी-जुदी संगोष्ठियां सारू शोध परचा रे रूप में प्रस्तुत कियोड़ा है । गोष्ठियां मांय इणा माये मोकळी चर्चावां हूय चुकी है । अर लोगां ने ऐ खासा आकर्षित कर चुका है ।

—डॉ. पुण्योत्तम आसोपा

क्रम

राजस्थानी भाषा, समस्यावा अर उणा रो निराकरण	9
राजस्थानी साहित्य रो नूवी कविता	20
घरती रो आस्था रो रचनाकार : कथाकार अन्नाराम सुदामा	25
मीरां रे साहित्य सूं जुडियोडा की अणमुळिभियोडा सवाल	34
गाव रे जीवन रा चितेरा : रवीन्द्रनाथ ठाकुर	45
‘वेलि’ रो वस्तु सौंदर्य : एक पुनर्मूल्याकन	48
राजस्थानी रो जूनी पाण्डुलिपियां रो विवेचना	60
1983 रो पुरस्कृत पाण्ड्यां : एक बेवाक टीप	71
परिवार अर परिवेश : साहित्य रे मंदमं सूं	78

राजस्थानी भाषा, समस्यावां अर उणां रो निराकरण

राजस्थानी भाषा री समस्यावां री चर्चा करणं सूं पहली सामान्य रूप सूं
क्रिणी भी भाषा रें माय समस्यावा वयू उपज्या करं, इण बात री जाणकारी जरूरी
है। भाषा रो मिरजण समाज करघा करं, पण उण रो प्रयोक्ता व्यक्ति हुयें है। अक
अकेलो आदमी भाषा रो ना तो सिरजण कर सकं अर ना उणनं आपरी सगळी ताकत
लगायर भी नूवो रूप देय सकं। जिण समाज में वो जनम लेवें, सिफं उणी समाज
सू दियोडी भाषा नें उणनं अनुकरण सूं सीखणी पडें। इण रें वावजूद हर आदमी
आपरी निजू पिछाण कायम करण खातर भाषा रें सागं प्रयोग करण सूं पाछो कोनी
रेंयें। आदमी री आपरी बुद्धि रो स्तर भी भाषा रें सामान्य प्रचलित रूप नें नूवां-
नूवां अंदाज देवतो रेंवें। यूं भाषा रें सागं जाण बूझ'र कियोड़ा प्रयास अर अणजाण
तरीका सूं हुयोडी भाषा री भूलां रें मांय सूं हीज भाषा री समस्यावा पैदा हुया करं।

समाज जिण भाषा नें शताब्दियां मांय जाय'र निमित्त करं उण नें मितव नें
आपरे टावर पणें माय न केवल सीखणी पडें बल्कि जीवन रें थोडा-सा बरसा माय
हीज आपरी सगळी परिस्थितियां मांय उणरो हीज असरदार इस्तेमाल करण री
कोशिश करणी पडें। इण कोशिश मांय उण रा आपरें विचारा री अभिव्यक्ति, निजी
अनुभूतियां री अंकण अर सप्रेषण भाषा सू मोकळी अपेक्षावां करं। विचारा नें
मुहावरणें अदाज मांय सप्रेषित करण री बात हीज भाषा रें कोण सूं व्यक्ति अर समाज
रें अनोखें सम्बन्ध री व्याख्या किया करं। समाज री सत्ता जिण आचार-विचार-
शीलता, मूल्य-मर्यादा या रीति-नीति मार्थ निर्भर करं, उणा सूंहीज उण समाज री
भाषा निमित्त हुया करं। जद कें आपरी रुचि, सस्कार, शिक्षा, मानसिक बणवट
अर कार्य क्षेत्र री आवश्यकतावा रें मूजब मितव उणरो इस्तेमाल किया करं है।
अं सगळी वाता 'मुडे मुंडे मतिभिन्ना' रें सिद्धांत रें कारण अक ही भाषा रें खातर
मंकड़ू'रूपां में दवाव नाखती रेंवें। भाषा भला ही अक हुयो पण उण रा प्रयोक्ता
अनेक हुया करं। भाषा रा प्रयोक्ता व्याकरण रा पंडित भी हुवें जिका कें उण रें
व्याकरण-सम्मत स्वरूप नू अक डंच भी आगें को सरकणो चावें नी, तो उणरा
प्रयोक्ता मोकळी तादाद वाला अनपढ तोग भी हुवें जिका नें व्याकरण सूं कोई

प्रयोजन कोनी हुवै । कबीर जेहड़ा लट्ठमार आदमी भी भापा रो प्रयोग करै अर उण सूं तानासाह जेहड़ा व्यवहार करै, भापा री गुलामी करण री जागां उण सूं हर भांत री स्वतन्त्रता लेवणी चायै । तो कल्पना री सूक्ष्मतर कोरां नै अर भावां री बारीक-सी अणदीसती रेख नै पकड़ण री कोशिश करनिया कवि-साहित्यकार भी भापा रा प्रयोक्ता हुया करै । अं लोग अनुभूति रा फूठरा चितराम खँवण खातर उण सूं मोकळै लचीलेपण री आशा राख्या करै ।

इणी तरपां सूं दार्शनिक री भापा-अपेक्षावां वैज्ञानिक री भापा-अपेक्षावा सूं जुदी हुवै तो व्यापारियां री अपेक्षावां शिक्षकां री अपेक्षावा नू मोकळो आतरोपण राखै ।

किणी भी जीवत भापा री सँगाऊ बड़ी चुनौती समाज रें लोगां री अं सगळी भिन्न-भिन्न अपेक्षावां नें पूरी करण रें रूप में रेंया करै । हर क्षण बदळती सामाजिकता रें सार्ग-सार्ग आगँ बँवती रेंवण रें वास्ते भापा नें रोजीनँ भांत-भांत री कठिनाइयां सूं सामनो करणी पड़ै । अगर किणी भापा री जड़ा गहरी हुवै अर बा आपरें पगा चालण री माजनी राखती हुवै तो समस्यावा भलां ही जनमती रेंवो, बा उणा सूं पार पावण रो रस्तो हमेसा सोधती रेंवै । पण अगर भापा रें मांय हीज कमजोरपां हुवै, जीवण रें सगळा क्षेत्रां री ताकीद नै पूरण रो जुगाड़ नी कर सकै तो बा मोकळो बिस्तार को कर सकै नी ।

इण सगळी बातां नें ध्यान में राख'र जद आपा राजस्थानी भापा मायें निजर दोड़ावां तो अँकै कानी इण री जूनी साहित्य-परम्परांवा, ऊजळी काव्य-रूढ़िया, बीरतां अर तेज रो उजास, मद्य और पद्य री मोकळी रचनावां, जुदा-जुदा बोल्या री निजू खासियतां चित्त नै आनन्द सू भर देवै । पण दूजें कानी राजस्थानी रें वास्तं सगळी आत्मीयता अर अपनापँ, प्रेम व श्रद्धा रें बावजूद इण री मोकळी कमजोरपां भी ध्यान में आया बिना कोनी रेंवै । राजस्थानी री अं न्यूनतावा हीज उण री घणकरी समस्यावां नें निपजावती रेंवै । अठे उणा री विगतवार चरचा की जा रेंयी है ।

भापा रें केन्द्रीय रूप रो अभाव—आपरी सगळी खूबियां रें बावजूद राजस्थानी भापा ओजूं ताई आपरें केन्द्रीय रूप रो निर्धारण कोनी कर सकी है । भापा री अेकरूपता रें बिना उणरो ना तो निर्दोष व्याकरण हीज बणायो जा सकै अर ना प्रादेशिक संकीर्णता री समस्यां सूं ही पार पायो जा सकै । ऊपर सूं हालाँकि राजस्थानी री इण बोल्या माय की खास आंतरोपण कोनी है पण उच्चरित शब्दा रें उच्चारण रो भेद अर सहायक क्रियावां री प्रयोगशीलता इणां नें अेक-दूजें सू जुदा कर रेंयी है । हाड़ोती रें मांय शब्दा रो उच्चारण मेवाड़ी सूं अलग अन्दाज में करीज्या करै तो शेखावाटी रो दूँडाडी सूं । अेक ही शब्द इण वास्ते जुदी-जुदी

बोलियाँ रं मांय आपरै निराळें ढंग सूं उच्चरित ह्युय रेंयो है। इण खातर भाषा री अेकरूपता अ-निर्धारित ही है। इणी तरघा सूं मारवाडी मे सहायक क्रिया 'है' रो प्रयोग हुवें तो दूजी जागां 'छें' रो। जूनै साहित्य में भी आं भेद मौजूद हो। इण कारण राजस्थानी रो आपरो केन्द्रीय रूप ऊभर कोनी पाय रेंयो है। मतभेद मोकळी समस्यायां निपजाय रेंया है। इणा रें मौजूद रेंवतां राजस्थानी रो तेजी सूं विकास सम्भव कोनी दीखें।

व्याकरण री समस्यायां— राजस्थानी व्याकरण री पहलही समस्या भाषा री आधारभूत ध्वनियां सूं हो निपज रेंयी है। भाषा विचारों री अभिव्यक्ति रो माध्यम है, ओ अेक सर्वमान्य सिद्धांत है पण विचार दरअसल वाक्या रें रूप में प्रकट हुया करै। इण वास्तै भाषा रो आधार ध्वनियां हुया करै। भाषा रो सर्वमान्य स्वीकृत स्वरूप इण भांत ध्वनि रें सूक्ष्म रूप मांय हर ठोड़ निदधमान रेंया करै। सामर्थ्यवान् भाषा व्यापक परिवेश अर भांत-भात रें लोगों री आवश्यकतायां नै पूरी करण री, ध्वनि-समूह नै समेटण री ताकत स्वयं मे राख्या करै। राजस्थानी रो परंपरागत ध्वनि समूह आपरी निजी पिछाण राखें। पण आज हर भाषा रा रूप दूजी भाषा सूं तेजी सूं प्रवेश करतां शब्दों री आमद रें सार्गै तेजो सूं बदल रेंया है। उणां री ध्वनियां री खूबियां आज हर भाषा नै स्वयं में जगावण री पुरजोर कोशिश करणी पड रेंयी है, राजस्थान मे भी आज शब्दों रो मोकळो आयात हुय रेंयो है। पण इण रो पौष्ट्य पूर्णता कानी भुक्तियोड़ो ध्वनि आधार मोकळी ध्वनियां संजोय कोनी पाय रेंयो है। डिगळ रें बगल सूं होज आ समस्या राजस्थानी में मौजूद हो। शायद ओहीज कारण रेंयो हुवें कं कवियां राजस्थानी री इण कमजोरी सूं मजबूर ह्युय नै प्रजभाषा कानी भुक्त्या, जिण सूं पिगळ भाषा रो विकास हुयो।

आज भी राजस्थानी मे संस्कृत रो 'कृ' स्वर अर उण सूं वण्योड़ा शब्दों रो उच्चारण कोनी हुय सकै। कृष्ण, कृपा, गृहस्थ जेहड़ा शब्दों नै इणी मजबूरी रें कारण क्रिसन, क्रिपा, गिरस्थ रें रूप में इस्तेमान करणो पडै। अंग्रेजी री मोकळी ध्वनियां जिकी कं 'आ' अर 'ओ' रें विचारलै री है, उणां नै ओकार रूप देवणो पडै। कोलेज होस्टल, जेहड़ा दोषां आळा उच्चारण सामें आवें। जूनी राजस्थानी में 'ओ' अर 'अऊ' रें रूप मांय बदलण री जिकी प्रवृत्ति ही, जिण सूं 'रासो' रो उच्चारण 'रासउ' ज्यू हुवतो। आ प्रवृत्ति हिन्दी-अंग्रेजी सूं आवणिया ओकारांत शब्दों रें उच्चारण मांय मोकळी बाधा पातै है। इणी भात 'न' वर्ण नै 'ण' रें रूप में उच्चारण री प्रवृत्ति 'पाणी' 'धणिक', जिसा रूप दे देवें, जिण सूं हिंदी रो 'बहानो' जिगें सरळतम शब्द रो उच्चारण करण मांय राजस्थानी आळा नै खासी कमरत करणी पडै। राजस्थानी रो मूर्धन्य 'ल' अर्थात् 'ळ' वर्ण इण भाषा री आपरी गता ध्वनि है

पण आ आज हिंदी, संस्कृत रा लकार युक्त शब्दां रें मागें मोकळी भ्रांति पैदा कर रेंयी है ।

संयुक्त अक्षरा रें वास्तं राजस्थानी में अनूतं सरळीकरण री प्रवृत्ति निजर आवं है । इण सूं भी परस्पर विरोधी वातां दीसं है । अक उदाहरण देवणो हीज मोकळो हुमी । राजस्थानी मांय 'र' वर्ण री संयुक्तता हमेशा सरळीकृत हीज हुवं । कदं भी उणनं रेफ रें रूप रें मांय प्रयोग कोनी कियो जा सकं । 'आर्डर' नै 'ओरडर' 'सिर्फ' नै 'सिरफ' 'कार्यालय' नै 'कारियालय' रूपांतरण इण प्रवृत्ति री हीज सूचना देवं पण आ प्रवृत्ति हमेशा रें वास्तं अक अनिवार्यता हुवगी है, जिकी भाषा नै घणी हानि पहुंचा रेंयी है । इण तर्यां री मोकळी कमजोरघा राजस्थानी रें शब्द-भण्डार नै सीमित कर रेंयी है ।

ध्वनि रें पीछे शब्दां री स्थिति हुया करं है । राजस्थानी में शब्दा नै लेयर भी मोकळी दिक्कतां पैश आवं । नूवा शब्दां रें आमद री कोशिश मांय राजस्थानी भाषा ओजूं ताई मध्य-युगीन संस्कारां री वेड़घा सूं जकड़ीज्योडी है । मुसलमानी शासनकाल में शब्दां रें आमद री दिशा संस्कृत सूं नी हुयर अरबी-फारसी सूं ज्यादा हुवण लागगी ही । इण री ओ दोष राजस्थानी मांय पनपणो कं इण री वभाण आज भी अरबी-फारसी रें शब्दां नै संजोय राखण कानी है । संवाददाता री जाणां अखबार नवीस, निवेदन रें स्थान पर अरज, प्राथंता री जाणां अरदास जेहुडा शब्दां मे किणी भी तरें री आपत्ति कोनी । पण आज उत्तरी भारत री सगळी भाषावां (राजस्थानी री सहोदरा गुजराती समेत) अक बार फेरूं संस्कृत सूं तत्सम रूपां री आमद कर रेंयी है । खास तौर मू न्यायालय, विज्ञान, तकनीकी क्षेत्रां मांय पारिभाषिक शब्दा री संरचना संस्कृत रें तत्सम रूपा सूं हुय रेंयी है । पण राजस्थानी ओजूं ताई खबर नवीस जिंसा शब्दां सूं चिपक्योडी है । इण मूं इण री खासी हानि हुय रेंयी है ।

दूजी भाषावां रा तत्सम रूपा नै स्वीकार करणो सोरो काम कोनी । हरेक भाषा इणां नै लेयर आछी-खासी दिक्कत मे पड जावं । राजस्थानी रें वास्ते तो ओ काम ओर भी समस्यावां फैला रेंयो है । इण री ध्वनियां री मोकळी कमजोरघां अर इणां रें खातर ब्याकरण री व्यवस्थावां री घणकरो अभाव इण कठिनाइया नै वधावण री कारण हुय रेंयो है । राजस्थानी भाषा री प्रवृत्ति संस्कृत री अपेक्षा अपभ्रंश रा अग्रसरी-भूत रूप सूं ज्यादा हेत राखें । इण कारण संस्कृत रें तत्सम रूपां नै इण मे सीधा ही स्वीकार करणो परम्परा रा प्रेमी लोगा नै पसंद कोनी आवं । संस्कृत रें तद्भव रूपां नै अंगीकार करणें मे इण री जित्ती भी चेष्टावा है, नै सगळी-री-सगळी अपभ्रंश री प्रवृत्तियां सूं परिचालित है । शब्दां रें द्वित्व री प्रवृत्ति (जिया सत्त,

कम्म) अर विषयें री प्रवृत्ति जिया धर्म री जागं धर्म, कर्म री जागं धर्म, सर्व री जागा धर्म जिया अर इणी भांत रा मैकहुं तद्भव शब्दां रा उदाहरण, जिका कं राजस्थानी भाषा री खासियतां न पेश करे, संस्कृत रं तत्सम रूपां न वणती कोशिश अस्वीकरण री होज सूचना देवे ।

आज जद कं भारत री सगळी भाषावां वैज्ञानिक युग री नित नूवी सामं आवणवाळी आवण्यकतावां रं वास्तं या तो दूसरी भाषावां सू (वासकर अंग्रेजी सू) तत्सम शब्द लेप रेंवी है, या पछे संस्कृत रं तत्सम समानार्थी शब्दां सू पारिभाषिक शब्दा री निर्माण कर रेंवी है । राजस्थानी रं वास्तं आहीज वात मोकळी दिक्कत पेश कर रेंवी है । ओ ही कारण है कं भाषा री भाषा री घरेलू व्यवहार खातर कारणें में कोई सकोच कोनी करण वाळो अंक शिक्षित राजस्थानी मिमल इणनं प्रदेश री राजस्थानी भाषा रं रूप में समर्थन देवण में सकोच कर रेंवी है । अठे हिंदी भाषा री मिसाल सामें राख'र भाषा राजस्थानी री इण कमजोरी न अर उण सू निपज वाळी समस्यावा न समझ सकसां । हिंदी री हेताळू व्यवहार अपभ्रंश सू तद्भव शब्दा री अपेक्षा संस्कृत रं तत्सम रूपा सूं तुलनात्मक दृष्टि सूं ज्यादा है । इण कारण इण नें नूवा पारिभाषिक शब्दा नें घड़ण भाय संस्कृत सूं सहायता लेवण खातर किणी भी भात री दिक्कत को हुवे नी । आज सूं बीस-पच्चीस बरसां पहली हिंदी भाषा ओ बडो भारी आरोप हो कं आ भाषा तकनीकी, विज्ञान आदि रा नूवा क्षेत्रा री पारिभाषिक शब्दावळी को राखे नी । पण आज घणी दूर ताई इण कमी नें हिंदी भाषा-भाषी दूर कर दी है । इण प्रक्रिया में उणां घणी दूर ताई संस्कृत री उपयोग करघो है । इण में कोई संदेह कोनी राजस्थानी नें अगर तारलें समय ज्यूं हीज आपरें सामर्थ्य नें बडावणो है तो उण नें परम्परागत सांच री मोह छोडणी पड़सी । उण नें नूवें जगत री भाषा वणन खातर क्रान्तिकारी परिवर्तन करण वास्तं तैयार हुवणो पड़सी अर दूजी भाषावां रं तत्सम रूपां नें है ज्यूं हीज अंगीकार करणो पड़सी । पण अपभ्रंश रं देण रं रूप में आ आज भी शब्दां रा अपभ्रष्ट स्वरूप नें स्वीकार करण री हीज आदत नी छोडसी तो इण री निजू पिछाण तो भलें ही बरकरार रेंव जासी पण आ विकासमान भाषा को वण सकें नी । अगर ओ कोनी हुय सकें तो पछे तद्भवीकरण री इण प्रवृत्ति नें सब ठोड इस्तेमाल करण री जबर्दस्त मुहिम छेडणी पड़सी जिन सूं जियां लोक जीवण में जनता टेम् (टाइम), कारट (पोस्टकार्ड), लिट्टमी (लट्मी), मिठाई (मिठाई), सनेस (सदेश), जोगी (योगी), मसाण (मसाला) रं रूपा में लोकाचार या रोजीनं काम आवण आळी शब्दावळी री देसी रूप निर्मित करघो है, उणी तरह सूं इण प्रवृत्ति में ध्यापक रूप में विस्तार देयर हर क्षेत्र री पारिभाषिक शब्दावळी नें आत्मसात् करणो पड़सी । ओ काम अंक तो सोरो

कोनी, दूजो इण भांय अेक खासै सभ्बे समय री भी जरूरत पड़सी । दुनिया आज जिसी तेजी सूं आगे बढ़ रेंयी है उणनं देखता अगर राजस्थानी भाषा तद्मवीकरण री कछुवा चाल सूं हीज आगे बढ़ती रेंयी तो न केवल आ भाषा बल्कै इण रा प्रयोक्ता भी रात-दिन पिछड़ता जामी, इण मे की संदेह कोनी ।

ऊपर राजस्थानी रै अपभ्रंश सूं भेळ री प्रवृत्ति री जिकी बात बताई गई है, उण नै राजस्थानी री भाषा-समस्यावां रै संदर्भ में थोड़ै विस्तार सूं समझण री जरूरत है, क्योंकि इण प्रवृत्ति भांय सूं ही इण भाषा री दूजो ओर समस्यावां भी सामे आई है । राजस्थानी भाषा रै विकास नै मोटे तौर सूं इण भांत तीन चरणां में देख्यो जा सकै है :—

- (१) जूनी राजस्थानी— 11 वीं शताब्दि सूं 16 वीं शताब्दि ताई
- (२) मध्यकालीन राजस्थानी— 17 वीं शताब्दि सूं 19 वीं शताब्दि ताई
- (३) आधुनिक राजस्थानी— 20 वीं शताब्दि सूं अबार ताई

आधुनिक राजस्थानी रै वास्ते उण रा जूना अर मध्यकालीन अं दोनूं रूप जुदी-जुदी समस्यावां उत्पन्न कर रेंया है । इण खातर इणां री अठे अलग-अलग विवेचन करणो समीचीन रहसी ।

जूनी राजस्थानी सूं निपज्योड़ी समस्यावां—उत्तरी भारत री दूजो भाषावा उयू ही राजस्थानी री विकास इग्यारहवीं-बारहवीं शताब्दि ताई अपभ्रंश सूं हुयो । विद्वानां में अपभ्रंश रा प्रादेशिक भेद लेय नै अलै ही मोकळा मतभेद हुयो पण इण बात में सगळा जणा अेकमत है के स्वय अपभ्रंश भाषा रै विकास क्रम रै माय उण रै पहलड़ी अपभ्रंश अर पाछली अपभ्रंश रै रूप में दो चरण सामे आया । ज्यादातर भाषावा (जिन मे हिन्दी खास तौर सूं सामळ है) अपभ्रंश रै पाछलै रूप नै आपरो आधार बणायो । अपभ्रंश रै इण रूप नै समुन्नत (अेडवांस्ड) या अग्रगामी अपभ्रंश री नांव दिरीज्यो हो जद के उण रै पहलड़ै रूप नै परिनिष्ठित अपभ्रंश रै रूप मे पिछाण्यो गयो । हालांके इण दोनों नै अपभ्रंश ही कैवता पण दोनूं रूपां में मोकळो अन्तर हो, इण मे की संदेह कोनी । अठे इण भेदां री विगत मे जावण री जागां इण पक्षिया री लेखक इण बात कानी सुधी पाठका री ध्यान आकषित करणो आवे है के राजस्थानी भाषा रा प्रारम्भिक प्रयोक्ता इण परिनिष्ठित अपभ्रंश सूं जुड़ियोड़ा हा । यू तो हर भाषा रा दो रूप हमेशा मौजूद रेंवे है । इणां नै परिष्कृत भाषा व देसी भाषा इण दो रूपा सूं पिछाण्यो जावै है । भाषा री परिष्कृत रूप व्याकरण-सम्मत हुवे जद के देसी रूप उण रै विकसित रूप री बानगी दिया करे है । अपभ्रंश री परिनिष्ठित रूप भी इण सिद्धांत रै मुजब उण रै देसी रूप सूं दूर अपेक्षाकृत व्याकरण री बंदिशा सूं ज्यादा बंधियोडो हो ।

राजस्थानी रो प्रारम्भिक विकास इणी परिनिष्ठित अपभ्रंश सूं हुयो । इण खातर इण भांय सुरू सू हीज साहित्यिक सभावनावां तो मोकळी पनपगी पण उण रो देसी आधार चौदहवी-पंद्रहवी शताब्दि ताई मायब-सो रैयो । इण रो परिणाम ओ निकळघो कं राजस्थानी रो प्रारम्भिक रूप प्रयोगा रै मोह रै कारण अर भापा रै परिनिष्ठित स्वरूप री बहुतायत सूं धीरै-धीरै संकुचित हुवण लागगो । सोळहवी शताब्दि ताई इण नै डिगळ नांव सूं पुकारघो जावतो । साहित्यिकता री बहुतायत अर देसी आधार री समाप्ति रै कारण आ भापा कृत्रिम वणगी । इण कारण जूनी राजस्थानी रै साहित्य मे प्रयोगां रो लूठोपण तो निजर आवं पण जीवन री ताजगी सफा मायब दीर्घ है ।

डिगळ भापा री आ कृत्रिमता आपरी निजू असरदार विशेषतावा राखता थका भी भापा नै जड करदी, इण मे की संदेह कोनी । आज री राजस्थानी रै वास्तं अेक मोटी समस्या आ है कं डिगळ रै संस्कारां नै निभावणो आज मुश्किल अर अनावश्यक हुवता थका भी उणा सूं वा (राजस्थानी भापा) मुक्त कोनी हुय पा रैयी है । इण रो अेक कारण ओ है कं राजस्थानी रो ओ रूप भलं ही कृत्रिम हो, ओ हीज इण भापा रै व्याकरण रो आधार है । राजस्थानी रो सगळो व्याकरण इण भापा रूप नै मानक मान'र ही निर्मित हुयो है । भलां हीं टेंसिटोरी हुवो कं भलां हीं रामकरण आसोपा । अे लोगा राजस्थानी रै व्याकरण रै नांव माथं प्राप्त (साहित्य री सीमावां रै कारण) दर असल सिर्फे डिगळ भापा रो हीज व्याकरण लिख्यो है । अबं जद कं भापा रो रूप नित नूवो हुय रैयो है, जूना शब्दां रा रूप घिस रैया है, वाक्यां री वणगट नूवो अंदाज धारण कर रैयी है अर तेजी सू भापा माय नूवी प्रवृत्तिया पनप रैयी है, उण वगत ओ व्याकरण इण रै विकास मे मोकळी अडवण पंदा कर रैयो है । इण वास्तं आज री राजस्थानी भापा री इण समस्या सूं छुटकारो पावण सारू डिगळ रै मोह नै अर उण रै व्याकरण री बंदिशा सें छोडणो ही पडसी । इण रै बिना इण भापा रो तेज गति सूं विकास सभव कोनी ।

मध्यकालीन राजस्थानी सू उपरयोड़ी समस्यावां—डिगळ जद संकुचित अर कृत्रिम भापा रो रूप धारण करण सागगी तो आम जनता में तेजी सूं उण सू अलग राजस्थानी री देसी रूप विकसित हुयो । भापा रै इण रूप रो विकास लोक चेतना सूं सांतरं भाव सूं जुड़ियोड़ी हो । ओहीज कारण है कं इण मे लोक-साहित्य रो मोकळो सर्जन हुयो । मीरां अर राजस्थानी जन-भावना नै ऊंडी गहराई ताई जुड़घोड़ां राजस्थान रै संत लोमां रो साहित्य मध्यकाल री भापा रै लोक आधार रो प्रमाण प्रस्तुत करै है । इण भापा भांय सरलीकरण री प्रवृत्ति खास ध्यान खीचण आळी विशेषता है । इण भापा में ही संस्कृत रै शब्दां रा तद्भव रूप विकसित हुया

है। इण प्रवृत्ति सँ हालाँकि मोकळो लाभ हुयो पण अक मोटो नुकसान ओ हुयो कं इण भाषा री दिशा ग्रामीण भाषा रो रूप धारण करण री ओर प्रवृत्त हुयगी। ठेठ ग्रामीण भाषा रें रूप में आ फैलती रेंगी। इण मूँ आ जाण भाषा रें क्षेत्र नें छोड़'र बोली रें क्षेत्र में प्रविष्ट हुयगी। भाषा रो ओ रूप आपरें निजू मुहावरों रें कारण, सरलता अर मिठास रें कारण राजस्थानी भाषा रो अक प्रभावशाली आकार निर्मित कियो। पण इण री दिशा बोली रें कायनी हुवण सँ भाषा रो रूप घीरें-धीरें खतम-सो हुयगो। चारण कविया ज्यू डिगळ नें अक वणावटी अर मुशकिल भाषा वणायदी उणी भात सोक चेतना राजस्थानी रें देसी रूप नें ग्रामीण बोली रो रूप दिराय दियो। भाषा विज्ञान रो ओ सिद्धांत है कं विकासशील भाषा री दिशा बोली सँ भाषा कानी प्रवृत्त हुवें पण मध्ययुगीन राजस्थानी रें लोक साहित्य री प्रधानता अर उण रो ग्रामीण आधार आ गवाही देवें कं आ भाषा घर असल बोली कानी ज्यादा विकसित हुयी। सामान्य हिंदीजन या दूसरा भाषा-भाषी राजस्थानी नें भाषा नी मान'र बोली मानें उणांरो चिंतना रो ओहीज आधार है। इण वास्तै आपा जद राजस्थानी नें भाषा रें रूप मे सविधान में मान्यता प्राप्त भाषावा री सूची मे सामल करावणी चावा उण वगत हूजा लोग इण रो समर्थन इणवास्तै कोनी करें कं उणां रें मन मे आ बात घर करगी है कं राजस्थानी घर असल बोली ही है भाषा कोनी। इण भात मध्ययुगीन राजस्थानी रो भाषा रूप इण रें खातर आपरेंडंग सँ समस्यावा पैदा कर रेंगो है। लोगा रें इण भ्रम नें तोड़ण सारू अर राजस्थानी नें भाषा रो संमानप्रद रूप दिरावण वास्तै ओ जरूरी है कं आपा इण री गति री दिशा नें अवै बदल देवा। शहरीकरण री प्रवृत्ति जद आज समग्र देश रें समाजशास्त्र रो आधार वण रेंगी है उण बेळा राजस्थानी भाषा री ग्रामीण दिशा नें तोड़घा बिना उण रो विकास असभव-सो है। आ बात सुधी पाठका ज्यूही इण पक्तियां रें लेखक नें भी बोखी कोनी लाग रेंगी है। पण ज्यू आज सगळी राजनीति, विज्ञान, उद्योग ही नी देश री सगळी समाजिक, आर्थिक अठं ताणी कं सांस्कृतिक दशावा रो नियमन, उणा रो नेतृत्व अर उणारी सगळी चिंताधारावा तक जद कं शहरी मानसिकता सँ नियंत्रित हुय रेंगी है उण बखत राजस्थानी रो ग्रामीणोन्मुखता नें संजोय राख'र आपा विकास कोनी कर सकसा इण बात मे रचमात्र भी सदेह कोनी।

आधुनिक राजस्थानी री समस्यावां—राजस्थानी रो आधुनिक रूप सगळी कठिनाइया समस्यावा रें वावजूद तेजी सँ उभर रेंगो है। आ बात आपा नें आवश्यक कर'र होसलो-अफजाई भी करे। पण आज री राजस्थानी भाषा री भी अक जवदंस्त चुनोती रें रूप मे सामें खड़ी समस्या है। राजस्थानी नें आज स्वयं री पिछाण कायम करण री चुनोती सँ जूझणो है। आ समस्या हिंदी सँ अलग आपरी निजू पिछाण

कायम करण री हे । गुजराती अर राजस्थानी दोनूं भाषावां सोळहवीं शती ताई अंक-ही ही । पण उणरें पछें गुजराती तो आपरो स्वतंत्र भाषा-रूप विकसित कर लियो पण राजस्थानी (जियां पहली स्पष्ट कियो गयो हे) या तो ङिगळ रें वनावटी रूप नें आगं वढायो या देसी रूप नें, जिको धीरें-धीरें बोली रो रूप धारण कर लियो । आज गुजराती नें हिन्दी री बोली मात्र कंवाण री हिम्मत कोई कोनी कर सकें पण राजस्थानी न केवल भाषा ही को मानीजें नी बल्कें इण नें व्यारू फेर हिंदी री अंक बोली रें रूप मे ही समझी जावें हे । राजस्थानी री आ समस्या सैगाळ टेढी सब सू भीषण अर उण रें अस्तित्व माथें हीज सवाळ खडो करण आळी घोरतर समस्या हे ।

समस्यावां रो निराकरण—अं सगळी समस्या सूं पार पावण सारू राजस्थानी री दिशा तो बदळणी पडसी ही (जिण सूं कं आ आज री सामाजिकता अर युगधारा सूं जुड सकसी), इण रें विस्तार रा घणा-सारा उपाय भी करणा पडसी । भाषा रो विकास अंक-दो वर्षां मे कोनी हुया करूं, ना अंक दो विद्वाना-पंडिता री चेष्टावा सूं ही उण मे गति उत्पन्न हुवें । अं वातां जितो साची हे उतो ही आ वात भी साची हे कं किणी भी भाषा री समस्यावां अेहडो कोनी हुवें कं अणसुळभायोडी ही रेंय जावें या समस्यावां रें कारण भाषा रो विकास हीज रुक जावें ।

भाषा तो वंवाते पाणी री धारा हे । अगर उण में गति है तो कितो बाधावां सामने क्यूं नही आजावें बा तो आपगे रास्तो पाम ही रेंवेली । समस्यावा उण रें मार्ग में रोड़ा भलें ही नाख दें, उणनं रोकण मे जड़ वण'र पूरी तरधा-सू समर्थ कोनी हुय सकें ।

राजस्थानी भाषा री गति पूरें अंक हजारवरसा सूं कायम है । इणरी यात्रा में दूजी भाषावा रें ज्यूं हीज मोकळा उतार-चढाव आया है । आज उण री गति नें तेजी देवण री जरूरत है । चेष्टा करघां सूं राजस्थानी रो वाछित विकास भी संभव है, आ अंक निर्वन्ध वात है । राजस्थानी री इण दशा सारू अपेक्षित चेष्टावां मे सैगाळ जरूरी इण रें शब्द भंडार रो विस्तार है । हर भाषा री ताकत अर गतिशीलता रो आधार उण रो शब्द भंडार हुया करूं । भाषा री समृद्धि री पिछाण शब्दा रें तादाद सूं हीज तय हुवें हे । राजस्थानी रें शब्द भंडार वीरता, तेज, रति, भक्ति जेहड़ा भावां री अभिव्यक्ति सारू जिया सामर्थ्य अजित करी ही आज बौद्धिक-वैचारिक क्षेत्र री सर्वांगीण अभिव्यक्ति सारू भी उणी भांत इण नें आत्मसात् कर'र आपरो सामर्थ्य वढावणो पडसी । जीवन रें हर क्षेत्र री, भाव रें हर तरह री कोर री, सीदयें री हर तरह री दिशा री, बुद्धि री हर तरह री रंगत री अभिव्यक्ति करण आळी शब्दावळी नें राजस्थानी मे पनपावण री जरूरत है ।

शब्द मंडार री दूसरी दिशा पारिभाषिक शब्दां रें विकास री भी है। आज जित्ती तेजी सूं समाज गतिशील है उतै ही वेग सूं हर भाषा सूं पारिभाषिक शब्दां रें निर्माण री अपेक्षावां भी बढ़ रेंगी है। राजस्थानी इण रूप मे मोकळी पिछड़ती जा रेंगी है। इण कमी नें दूर करण सारू व्यापक अर गंभीरतम प्रयासां री जरूरत है। लेखक री समझ में अकादमी नें अेक वृहत् प्रायोजना (प्रोजेक्ट) बणाय'र विज्ञान, दर्शन, साहित्य, तकनीकी आदि जिसे हरक्षेत्र री पारिभाषिक शब्दावलियां री निर्माण करणो चाहिजें। इणरें बिना राजस्थानी री विकास संभव कोनी लागें।

शब्दकोश री निर्माण—आ भी भाषा री एक जवदंस्त चुणौती है। राजस्थानी में ओजू ताई बण्योड़ा शब्दकोश अघूरा, अेकागी अर अपर्याप्त है। इणां री अेक बडी कमजोरी आ है कें उणा मांय कोरी साहित्यिक सदमंता मौजूद है। जीवन संदर्भ रा सगळा आयामां सूं जुड़ियोड़ी शब्दावळी अर उणारी अर्थ-निष्पत्तियां री निर्धारण कियां बगैर भाषा री विकास असंभव है। इण वास्तें अठौनै भी ध्यान दियो जावणो बहुत जरूरी है।

राजस्थानी अेक व्यापक क्षेत्र री भाषा है। आज राजस्थान माय ही नही उण क्षेत्रां माय भी इण री व्यापक प्रसार है जठें प्रवासी राजस्थानी लोग व्योपार कर रेंया है। अें प्रवासी लोग इण भाषा नें बंगाल, असम, महाराष्ट्र, तमिलनाडु रें अतिरिक्त विदेशां माय ताणी फैलाय दी है। पण इण री व्यवहार घरेलू भाषा रें रूप मे होज हुय रेंयो है। मध्ययुग मे राजस्थान रा व्योपारी लोग इण री व्यावसायिक इस्तेमाल कियो हो अर महाजनी रें रूप में इण नें अेक व्यापक क्षेत्र रें व्यवहार री भाषा बणाय दी ही। कोई भाषा जद ताई घरेलू भाषा रेंवं उण री विकास को हुय सकेंनी। इण वास्तें राजस्थानी री महत्ता नें अेक बार औरू स्थापित करण सारू इण नें व्यावसायिक-औद्योगिक क्षेत्र री भाषा रें रूप मे विस्तार देवणो जरूरी है। इण खातर राजस्थानी मे पारिभाषिक शब्दावळी री विकास भी करणो पड़सी। इण शब्दावळी रें सिरजण रें बिना राजस्थानी री उन्नति वा प्रगति री बात मात्र भावुकता सूं फरघोड़ी कल्पना अर हुयर रेंय जाती।

भाषा रें तेजी सूं विकास खातर अखबारां-पत्रिकावां री मोकळी आवश्यकता है। इण क्षेत्र में राजस्थानी में इण कमी नें दूर किया बिना उणरी समस्यावा नें पार कोनी पायो जा सकें पण दुख री बात आ है कें आषा राजस्थानी मे अेक भी दैनिक अखबार तो निकाळ सका कोनी अर सरकार सूं आ अपेक्षा करा कें वा राजस्थानी नें सरकारी कामकाज री भाषा बणाय देवें। (कोई संतीस बरस पहली श्री रणाभाई जयपुर सूं जागती ओत नाथ री राजस्थानी मे अेक दैनिक पत्र निकाळचो हो। वो अनियमित हो अर थोड़े असें पछें बढ हुयणो) इणो भात आपाणी राजस्थानी

भाषा जठं ताई सगळें ज्ञान-विज्ञान रें विषयां री भाषा रें रूप में इस्तेमाल नी हूय, उणरी समस्यावां को मिट सकसी नी । ओजूं ताई आ सिर्फं साहित्य री भाषा है । सो-यचास साहित्यकार इण रो प्रयोग पुस्तक लेखन में कर रेंया है, पण जद ताई इण नें सगळें वाङ्मय री भाषा रें रूप में इस्तेमाल नही कियो जासी आ पिछड़घोड़ी भाषा हीज बणी रहसी ।

इण भात ससार री दूजी भाषावां ज्यूं हीज राजस्थानी री भी आपरी मोठ्ठी समस्यावां है । समस्यावां हुवणी भूई वात कोनी, आ तो सुशो री वात हुवणी चाहीजं । इण खातर निराश हुवण रो कोई कारण कोनी । जठं ताई भाषा रें सामनं समस्यावां खड़ी रेंसी, बा जीवत अर चुणीतिर्या सूं जूझण आली भाषा बणी रहसी । बिना समस्यावां रें भाषा मृत भाषा बण जावें । राजस्थानी री मोठ्ठी समस्यावां इण रें जीवन रें घड़कण री सूचना देय रेंयी है । इण वास्तं इणा सूं भय रावण रो या निराश हुय जावण री किचित् भी जरूरत कोनी है । आज री प्रत्यक्ष जरूरत आ है कं आपां राजस्थानी रें तेजी सूं विकास सारु सचेष्ट हुवां वयूं कं ओ कोरी भावुकता रो प्रश्न नी है । ओ आपा री सगळी आस्थावां रो, विश्वासा रो अर आपा री सगळी वैचारिक सामर्थ्य अर बौद्धिक जागरूकता रो प्रश्न है । इण ओळघां रें लेखक रें आशा ही नी, अटूट विश्वास है कं आपां इण परीक्षा में सरा उतरालां ।

□

(राजस्थानी रेंया मे प्रकाशित)

राजस्थानी साहित्य री नूवी कविता

साहित्य हरमेस परम्परा ने जीया करे पण आपरे निराले अन्दाज मे ँ एक परम्परा सूं द्रोह दूजी परम्परा सू सूत्रपात रो कारण हुया करे। जूनी परम्परा रो विरोध नूवी काव्य प्रेरणा रो हेतु बण ने उण रो प्रवर्तन करिया करे। हर टेम री नूवी काव्य चेतना बदलियोड़ी जीवण दसावां माय जूनोड़ी भीत री निजरां रे दूटता खण्डहरां मार्य माथो ऊचो कर ने गरब सू ऊभो होवण री चेष्टा किया करे। बदलाव री ऐड़ी वातां हर युग मे सामी आवती रँवे अर नूई नूई अनुभूतियां ने नूअे नूअे ढंग सू परकट करण री आपरी निजू शेलियां रो सिरजण करती रेह्या करे। आगे जायने ऐ परम्परावा भी प्रयोग री मोकळी पुनरावृत्तियां रे कारण फीकी पड़ती जावें। जिण सूं द्रोह रो भाव आपी आप नूवा चितेरा मे दीसण लाग जावें। परम्परा रो ओ अनूठो ढंग साहित्य री नित नूवी सिरजण चेष्टावा आमीने धकेलती रँवे।

नूवी कविता री सज्ञा सूं हिन्दी मे जिकी चेतना उभरी ही उण रो आधार कोरी मोरो परम्परा सूं विद्रोह रो भाव हीज कोनी हो। उण रो आधार बदलियोडा युग री एक अणदवीसती माग ही। दूजोडा महायुद्ध रे पाछे दुनियां भर मे जिको विचार मंथन हूयो वो जूना मूल्या अर आदर्शां ने अचाणचक मे हीज भूठा अर निकम्मा बणाय'र परे नाख दिया। इण भावना ने देस री आजादी अर उण रे पाछे री सगळी जीवण दसावा घणखरी पुष्टता दिरायी। ऐड़ी टेम रचनाकार रो हिवड़ो मोहभग रा अनुभावा सू भरीज ने नूवे युग री माग ने रचना रो विषय बणावण खातर आमीने आयो। आ लोगा री चेष्टावां प्रयोग ने हीज आपरो इष्ट मानियो अर नूवी पगडडियां मार्य आपरा पगलिया धरता यकां साहित्य सिरजण कियो। इण काव्य आन्दोलण ने 'नयी कविता' रो नांव दियो गयो। छठो दशक हिन्दी मे तो मई कविता रो दशक बण'र सामी आयो जदे के उणी युग मे उणी जीवण दसावा मे जीवण आळा राजस्थानी रा रचनाकार उण बोध ने कोनी पकड सवया। पण परम्परावा सूं द्रोह रो भाव इणां माय भी बूरियोडा छाणा जिया माय ही माय सुलगतो हो इण मे भी किणी भात रो सन्देह कोनी है।

नूवी काव्य चेतना : एक आवश्यकता— राजस्थानी रचनाकार रे वास्ते नूवी चेतना ने सामी लावण री चेष्टा आज रा बोध ने धारण करण री कोरी एक चुनौती हीज कोनी ही एक तरासूं उणा री मजबूरी भी है। डिगल री बेळा सू ही

राजस्थानी साहित्य की चेतना माथे आंचलिकता अर लोक संस्कृति की छाप मोकली महाराई सूं छापीजियोड़ी हो। अठे की ऊजली अर ओपती लोक संस्कृति अठे रे लोगां रे सोच ने सागीड़े भाव मूं जकड़ियोड़ी हो। इण अचल रीं आपरी निजू पिछाण जिण रूप में कायम द्वयगी हो उण सूं नीसरणो सोरो काम कोनी हो। सिरजण की वेळा उण की चेतना माथे संस्कृति रा सगळा फंलाव हावी रेंवता। उण सूं आतरे जांवती वेळा उण ने ओ खतरो हरमेस रेंवती के आंचलिकता रो पल्लो छोडती वेळा कठें ही उणा की खुद की निजू पिछाण हो खतरा में नी पड जावे। आज्ञादी रे पूठे इणी कारण अठे रो रचनाकार और महाराई सूं जूनी परम्परावा सूं जुडग्यो। गोरदी रा गीतां रा के धोरां की महिमा रो सगीत होज गुणगुणावण लागग्यो। उण की आख्यां रे सामी वेंवती समान्तर जिनगणी जाणे उण रे वास्ते की भी महत्व कोनी राखती। अर बां आख्या मीच'र जूनी वाता मे हीज आपरी शक्ति खरच करतो रेह्यो। आ बात नूआ सिरजण रे वास्ते मोकली चुनोती ही जिण सूं जूझण मे वे की भी भात रो सकोच कोनी कियो।

नूवा हस्ताक्षर—राजस्थानी साहित्य में नूवी कविता की चेतना की विकास दोवड़ी अपेक्षावां ने पूरण की कोसिस हो। एके कानी तो युग की मांग ही जिण ने हिन्दी आळा कवि पूर रह्यो हा अर जिणां रो सीधो असर आं कवियां माथे पड़नो जखरी हो। दूजी कानी अठे रा कवि की खुद की माय की मांय कसमसीजती चेतना हो जिकी के परम्परा सूं मुक्त हुवण खातर आपरी पूरी ताकत सूं कोसिस कर रेंया हा। फेर भी राजस्थानी मे नूवी कविता की सख्वात मातवां दसक ताई कोनी हुई सकी। हालांके उण कानी कदम बढावण रा सागीडा सकेत मिलण लागग्या हा। इण अणन्यतोड़ी दीडती आवती काव्य चेतना सूं परहेज करणो अर सोरो काम कीनी हो। नानूराम सस्कृता, नारायणसिंह भाटी, रेंवतदान चारण, गजानन वर्मा, सत्यप्रकाश जोशी सारीखा कवि नूवी जमी की पिछाण रा आसार खडा करण लागग्या। इणा मे नूवें जमाने की जीवती सम्वेदनावा ने माडाणी नकारण की प्रवृत्ति फीकी पडगी। नूआ भाव बोध रे वास्ते ऐ लोगां राजस्थानी साहित्य रा दरवाजा खोल दीया। डा. मनोहर शर्मा रा अ बोल करवटीजती परिपाट्यां रे प्रमाण है— 'कवि कल्पना रो हंस/मन भावतो है तो यथार्थ की कोचरी भी कम रूपाली कोनी/ हस रे गीता रे साथे/अब कोचरी रा भी गीत गावो।'।

नूवी कविता की ओलखण—इण नूवी कविता की माची ओलखण सन इकोत्तर मे प्रकासित काव्य सकलण 'राजस्थानी-एक' सूं हूय सकी। जूनी चाल आळी कविता ने इण संकलण की मोटी रूपरेखा हिन्दी में अजेय सूं सम्पादित 'तार-सप्तक' सूं प्रेरणा लेय ने सिरजित हुई। नूवी चेतना रा पांच कवियां ने सामी लावण

वाळो ओ संकलन पण तार सप्तक री कोरी मोरी मदी नकल हीज कोनी है। फंसण री चाल ने अपणावता थकां भी इण संकलण री कवितावां रे मांय राजस्थानी री आपरी मिठास, रचनावा रो निरालो अन्दाज अर कथ्य री आपरी ओळखाण मौजूद है। संकलण रा पांचऊ कवि गोरधन सिंह सेखावत, पारस अरोड़ा, आंकार पारीक, मणि मधुकर अर तेजसिंघ जोधा एकण कानी नूवी चाल ने सीक देवण री सचेत विचारधारा राखे है तो द्वजी कनी आपरा निजूपणां ने भी दरसावण में पाछे कोनी रवे है। इण संकलण सूं राजस्थानी री नूवी कविता री पिछाण कायम हुई। जिण मांय आजरा मोकळा कवि आपरा कदम बढाय रह्या है। इण मांय चन्द्रप्रकास देवल, सावर दइया, नन्द भारद्वाज, विश्वनाथ शर्मा बिभलेस, रामेश्वर दयाल श्रीमाली, लक्ष्मीशंकर दाधीच, हरमन चौहान, पुरुषोत्तम छंगाणी, सत्येन जोशी, प्रेम जी प्रेम, राजेन्द्र ओहरा जेड़ा एकदम नूवा कवियां रे सागे सागे मोहम्मद सदीक, मोहन अलोक, शिवराज छमाणी, अन्नाराम सुदामा, रघुराजसिंह हाड़ा जिसा कवि सामळ है।

माटी रो अणभाषतो कोड—राजस्थानी री नूवी कविता हिन्दी री ऐडी कविता सूं घणखरी दिसा लेवतां थकां भी उण री पिछलग्ग कोनी है। मूएपणां रा संस्कारां ने ऐ लोम हिन्दी रे सागे सागे सीधा बिदेसी साहित्य सूं भी अपणावण री कोसिस की है। इणा रे मांय माटी रो कोड सांतरे भाव सूं सम्बेदनावां सूं गुंधी-जियोडो दीसे। ऐ कवि नूवे भाव बोध रे मिनख रे रूप मे निजूपणां ने खोजता थकां भी आपरे ओळू दोळू री हवा री ताजी महक ने छोडणो कोनी चावे। भीडतन्त्र रो एक अग होवण रो अहसास इणां मांय अनुभवां सूं पापीजियोडो निराश भाव भरे है। पण इण रे भागे गांव री आपरी पिछाण राखण री दर्दीली अनुभूतिया भी इणां री चेतना मे जमियोडी है—‘ओ गांव म्हारो है/राजनीति सूं सूत्योडो।’ इणी तरा सूं जूनी परम्परावा री निरर्थकता रो अहसास भी जीवंत रूप मे उभर्यो है—‘आ भायला/हेलो पाडा चूच भिडावा/तमासो करां/आ मितर/घतूरो घोटो/मसाण जगावां/सायें मरा।’ (मणि मधुकर)

परम्परा सूं द्रोह अर पीढ़्यां रो आंतरोपण—आजादी री अणओपती खाता इण कविया ने विद्रोही बणावे। सामाजिक जीवन दसावां मांय वगे भावनावा, मिनख विरोधी आचरण रो विरोध इणा री कवितावां मांय उग्र भाव सूं सामी आई है। ऐ कवियां रो सगळो विरोध, कविता रो जुम्हारूपण अर भासा री गुस्सेल तबियत, आधिक असमानतावा ने खासतौर सूं चवडे लावण रो एक मोटो उपक्रम है। मोहम्मंग री ता पीड़ा ददं रा दस्तावेज वण'र इणां री कविता ने भिभोडती निजर आवे है—

लोग केवँ सूरज ऊगो, पण कठै संयो परकास
 हाथ हाथ नै खावण दोड़े किणँ री राखो आसि
 मुलक री आ कंडी आजादी
 पूत-पितर मे मच्ची छिनाली
 चारू दिस बरबादी । - (गणेशीलाल लाल व्यास 'उस्ताद')

आज री अराजक जीवण दसावां जिण अमूजे रो सिरजण करे उणा में जिनगी री आस्था पूरो तरें सूं भम्फीजगी है । ऊगते सूरज रो उजास अंधारा रो जिको फैलाव लीयोडा है उण मे लोग घोखे में पडियोडा भरमीज रया है । जिनगाणी आजीवण कारावास री यातना भोगती, कंद हुयोड़ी साफ साफ निजर आवे है—
 'काच रं पेपरवेट में बन्दी किणी रग पुसप री भांत/अंक पार दरसी कंद मे/बाट उडीकती जिनगाणी ।' (पारम अरोड़ा) । मोहभंग अर व्यवस्था री अराजकता अणदबियोडा भाव सूं इण कवि री चेतना रो अग बणियोडी है जिण री हिलोरां ऐणी कविता री ओळी ओळी माय निसरती रंवे है ।

अमूजे रो उकळतो लावो—दिखावा रा सगळी सरकारी मूंडा समारोहां रे लारे मेह सूं पेला री काळी पीळी आंधी तेजी सूं बेवती आय रहमी है । ऐ कवि लोगां ज्यूं आस्था मीच'र माडाणी नकारण री भूल कोनी करे । अराजक जीवण दसावां रा हेतु रूप राजनीति अर उण री सगळी सुगली-भूण्डी बातां ने मेहदी रा माडिया ज्यूं बारीकी सूं कविता में उतार्या है—

'प्यारे नंगो और भाइयो/आज आपन मैं बताण ने आयो हूं के/मे चुनाव मे खडयो हुयो हूं/...जीयां पैल्यां बीरबली श्री हनुमानजी/लका मे जाकैं असोक वाटिका उजाड़ी बैया ही में टेबल क्रुरसी उठा उठा के पटक पटक मारुंगा विरोधिया रे सिर मे/आछ्या तीस मारखा भी बारे भागता फिरेगा' (विश्वनाथ शर्मा विमलेश) । अमूभक्ती मिनख चेतना री उकेर इण कवितावां माय ऊडी घणी है । सत्ता रो आतंक उण ने घणी देर तई अर्ब दबाय को राख सकै नी इण में इणा री पूरी आस्था है—
 'आंगणे रो अमूजो/धरती पर/भम्पाड़ बण'र फूटसी बार लो मौसम/मायलै अमूजै री/रोकधाम/करण कद आडो आयो/कद आडो आसी ।' (मोहम्मद सदीक)

नूवी जमीं रा ओळखीजता आखर—राजस्थानी री नुवी कविता री पिछाण करावण आळा ओळखीजता आखरा री भाषा अवे भणियोडा रो सन्तोष कोनी रंयो है । इण कविता री यात्रा गिरती पड़ती उणी दिसा माय आगीने जाय रंही है । जिण दिसा मे आज री हिन्दी कविता ही कई सगळी भासांवा री कविता री यात्रा घणखरी बढती दीमे है । बोध रो ओ स्वरूप ऐणी रचना-प्रयासां रा ऊजलेपख री साथ भरे है । इणां री कवितावा में जिनगाणी री ऊब घुटन अर वेफालतूपण—

जियां घर सँ दूतर/दफ़तर सँ घर/जिया म्हे जिया/तो फकत ओ सफर/जिया' (मोहन आलोक) । मूल्यहंता आचरणां ने चवहँ लावण खातर मूल्यहीनता अर जड़ता आदि रो चितरण जियां—'बयूँ एक रघुकुली ऊमो है भुवयोडो/जगँ जगँ सँ दूदयोडो तिडकयोडो/जमानो/नी जाणँ किण री स्वतन्त्रता सारू निरन्तर कर रँयो है संग्राम (रघुराजसिंह हाडा) । संग्रामसँ ज्यादा विडम्बनावां ने सामी लाअणवालो व्यय रो हथियार भी इणां री कवितावा माय आपरी जुदी पिछाण करावे जिणनँ बाँचणीं दोरो कोनी है—'घारँ मे काँई गुण है/कँ तनँ नमा, गैला मास्टर' (रामेश्वरदयाल श्रीमाली) ।

ऐ प्रवृत्तियां राजस्थानी री आज री कविता री दिसावां ने सामीड़े भाव सँ प्रकट करती दीसे । इणां सँ अब ओ भरोसो लियो जाय सके के राजस्थानी में अब कीरी मोरी कल्पनावां आळा 'गोरडी रा गीत' के 'घोरां री धरती रो संगीत' के 'मारू री प्रेमकथावां' रा दिन लदग्या । इण धरती में बीरां रा रगत री छायां ने सोधणी कीकर सम्भव है बयूँके जमी रो एक-एक कण अवसरवादियां-भ्रष्टाचारियां री सीखा सँ रलीजियोडो गिधाय रँयो है । अबे तो आज रा उबलता सवाल ने बाचणी जरूरी है । जिण सँ साथत जिनगाणी रे साथे, आज रा मिनख रे साथे, मिनखा री दूदयोडी आशावा रे साथे, अर पाठकां री अपेक्षावां साथे किणी भी भात रो न्याय कियो जाय सके । नूवी कविता रो प्रयोग करण आळो राजस्थानी रो आज रो कवि इण मुजब री जागरूकता री मोकली ओल्लाण करावे इण में किणी भात रो भी सन्देह कोनी है । ऐ सगली बातां राजस्थानी री नूवी कविता री चोखी सम्भावनां रो भी भरोसो दिरावै है ।

□

(जायसी जोत मे प्रकाशित)

धरती री आस्था रो रचनाकार :

कथाकार अन्नाराम सुदामा

धरती री आस्था री सांच—अन्नाराम सुदामा धरती री आस्था रो रचनाकार है। धरती ही इण रो विश्वास, इण री रचना-प्रेरणा अर इण रो प्रतिपाद्य है। धरती सूं छेड़ै इण वास्तं न तो किणी भात रो कथा क्षेत्र है, न किणी भात रा जीवन री आचार सहिता। इण री रचनावा मे न तो धोरां रो रजत सिणगार है, न गोरडी री बाकी छिवया, न प्रेमकथा रा सबडका है, न मोढ़ावा रा पौरुषेय करतब। इण री रचनावा माय राजस्थानी रा लेखकां री ऐडी बेडिया सूं दूर आज रे गांव रो यथार्थ सांचें रूप में उपस्थित है। वे गांव जिणा मे गरीबी है, पिछड़ोपण है, दोबडा आदर्श है, फालतू री रुढिया है, सस्कारहीण आचरण है, अशिक्षा रे सागै उण रा मिनखां री मजबूरिया है। इण बातां नै चित्त सूं सामी लाय नै ओ लेखक आपणां ओल्लखियोडा गांवां ने नूवी ओल्लखान दिरायी है। ऐ बाता इण लेखक री अनूठी पिछाण हीज कोनी करावै बल्कि मानवीय आस्था रो ओ रूप सगळे राजस्थानी साहित्य रे नूवे अनुभव रो दरसाव भी करावे है। आम आदमी रे दर्द री आ ओल्लखान राजस्थानी गद्य री आगामी सम्भावनावा नै उजगार करण रा ठोस काम भी करै है।

गांव रा यथार्थ रा धरणन करण वाला सगज रचनाकारा मांय एक मुजम री उपकार चेतना दीसिया करै। गांव रो बखान करता थका ऐडा लेखक आपरी निजता ने कोय बिरमाय सके। बारेसूं आयांझा सैलानियां उयू गांव री घणकरी बातां ने ऐ जाणे मूची कैमेरा री सहायता सूं पकड ने पाछो वरणित कर देवण मे हीज बे आपरे लेखक कर्म री इतिथी कर देवे। गांव री बाता ने समाज अर देस री मोटी मोटी समस्यावां सूं जोडनवाळा अे रचनाकार माटी रा जुडाव री साची पिछाण कोनी कराय सकै। बैर्ण वास्ते गांव साची कोनी हुवे आपरी खुद री विचारधारा साची हुया करै। जमी रो कोड बैर्ण रचनाकर्म रो आधार कोनी हुवे। यश रा कोड उणां ने जमी सूं जोड़िया करै। इणी वास्ते उणां री लेखनी जमी रा साच सूं सागीड़े भाव सूं एकमेक को हूय सकेनी। एकण कानी उणा री खुद री जुदी आस्थावां रेंवे तो दूजी कायनी धरती री सोचियोड़ी बाता काल्पनिक घटनावां माये टिक्योड़ी रेंय ने

जुदो-जुदो असर निपजाया करे। धरती रो साच उणा री कलम सू सामी तो आवे पण उणां रो आप रो सोच उणां माथे मौकळी तरा सू छायोड़ो रेह्या करे।

पण अन्नाराम सुदामा रे वास्ते आपरे सोच सू भी बेसी आपरी जमी रो महत्व है। वो साधक रे भाव सू रचनाकर्म कीनो है। पाठकां तई उणांरा विचार सम्प्रेषित हू जावे तो मेहनत सकारथ नही तो कोई बात कीनी। सोचरा स्थूल वैचारिक आधारों ने रचना सू अलगावण री ऐ भागीरथ कोशिशों इणां री सगळी रचनावां मायने दीसे है। इण कारण इणां री कथा सृष्टियां माटी री ताजी महक सू रळियोडी है। ऐ इण महक रो इस्तेमाल निजर ने ऊपर सू गांव सू जोडण री जागां गांव री डच-इंच जमी में जायोड़ा सांच ने सामी सावण खातर कियो है।

ग्रामीण यथार्थ—अन्नाराम री रचनावां रो गांव घटनावां री चमकती मोत्या री लडी कीनी है। न 'भारतमाता ग्रामवासिनी' वालो पूज्य भावां रो थोथो प्रदर्शन ही है। इण रो गांव आप री सम्पूर्णता में गुथियोड़ो एक इकाई वालो गांव है। कथा रो रचाव इण री रचनावां मांय आपरी निजता में सम्पूर्णता खोजण रो बन्धण तो स्वीकारे पण पोथ्या सू निपजियोडा ज्ञान रो नकळी आडम्बर री किणी भांत री पिछाण कीनी राखे। उपन्यासा री एक एक ओळी आपरी सगळी ताकत सू गांव री जीवनधारा मे प्राण फूकण री चेष्टा करती निजर आवे है। जिण माटी में मीगणी भी है, जमी सू रळियोड़ा कांटा भी, है घोरा रो सपाट फैलाव भी है पण इण रे सागे सागे उणां में बीजां ने फळावण रो उपजाऊपणो भी है। इणां रे कथावा रो जीवन मिनख रे व्यक्तिपणां री पिछाणा रो प्रयास है, जिणने आपरी चेतना री सगळी आस्थावां सू ओ रचनाकार सामी लायो है। जाणे धरती एक चोखी तरऊं फैलियोड़ी एक रचनापट है जिण माथे अन्नाराम आपरी कलम री कोरणी सू चोखा-भूडा, ओपता-अणओपता, पूठरा-लोटा सगळो तरे रा मिनखा ने जुदे जुदे रंग रूप सू उकेरिया है। इण कारण इणां री रचनावा ने पढती वेळा पाठक जाणे गांव री जमी मे सांस लेवतो सो अनुभव करे। इणां री धरती चोखी तरै सू ओळखियोड़ी हंवता हुंवा भी नूबी नूबी है। इणां रा चरित्र मामान्य मिनखा मायला होवतां यका भी आपरी पिछाण राखे है अर कथा सृष्टियां आपरी कमजोरियां रे बावजूद आपरो प्रभाव पैदा करण री ताकत राखे है।

अन्नाराम री रचनावां माय धरती रो साच आपरी सगळी अमंगतिया रे सागे मौजूद है। लेखक में एक ऊंडी छटपटाहट है के धरती रो सोवणो रंग आज रा हालात में बदरंग बयूं हूयग्यो है। इण री सगळी सोभा मिट'र बयूं फीकी पड़ती जाय रीपी है। लेखक री इण अकुलाहट मे किणी भात रो छद्म या दिखावो कीनी है। न इणां रे मन्तव्यां मांय किणी भी भांत रो नकलीपण है। माटी री पीड़ा

इण री पीड़ा है और रचनावां जाणे लेखक री हीज व्यथा कथा रो फँलाव है। धरती री महकती काया में जहर फँलावणिया धतूरे रा बीज जीसा साँच इणने टीसता रेंवें। कलम री रांपी सू ऐ जहरीला बीजां ने उपाडण में हीज ओ आपरी मेहनत री सार्थकता ममभे। तस्वीर रे रगा ने बदरंग करणवाळी सगळी ताकतां ने चेतना री छटपटावती ऊर्जा सूं ओ लेखक घूरी तरें सूं नष्ट कर देवणी चावे है। इण अनुभव में पाठकां री सहभागिता ने जगावण खातर, जाणे उणां री आस्था में ऊभी आंगळी घास'र उणां ने समाज री सगळी विसंगतियां रे रुबरु खडो कर देवणी चावे। इण चेष्टावां सूं अन्नाराम सुदामा जाणे सिरजण री नूवी चाल रो सूत्रपात करतो निजर आवे है।

देशप्रेम री भावना—धरती री आस्था रो भाव निराधार कोनी है। उण रा दोवड़ा-तैवड़ा आयाम इणा री रचनावा मे फँलियोडा है। मानवीयता अर देशप्रेम री भावना भी कथावां रो अग हुयने बढ आस्थां खोलती नजर आवे है। अन्नाराम रो मानव विश्वास भावनात्मक आवेश री प्रतीति करवावण सू ज्यादा उणरा वैचारिक आधारों री पुष्टि किया करे। शोपण, उत्पीडन रो घणतरो सुभावणों रूप सूं अर शास्त्रीय रूप रे मोहजान सूं ऊपर ऊठ ने ऐ आपरा उपन्यासां माय उणरे घटित रूप रो अंकन कियो है। पूंजी रे आधार माये सामाजिक वर्गां री अन्दरूनी असमानता ने चित्रण करण खातर उणां रा सामाजिक पहलुआं ने मोकळो सम्मान दियो है। आर्थिक असमानता ने मिनखां रे आचरण सूं जुदा कर देवण री यतिस्पत आचरण रा सत्यां सूं शोपण रे रूप ने सामी लावण री भरसक कोशिश इणा री रचनावा में निजर आवे। वर्ग रे पिछड़ेपणा रा हेतुआं ने सामी साईजियो है। अकर्मण्यता, अशिक्षा, भ्रष्टता ने पिछड़ा वर्गां रे मिनखां में देख'र सुधारवाद रो नूवो रूप कर्म माये टेक'र परकट कियो गयो है। उणां में शराब आदि री सतां घणखरी बुराईयां ने निपजावे अर उणा सूं उणां री सामाजिक दशा आपोजाप बिगडती जावे। शोपण रे हेतुआं री आ खोज शोपिता री खुद री कमजोरियां रे सागे सागे शोपका रा ओछापणा ने सामी लावण में निसरती दीसे। गांव रा आज रा शोपक बदलिघोड़ी सामाजिक दशा मे नूवे रूप मे सामी आया है। प्रजातन्त्र में महाजन लोगां रे हाथां मे याव री सगळी सत्ता भेळी हूगी है। जिनने गांव रा सरकारी अमला आपरे व्यवहार सूं अमानवीय जामो पह्रावण रो काम किया करे। शोपकां मे पूजी माये सगळे भाव सूं कब्जो कर लँवण वाळा धन्नामेठां रो दोवडोपण, उणा री मीठी कथनी अर मोटी करणी आपरी सगळी घुगली चतुराई रे साये धरणिठ कर ने लेखक उणा रे प्रति शोपितां रे उमडते विद्वेप ने परकट कियो है। सटां रो घासिक डोंग, सेवा रो नाटक अर हर दशा में लाभकारी चातां री सिरजण री चेष्टावां पूने जोंग सूं बचानका मे बगित हुई है। अन्नाराम री धरती री आस्था रो मार्गे दिशा उत्पीड़ण रा ऐ दोनऊपक्षां ने

करण में मोकली संलग्नता लियोड़ी है। ओ इण दोपां रे परिष्कार रे वास्ते व्याकुल होय रह्यो है। अर आपरी समूची चेतना मे इणने मांडण में एकण ठोड भेली कर राखी है। भरती री वास्तविक महक री आ खोज इण लेखक रा मानव विश्वासां ने साकार करण में सफल रयी है।

देश प्रेम री भावना भी अेणां कथानकां रो एक और बोलती स्वर है। गांव ने नरक बणावण मे जिका तत्व सत्रिय भूमिका निभाय रया है वणी लम्बी चवडी रूपरेखा इणां रा उपन्यासां में सामी आई है। सत्ता री राजनीति एकण कानी प्रशासनिक गतिविधियां ने नियन्त्रित करती निजर आवे तो दूजी कानी शोपकां री अणभणियोड़ी अशोष चेष्टावां उणा रे खुद रे पयां में ही वेड़ियां ने और काठी करती जावैं। अन्नाराम मिनख अर सत्ता रे बिचाळे पड़ण वाली सगली ऋणात्मक ताकतां सू टकरावण रो उछाह पाठका में भरणी चावे है। इण अन्तराल मे इणां रा उपन्यासा रा कथानक पूरी ईमानदारी सू सामी लावण में सकल रेह्या है। जातिवाद, बढती जनसख्या, नारिया री जड़ भावनावा, निठरलोपण, सैगां ने ऐ चवड़े लावण री कोशिश की है। समाज सापेक्ष राजनीति रो महाजनां रे हाथां मे खेलण रे रूप मे बिरम्ह खाड मे पतन, राजनीति रो सुधारवाद रो डोग, धर्म रा आधार रा बुराईया, प्रशासन रा बाहक सरपच, पटवारी, ग्रामसेवक, पुलिस रो आतंकवादी रूप अर विकास योजनावां ने स्वार्थ सिद्धी रे रूप मे इस्तेमाल करण री सूगसी चेष्टावां रचनाकार रे माचे देश प्रेम री भावना ने परकट करे है। लेखक रे वास्ते आपरी इण भावनायां ने दरमावणो सोरो कोनी है जिके सू ऐ उपन्यासा रे कथानकां री कीमत माये भी आपरी राष्ट्रीय चेतना ने अलग सू भी जागा-जागा परकट कर दीनी है। कथा ने छेड़े मेल'र उपदेशक रे रूप में लेखक रो ओ औतार पाठका ने भलां ही जागा-जागा खटकतो व्हाला पर अन्नाराम रे वास्ते आपरा ई माच ने अर आपरी अणमाप राष्ट्रीय भावना ने दबावणो सोरो कोनी है।

लोक चेतना— राष्ट्रीयता री आ भावना आपरे व्यापक रूप मे सगळे देश सू जुड़ियोड़ी है तो सूक्ष्म रूप मे लोक चेतना ने कथा रो बिषय बणावण में जुड़ियोड़ी निजर आवे। पण अन्नाराम री लोकचेतना कोरा कोरा लोकतत्वां ने परिभाषित करण री तलछट मी योजना भर कोमी है। लोकतत्वा ने पूज्य भाव सू सामी लावने लोकां भलां ही ऊभो जस छूट नियो हुवैं पण इण सू लोकजीवण रा भोगणियां रो की लाभ को हूय सकियो है। धोरां सू, लोकगीतां सू, अठेरा परब त्योहरां सू ओ रचनाकार प्रेरणा लेवतो रयो है। उणां ने मेहुदी रा मांडणा ज्यू मांडतो रयो है। पण ऐड़ा जादातर रचनाकारां में लोक मूं जुडावां रा आन्तरिक मूत्रां रा अभाव ही दोसिया करे। 'अहोरूप' वाला अंदाज मे राजम्यान री लोक संस्कृति री अनूठी महिमा ने या

वीर संपूता ने निपजावणवाली जलमभोग के रूप में आदर्शवादी निजरा सू माड ने सामी लावण की भावुकतापूर्ण मूर्खता अठे रा रचनाकार हुयेसा सू करता रया है । पण अन्नाराम के वास्ते लोक संस्कृति के सांच आज रा उलझियोडा जीवन की साची बानगी देवण के ठोस आधार कोनी बण सके । लोकजीवन कोई आश्वत अवधारणा कोनी है । युग के बदलाव के साथे-साथे वा भी आपरा रूप बदलती रवे । आज के गांव के पीड़ित समाज मांडणा के सीदर्य कोनी व्ही सके इण खातर मुलायो कोनी जाय सके । ओ रचनाकार न तो लोकजीवन रा गौरव ने ही अन्तिम माने न परम्परा ने बलावण की भाटवृत्ति ही राखे । मुदामाजी तो आज रा जुगसत्यां ने सीधी-सादी शैली में वर्णित करण की कोसिस की है । धोरां की घरती के अडे अकन राजस्थानी गद्य की नूवी परम्परावां की सूचना देवे । जुगसत्य के गांव की जमीं सू हीज पकड़'र खीच ले आवण में इण लेखक की भूमिका सोरेसाज कोनी भूली जावे ।

अन्नाराम रा उपन्यास आज के गांव के दर्पण है । दर्पण ज्यू हीज इण लेखक के ग्रामीण बिम्ब सू रागात्मक जुड़ाव उजागर हुयो है । उणां ने हीज निर्विकार भाव सू प्रतिबिम्बित करण में ओ आपरी सफलता समझे । अधिकारी भाव सू गांव के दोष, लोभा की कमजोरी, धरम के पाछण्ड, महाजना की कमजोरी, जातीय भावना, सत्कारहीणता सब के सब इण रचनावा में उतरती आयगी है ।

गांधी युग की आदर्श भावना—अन्नाराम कोरी क्रूर यथार्थ के चितेरी भर लेखक हीज कोनी है । इण में आदर्शगत भावना भी कूट कूट ने भरियोड़ी है । उण श्रुति सू इण की चेतना जूनी पीढी के मूल्य ने अन्तिम सांच मानती निजर आवे है । समस्यावा की विनाशकारी विकारलतावां सू भी जादा ओ लेखक आदर्श साहू मोकळो भुकाव राखे । नैतिक मूल्य इण के विचारा की खाद है तो पुराणां आदर्श वो धाळो है जिण में ओ आपरी कथा ने बीजती दीसे है । समस्यावां सू लेखक के ओ ट्रीटमेंट कथा की दिसावां ने जबदेस्ती आदर्श कानी घड़ी घड़ी मोड़तो रवे । इण मू कथानकां की विश्वसनीयता की कम हुय जावे । पाठकां माथे सुधारवाद के ओ मोटो प्रयास धणखरो उल्टो असर ही डाले । जिण जटित सामाजिकता ने पकड़ण की भयक कोशिश की है उण नवशा में जूना मूल्य बेमेळ है । पण लेखक के आदर्श-वादी मन इण के उपरान्त भी बासी मूल्य में धोपण में कमी कोनी राखी है । कठे, कठे ही तो आपरा ऐडा उछाह की भाँक में लेखक उपदेश देवण लाग जावे । गांधी वादी युग के आदर्श ने आज के जुगसत्य माथे यू धोपण के भाव नूवी चादर माथे जूना पबन्द ज्यू अणजोपता दीसे है ।

नूवी सड़ाई की खातर जूना हथियार—राजस्थानी गद्य ने नूवा अनुभवां सू सत्कारित करण वाळां ओ रचनाकार कथ्य के घरातल मार्ग जितो खरो है शिल्प के

धरातल माथे बुरी तरफ़ पिछड़ियोड़ो है। बात री महिमा उण रा सोच रा स्तर माथे जिती निर्भर किया करे उणरे प्रस्तुतीकरण माथे उण मू भी जादा निर्भर करे है। नूवी लड़ाई रे बास्ते पुराणा हथियार काम कोनी देवे उण बास्ते तो नया हथियार ही घड़णा पड़े। आ बात अन्नाराम रे लेखन री दुर्वलता री सूचना देवे ब्यू के इण रा ओजार एकदम भीतरा हूयोड़ा है। जीवन्त अनुभवां ने पुराणी शैली मे ठूसण री मजबूरी रचना रा प्रभाव ने कमजोर कर देवे। उपन्यासां रो रचाव मोकली कमजोरियां लियोड़ो है। कथा रो उठाव साधारण है। गति पांगळी अर अन्त आदर्शां मू रुधियोड़ो है। अति नाटकीयता कथा री निरन्तरता तोड़े तो रचनाबन्ध बिसकुल दुलमुल है। कथा माथे लेखक री पकड़ पुरी रचना में कठे ही कोनी दीसे। वो तो जाणे घटित सत्य रो पिछलगू बणिपोड़ो लिखतो जावे। कथानक ने समाज रो दर्पण बणाय ने कथां में स्थूलता सूं छड़ी कर दियो गयो है। इण दर्पण में वे बातां भी पाठका ने साफ साफ दीसे है जिन सूं कहाणी माथे ऋणात्मक असर पड़े। दर्पण रे दोष सूं बिम्ब कित्तो ही साफ ब्यू कोनी हुबो प्रतिबिम्ब साफ कोनी भलकिया करे। अन्नाराम री रचनावा रा कथानक कलई उत्तरयोड़ा काच ज्यू कथ्य ने साफ दीसण जोगा कोनी बणाय सकिया है। कथा मे वे बाता भी है जिनरी कोई जरूरत कोनी है। कथा रो डोरो भी इत्तो पतळो है कि ठोड़ ठोड़ टूट जावे। कथा ने आपरे आदर्शां रे धक्का सूं लेखक आगे धकियावतो जावे। बात ने है ज्यू रे ज्यू कह देवण सूं पाठका ने ऐड़ी लागे जाणे वे कथा रो पारायण कोनी करे बल्कि लेखक रा घटित सत्या रा संस्मरणा ने पठ रिया है। राजस्थानी बातां री परम्परित शैली री छाया में कथा ने आगे बढ़ावता जावण सूं लेखक रा पाका अनुभव भी काचा पड़ग्या है। अर आ लागे जाणे लेखक रो रचना मे छुद रो कोई सरोकार कोनी है। वो तो बस जिकी कीं भी आपरं गांव मे देखयो है अणपबियोड़ा अन्न ज्यू उणनेपाछो उगळ दियो है। कथा मे ऐड़ी बाता भी है जिकी लेखक रे अविवेक ने परकट करे। जुग रो सत्य भासमान रवे तो रचना में आपरी प्रभाव राखे पण वो ही जद पारदर्शी ज्यू ज्यो रो त्यो सामी आ जावे तद उणसूं पाठक ऊब जावे। अन्नाराम सुदामा रे उपन्यासा रा पाठक इण ऊब सूं डबर कोनी सके। उणा ने या तो अर्द्ध आधुनिक चेतना रा पाठक बणनी पड़े (जिन रे बास्ते ऐड़ा प्रसंग राबडिये रा सञ्ज्ञा ज्यू स्वादिष्ट हुय सके)। या पछे ऊब ने ठेठ तई ढोवण री मजबूरी स्वीकारणी पड़े। बरना अबार तई तो अे रचनावां कस्बाई मानसिकता वाला पाठकां ने तो भले ही प्रभावित कर ले प्रबुद्ध पाठकां ने घणीसीक सुभा कोनी सके।

रचना संसार—अन्नाराम री रचनावां एक ही सोच रो क्रमशः विकास कोनी है। इणां रो कथा साहित्य विचारां री प्रौढ़ता सागे सागे मोकला जिम्मेदार हुंवतो गयो है। कलम रो धार ज्यू ज्यू संवरती गई है इणां री रचनावां उत्ती हीज

गम्भीर समस्याओं से जूझती गई है। क्या री सूक्ष्मता ने पकड़ण में लक्ष्य हूयती देखी है आ क्या री वैचारिक आधार और भी गहरी हूवतो गयो है। 'मँकती धरती मुळकती काया' से लेकर 'मैंने रा रुंख' तई फेलियोड़ी बेणी कथायात्रा एक व्यक्ति री अनुभव यात्रा री दस्तावेज है। इण में ऊजळी धरती रा सत्य धिरपण दीसे है, जीवन अधिकाधिक विविधतावाळी ने विचार अधिकाधिक प्रौढ़ हूयता निजर आवे। जार्ण उणां री रचनायात्रा जमी से आपरें जुटाव रा पल करण री यात्रा उण में ओर ऊडी ही ऊंडी घंसती गई है। लेखक री भाषा री पकड अर मुहावरा आदि री ओपती उपयोग इणां री बात ने पाठका री हिवड़े मांय धिरपण री क्षमता राजै है। जमी री ऐड़ी पिछांण अर गांव री जीवन रा ऐड़ा चितराम दूजी ठोड़ मिलणा दुरलभ है।

अन्नाराम री उपन्यास यात्रा री पैलड़ो पड़ाव 'मँकती धरती : मुळकती काया' री रूप में सामी आयो है। इण से हीज लेखक आपरा मन्तव्यां ने साफ करण में सफल रह्यो है। साहित्यिक निजरां से की पोची हूयता यकां भी रचना कथ्य ने उजागर करण री दृष्टि से चोखी तरकं मुफल दीसे है। इण में धोरां री विस्तार आपरी सगळी सुन्दरता री साथे ऊमो है। रेतोला टीकां मांय जीवन री ओपती छवियां आजादी री पेलड़ा जुगसत्य से सुरू हूयने ठेठ चीन रा आक्रमण तई री घटनाकां ने समेटियोड़ी दीसे है। 'कियां काई म्हारो सिर, आपां ने न डर चीण री अर न बापड़े पाकिस्तान री ही - अर भळे जू जित्तो ही नहीं। आपां ने तो जद कद सगळा से मोटो डर है एक आपां से ही' इण मान्यता ने पोसण सारू रचना री कथा गूथीजियोड़ी है। नानी री विधाकां री आ कथा एक लुगाई री जीवन भर री नी होय' र सगळे युग री दरसन भी है। सामती छाया में पळण आळा गांवां में सामाजिकता ने तोड़ण आळा जिका तत्व निपजिया उणां मांय व्यक्ति री आचरण ने भूठा मूल्या रा दिखावा अर धरेलू पड़यन्त्रा से तोलणो सेंगाऊ बड़ो काम है। मणद रा पड़यन्त्रा री शिकार सुगनी (नानी) आपरा बीद अर टाबरा से बिछुड़ ने धोरां रा समुन्दर में जाणे उछाल दी गई है। अर वा इण समुन्दर से अनुभवां रा जिका काचा पाका मोती बटोरमा है उणां री हीज तरतीबवार कहाणी इण उपन्यास में है। समाज रा साधा सेवक तो घर छोड़ण ने बाध्य व्हेवता रेंया है तो डाका डाळणियां, औरतां री इज्जत से खेलणियां लोग उण टेम से हीज मनपता रेंया है। धरती री ओपती मँक ने सागीड़े भाव से धिरपण री लेखक री कोशिकां मिनल री आचरण रा बेमिन्तणों री मांय से चवड़े आई है। सुधारवादी दृष्टिकोण री कारण उपन्यास री अन्त नानी री कथा ने समेटतो समेटतो उपदेशक री आदर्श भावना धारण कर लेवे।

'मैंने रा खंख' में लेखक की मुद्रा थोड़ी आक्रामक है। गांव ने सुरंग बनावणरो लेखक जिका सुपना लेवतो उणां नै सेठ-साहूकार भूखा गीघ ज्यूं जीम रेंह्या है। अर फैंफीजियोड़ा गांव की हालत विखरियोड़ी आतडिया अर हाडकां की ठठरी भर हूय'र रेंग्यी है। गरीब तबको धूर्त बाणिये रे फोलादी शिकंजा में फंसियोड़ो परायी सांस लेय रेंह्यो है। गरीबां की जीवन जाने उणां की खुद की जीवन कोनी रेंह्य ने परायो धन हूवतो जाय रेंह्यो। फेर भी ऐ लोग बलियोड़ी जेवड़ी ज्यूं परम्परावां की बट कोनी छोड़ रेंह्या है। वे तो जाति या वर्ण की दम्भ पाळ रेंह्या है अर यूं आपरो खुदरो आपो बिसराय ने सगळा आर्थिक, राजनीतिक दबावां सूं बेखबर हूय रेंह्या है। 'मैंने रा खंख' की लेखक इण दया ने देख'र जाने आपरो धीरज खोय रेंह्यो है। आपरी छटपटाहट ने किणी भी भांत सू दबाय कोनी सकियो है। उण की अडीक जाने खूटीगी है अर लेखक की अधीर मन आपरे मांयली पीडा ने साकार करण खातर पोथी के रूप में आपरी उण अकुसाहट ने लिखण लामग्यो है। इण पोथी मांय अन्नाराम सुदामा की अभिलाषावां अर उणां की दिसावां साकार हुई है। एकण कानी बी गांव की विगलित दसा की विवरण देखण की खातिर एक एक नजारा की, छोटी सूं छोटी घटना की स्थिर थामीजियोड़ो रूप बड़े धीरज मूं उकेरे है तो हूजी कानी पाठकां की चेतना में समाज की बंदी मैंने रा खंखा ने काठा झाल'र फंफैडण की प्रेरणा भरतो जावे।

सिनाथ के रूप में जाने गांव की एक सचेतन पीरेदार सगळी कमजोरां के माय ऊंडो भाकतो जावे। अर उणा की जड़रूप गांव की खुशहाळी माये कुण्डली मारियोड़े नागां ज्यू बँठा सेठ धनजी अर हरजीराम जिंसा लोकां की धिनीनी करतूतां ने उधाड़तो जावे। शोपण की नूँवा नूँवा रूप, बेगार, मिठबोलोपण, एहसानां ने पराया माये धोपण की कला, स्वास्थ्य साधण की सगळी पैतरेबाजिया, धरम की आडम्बर, भलमनसाहट की ओछी बातें अर मीठी छुरी जिंसा अमानवीय क्रिया-व्योपार एक के पछे एक पाठकां के सामी आवतो जावे। आंख्यां मदियोड़ा मूरख लोग इण चतुराई की शिकार हूय'र रोजीना लटीजता जावे। शिकारी अमली, पुलिस, ग्राम सेवक, सरपंच भी इणी सेठां के नाख्योड़ा हाडका ने चूसता कुत्ता ज्यू ऐणे सामी पूँछ हिलावता रेंवे अर सीधा सादा गांव आळा ने भूसता रेंवे। गांव की ओ सजीव चितराम आपरी सांची पिछाण सूं पाठकां ने आवेशां सूं भरतो रेंवे। अन्नाराम की उपन्यास कला की सुधारवादी रूप भी 'मैंने रा खंख' में दीसे है। सगळा के हित की आदर्शवादी समाधान उपन्यास ने जूनी जेवड़ी सूं कथा ने बांधियोड़ो दीसे है।

अन्नाराम सुदामा की ताजी रचना 'केसर' एक बार फेरूं गांव की ही कथा है। धरती की आस्था की रूप इण में भी उणी तरा सूं निजर आवे है। 'केसर' उपन्यास में पैलड़ीबार एक केन्द्रीय चरित्र माये कथा की रचना हुई है। ऐणा पैलड़ा

उपन्यास व्यक्ति रे ब्याज सू समष्टि री छवि साकार करता दीसे । पण इण में व्यक्ति ने केन्द्र में राख'र उण रे सांच ने जियावण री कोसिस दीसे है । बिना बाप री केसर काके रे घर रो सगळो कारज सार्यां पछे भी उणां री पिछाण नीं कराव सकी है । मां री मौत सू जूझण खास'र वा भूत प्रेतां री भी परवा कोनी करे । पण आपरी कोसिसा में सुफल कोनी हूय पावे । 'केसर' भी इणां री पंलड़ी रचनावा ज्यूं हीज अंधविश्वासां ने चुनोती देवे है । इण रूप में आ रचना भी लेखक री उपन्यास शिल्प परम्परा रो हीज आगळो रूप कैयी जाय सके है ।

अन्नाराम रो कहानीकार रूप एणां उपन्यासकार रूप रो पूरक है । कहाण्यां रो विषय भी गाव ही है । उणा रो ट्रीटमेंट भी सुधारवाद सू रलियोडो पगियोडो है । अर यथार्थ रे मांय सू हीज आदर्श ने दूढण ने लागियोडो है । इणा मे उपन्यास आळा हीज विषय उठाइजिया गया है । चरित्र अर निजर रो विस्तार भी वेडो हीज है । 'डंकीजता मानवी' भी पंलड़ी रचना 'मंवे रा रुंल' ज्यूं हीज गांव रे सामाजिक जीवन रा अंग रूप मे अंधविश्वासा अर आडम्बरा माये आक्रमण कर ने सचेत करण री चेष्टा करतो दीसे है । ब्याज रो घन्घो करण आळां रा सिकारा री कथावा इण रे मांय भी चवडे आवती दीसे है ।

इण रूप में अन्नाराम सुदामा रो रचनाकार दरअसल धरती री आस्था ने सामी लावण में पूरी ताकत सू जुटियोडो है । गांव रो चितराम खेचता घका भी घोरां री धरती रो यथार्थ इण री रचनावा में साकार हुवतो रंवे । इण लेखक री गांव री आस्था, शोषण रे सामी ऊभण री पुरजोर चेष्टावा, भिनखपणे रो विश्वास अर जमीं रा यथार्थ रा बोलता चितराम राजस्थानी गद्य री सामी आवती सम्भावनावां ने उजागर करे है । राजस्थानी उपन्यास ने खडो करण मे इण लेखक रो योगदान हरमेस याद कियो जांवतो रंवेला ।



(बागतीजोत मे प्रकाशित)

मीरां रे साहित्य सूं जुड़ियोड़ा कीं अणसुलझियोड़ा सवाल

मीरां रे साहित्य सूं जुड़ियोड़ा अणसुलझियोड़ा सवाल रे खोज री कोशिश आपोआप मोकळो महत्व राखे है। क्यूं के मीरा रा साहित्य माथे मोकळी काम हूयां पाछे भी उणरो जीवन अर साहित्य पूरी तरासूं निर्विवाद कोनी हूय सकियो है। मीरा रे साहित्य रा अध्येता कठे-कठे तो फालतू बातों मांय आप रो श्रम जाया कियो है (जियां के उणरे साहित्य री परख करण री जागां उण रे नाम रे उद्गम री खोज रे कोशिशों मांय हीज सगळी ताकत खरच कर दीनी है)। इण वास्ते मीरां रे साहित्य रा समीक्षक उण रे साहित्य रा सौंदर्य रा हेतुवां ने पूरी आस्था अर भरोसे सूं उजागर कोनी कर पाया है। जद के दूजे कानी आम जनता उण रा पदां ने पूरी आस्था सूं मान'र उण मांय रुचि लेवती रंयी है। मीरां रा साहित्यिक महत्व अर जन भावना री स्वाभाविक रुचि रे बिचाळे रो ओ आंतरोपण इण विचार ने सामी ने आवे के आखिरकार विद्वानों अर सहज विश्वासां आळी जनता रे सोच रे आंतरेपण रो कारण कई है? इण सवाल रा जवाब सारू मीरां रे साहित्य रा अणसुलझियोड़ा सवाल माथे विचार करणों जरूरी है।

मीरां रे पदां री क्रम व्यवस्था रो सवाल—मीरा रा पदां ने दीयोड़ी आज री क्रम व्यवस्था ठीक कोनी कंयी जाय सके। उणां सूं भी मोकळा मतभेद पैदा हुआ है। मीरा रा पदां माय उणरो खुद रो जीवन अनेक रूपां मे संदर्भित हूयो है। इण सूं इण वास्त ने मोकळो बल मिले है के मीरा आपरो साहित्य सर्जन करती बहेला खुद रे जीवन प्रसंगा सूं सीधी प्रेरणा लीवी ही। बीद रे गुजर्या पाछे राणा सूं ताणातणी, जहर पीवण री घटना, बिन्द्रावन जात्रा प्रसंग या द्वारिकाजी सूं जुड़ियोड़ा पद तो साफ-साफ निजर आवे है। पण सयोग दशावा रा या उण रे जीवन री दूजी बातों सूं जुड़ियोड़ा पद उण रे पदां ने दीयोड़ी आज री क्रम-व्यवस्था माय साफ साफ निजर कोनी आवे। जिया के योगी ने सम्बोधन देवण आळा पदा ने जुदी-जुदी ठोड भेळा करीजियो गयो है। इण सूं आ बात औरूं चलभगी है।

भगती रा संस्कार तो मीरां मे उण रे बचपन माय हीज पढ़ चूका हा पण उण रा साहित्य सिरजण रा संस्कार कदे पड़्या हा आ बात अजे तई साफ कोनी हूय

सकी है। जिया महाप्रभुवल्लभाचार्य सूं दीक्षा लिया पछे सूरदास में अचानक भावां रो बदलाव निजर आवे है उणी तरासूं कई भीरां मांय भी विधवापण री मार सूं अचानक काव्यत्व फूटियो हो के कबीर रे जीया जुदा-जुदा संतां रे सम्पर्क सूं अचाणचक ही उभरीजियोड़ा भाव बिम्बां ने उभारण री चेष्टा दीसे है। क्यूके इणां मांय सूं अगर सारली बात साची है तो इण ने लेय'र भीरां री जिनगणी सूं जुड़ियोड़ी मोकळी वातां सूं नूंवा नूंवा साचां ने ढूढिया जाय सके है। इणी भात उण रे काव्य सूं उण री जिनगणी रा मोकळा अणदीठता प्रसगां ने भी सामी लायो जा सके है। इण वास्ते भीरा रा पदां ने उण जीवन प्रसगा सूं प्रत्यक्ष जोड़'र उणारी पुनर्व्यवस्था करणो जरूरी है।

भीरां री ईश्वर परिकल्पना : मूल उस्तां री सोज—भीरां रा आराध्य कुण हा इण बात में सन्देह करणो एक तरासूं पूनम री रात मांय चांद ने ढूढण जीसो मूरखता रो काम है। 'मेरे सो गिरधर गोपाल' रे घोपणा-पय रे साथे उण री रचनावां जिण रूप मांय सामी आई है उण माये सन्देह करण री कोई गुंजाइस कोनी है। क्यूं के कृष्ण रे वास्ते भीरा रे मन में अनुराग रो भाव इतो गहरो हो के उण कारण दोनां मांय अन्तर करणो दोरो व्हे जावे। भीरां जाणे कृष्ण-कृष्ण रटता कृष्ण रूप हीज व्हेगी। भीरा री ऐड़ी भगति भावनां पाठकां ने भी उणी तरा सूं सस्कारित करती रंवे है। इण वास्ते भीरां री ईश्वर विषयक भावना माये किणी भी भात रे सन्देह री गुंजाइस कोनी है।

फेर भी म्हारें मुजब भीरा रे आराध्य रो सवाल अजे तई अणसुलभियोड़ी है। सवाल उण री दिशा ने लेयने कोनी है। न सवाल उण रे लक्ष्य ने लेयने है। सवाल सो उण रे साधन ने लेय'र है। भक्ति सूं सम्बन्धित भीरा रा जुदी जुदी भावना रा पद इण विवाद ने सामी लावे है के भीरां रा भक्ति सम्बन्धित पदा ने उण टेम रा प्रचलित कृष्ण भक्ति रा जुदा-जुदा सम्प्रदायां मांय सूं आखिर किण सम्प्रदाय सूं जोड़'र देखणो चाइजे।

भीरां रे काल मे कृष्ण भक्ति रा जित्ता भी सम्प्रदाय फैलियोड़ा हा उणां री दार्शनिक मान्यतावा इतरी न्यारी न्यारी हो के लक्ष्य एक होयतां थका भी उणां मांय मोकळो वैभिन्य हो। भीरां रे जीवन ने उजागर करण आळी सामग्री सूं इण बात रो इशारो मिळे है के उण ने कृष्ण भक्ति रा एकाधिक सम्प्रदायां रे जुदा-जुदा व्यक्तित्वा सूं मिलण रो मोको मिलियो हो। आ बात भी आसानी सूं थिरपोज सके है के भीरां रे आपरे टेम हीज उण रो नांव चारकफेर फैल चूको हो। इण वास्ते कृष्ण भक्ति रा न्यारा न्यारा सम्प्रदायां मांय इण बात री होड़ जरूर मची व्हेला के के किणी तरासूं

मीरां ने निज रे सम्प्रदाय मांयने सींच लावे । इतिहास सू भी इण बात री गवाही मिले हे के मीरा रो वल्लभ सम्प्रदाय रा पुष्टिसम्प्रदाय, चैतन्य रा गोड़ीय सम्प्रदाय अर हितहरिवंश रा राधावल्लभ-सम्प्रदाय रा अनुयायियां सूं सम्पर्क हो ।

वल्लभ सम्प्रदाय अर मीरां—वल्लभ सम्प्रदाय रा व्यवस्थापक महाप्रभु रा पुत्र विट्ठलाचार्य री छैं-छैं द्वारका यात्रावा सायत उणा रे सम्प्रदाय ने बढ़ावण री कोशिशों रे वास्ते हीज करीजी ही । आपरी इण यात्रावां रे मांय वे खुद कदे ही मीरा सू भेंट कीनी ही के कोनी कोनी इण री जाणकारी कोनी है । पण आ बात बिलकुल पक्की है के मीरां ने लेयने विट्ठल अर उणां रा सम्प्रदाय रा दूजा लोगां मे एक तरें री फास जरूर ही । इण बात री पुष्टि 'दो सो बावन वंणवां की वार्ता' रा मोकळा प्रसंगा सूं अर दूजा प्रमाणा सूं हुबं है ।

केह्यो जावे है के कृष्णदास (जिका के पुष्टिमार्ग रा खास आठ कवियां री टोळी अष्टछाप माय सूं एक हा) भेड़ता मांयने मीरां सूं सप्रयोजन भेंट कीनी ही अर एक तरा सू उणां मीरां ने अपमानित कर ने पाछा वृन्दावन फिरग्या हा । द्वारिका सूं पाछा फिरती व्हेळा ए मीरां रे गांव गया हा अर उण री भेंट करण री प्रार्थना ने टुकराय ने ब्रज पधारग्या हा । आ घटना मीरां रे वास्ते वल्लभ सम्प्रदाय री नाराजगी ने प्रकट करे । आ नाराजगी इण वास्ते उपजी ही के उण टेम मीरा आपरी स्वाति रे चरम माथे ही अर वा कृष्ण भक्त होवतां यका भी वल्लभ सम्प्रदाय रे वास्ते उपेक्षा वरत रेह्यी ही । मीरा रे जीवन री ऐडी हीज दूजी घटनावां भी इण हीज बिचार ने घिरपीजे है ।

मीरा री एक सखि (जिण ने कोई कोई उण री रिश्तेदार भी बताया करे है) अजबकुवरी वार्द री हादिक इच्छा पुष्टिमार्ग में दीक्षा ग्रहण करण री ही । पण इण मुजब मीरा सूं बात करण सूं उण ने प्रोत्साहन कोनी मिलियो । केह्यो जावे है के मीरा रे मना करण रे बावजूद वा आखिरकार पुष्टिमार्ग माय दीक्षा ले लीनी । 'दो सो बावन वंणवां की वार्ता' रे माय आ बात इण भांत मांडियोडी है के मीरां जद विट्ठलाचार्य जी ने आपरी सौगात देय'र पाछी फिरण लागी तो उणां इण री सौगात लेवण सू इनकार कर दीनी । उणा रो एक चेली मीरा ने समझायो के गुसाईजी तो आपरे चेली सूं हीज सौगात लिया करे दूजा सू कोनी लिया करे । उण टेम अजबकुवरी वार्द मीरा सूं केह्यो के थें केवो तो म्हे इण री चेली बण जाऊं पण मीरा इण री हामी कोनी भरी । फेर भी इण घटना पछे अजबकुवरी वार्द मीरां री राय नी मान'र विट्ठलजी री चेली बणगी ।

आ घटना दीसण में गलाही साधारण सी लागे है पण आ मीरा री मनो-भावनावा ने जरूर दरसावे है । एक तो आ घटना विट्ठल अर मीरा री भेंट री

पुष्टि करे है। दूयजी वल्लभ सम्प्रदाय रे वास्ते मीरां री अरुचि अर सम्प्रदाय रा अधिष्ठाता री मीरा रे वास्ते री ईसका भरी भावना ने भी सूचित करे है। इण रे बावजूद इण सांच सू भी इनकार कोनी कियो जाय सके है के वल्लभ सम्प्रदाय रे वास्ते मीरां रे मन मांय एक तरे रो आकर्षण थो। दूयजी कनी इण सम्प्रदाय आळा भी उण ने आपरे कनी सुभावण रे वास्ते मोकळा प्रयास कर रेह्या हा। इण कारण इण सम्प्रदाय रो मीरां माथे सीधो के गुप्त-प्रभाव सू इन्कार कोनी कियो जाय सके है।

वल्लभ रो पुष्टि मार्ग ईश्वर रे अनुग्रह रो आधार लेय ने जिण विशिष्टाद्वैतिक दार्शनिक सिद्धान्त रो निरूपण करे है उण ने व्यावहारिकता देअणआळा अष्टछाप रा कवि आपरा साहित्य मायने दाम्पत्य संबंध री भक्ति माथे हीज मोकळो ध्यान दिरायो है। उणां श्रीमद्भागवत री कृष्ण कथा सूं एक सास मौलिक उद्भावना करी है। कृष्ण री परम्परित कथा रे मायने भ्रमरगीत रा प्रसंग ने इणां व्यवस्थित कथारूप बणाय दीनो। सूरदार जिकी नूवी परम्परा ने भ्रमरगीत रे रूप में सरू कोनी उण माथे अष्टछाप रा सेंगा सूं छोटोड़ा कवि नंददास तक आपरे ढग सू कलम चलाई। इणां कवियां रा भ्रमरगीत साहित्यिक दृष्टि सूं तो मोकळी महिमा राखै ही है इण रे सागे सागे उणा री आध्यात्मिक महिमा भी कम कोनी है। इण सू दो मुतलबां री सिद्धि हुवे है। पेलो मुतलब भक्ति रा अधिकारी ने नियत करण माय दीसे है। गोप्या ने प्रेम भावना री परम अधिष्ठात्री रे रूप मांय थापित कर ने ओ प्रसंग ईश्वर विषयक रति री पराकाष्ठा ने दरसाया करे। समाज री सगली वर्जनावां - निषेधा - अवरोधां ने छेडे भेल'द गोप्या कृष्ण रे सागे जिका प्रेम रो निभाव करे वो भक्ति रो आदर्श वण जावे अर दूयजा भगता रे वास्तं अनुकरणीय मारग प्रशस्त करतो दीसे है।

भ्रमरगीत सू सकारण हुवण आळी दूजी प्रयोजन सिद्धियां भी कम महिमा कोनी राखै है। इण वहाना सूं सूर आवि भगत ज्ञान माथे भगती री, योग माथे भोग री अर निर्गुण माथे सगुण री जीत थापित करण मांय समरथ रैदा है। भ्रमरगीत रो कथारूप यू कीरी मोरी साहित्यिक सुन्दरता ही कोनी राखै है मोकळी आध्यात्मिक अर दार्शनिक सिद्धियां भी अंगीकार करण मे समरथ दीसे है।

मीरां रे आराध्य रो निर्धारण करण रे वास्ते में इण बातें कनी आपरी ध्यान खीचणी चाहूं जिण रे वास्ते ऊपरला सगला विषयातरां ने इण परचा मांय समेटियो गयो है।

इतिहास भला ही इण बात ने पूरी तरा सूं प्रमाणित कोनी करतो वहेला पण मीरां रा विचार मांय कठे ही इण सम्प्रदाय रो असर जरूर हो इण बात ने नकारणो

आसान कोनी है । अर एक बार आपा जद इण तथ्य ने मान सेयां तो मीरां रा पदां री दिशा पछे वेही कोनी रंय पावे जेही की आज सई स्वीकारती रंयी है । अठे इण चात पाथे ध्यान देवणो जरूरी है कि मीरां रे पदां मायने भ्रमरगीत री साफ साफ चर्चा तो कोनी है पण उणां में भ्रमरगीत री मोटी रूपरेखा अवसर वणती दीसे है । 'हो जी हरि कित गये नेह लगाय' सूं सरुहोय'र भ्रमरगीत रा प्रमंग स्पुट रूप में इणां रा पदां मांयने निजर आवता जावे ।

(1) कृष्ण रो मधुरा जावणो दुःख रो कारण बणे—

हो गए स्याम दुइज के चंदा ।

मधुवन जाय भये मधुवनिया हम पर डारे प्रेम को फंदा ।

(2) कुन्जा सूं परपूठ ईर्ष्या—

'स्याम म्हामूं ऐंडो डोले हो, औरन सूं खेले घमाल'

(3) अक्रूर रे वास्ते विरोध रो भाव—

'कठिन क्रूर अक्रूर आयो साजि रय रय कह नई'

(4) ऊधो सूं बतलावण—

'अपणे करम को वो छे दोस काई दीजे रे ऊधो'

(5) राधा रे वास्ते ऊधो द्वारा सनेस लावणो—

'कृण बाचे पाती विना प्रभु कृण बांचे पाती
कागद ते उधोजी आयो कहां रह्या साथी ।'

(6) ऊधो रे व्याज सूं आत्म निवेदन—

'ऊधो मैं वीरामण हरि की'

भ्रमरगीत सूं कल्लभ सम्प्रदाय रा भक्त पेसा परकट कीनोही जिकी सिद्धियां हासल कीनी है उणां माय सूं पेयली सिद्धि गोपियां रे प्रेम रे आदर्श री बात है जिकी मीरां रे संदर्भ में फालतू बूझ जावे । वयूं के प्रेम री मतवाली मीरां में जेहो भाव गांभीर्य अर राग संलग्नता है उण रे सामी गोपीयां तो कई कोई भी भक्त कोनी टिक सके । गोपियां तो सायत आपरा जीवण मे कुटुम्ब कबीले री मरजादादां ने नारी रे शील ने चुनौतियां दीनी ही के कोनी दीनी इण री ठा कोनी पण मीरां इण भावां ने आपरो जिनगाणी मांय परतछ कीनो हो इण मे किण भी बात रो सन्देह कोनी बूझ सके । इण खातर मीरां रे प्रेम भावना रो ऊंडोपण गोपियां री प्रेम भावना सूं भोकळो ऊंडो, भोकळो भरोसेमंद अर भोकळो प्रामाणिक है इण में सन्देह कोनी है ।

भ्रमरगीत की दूयजी सिद्धी ने भी मीरां के पदां सँ जोड़'र देखणो जरूरी है। मीरां के पदां सँ भ्रमरगीत की जिकी रूपरेखा बणे है वा अधूरी होय'र भी उण कनी उणां के रहमान ने अवसरकर परकट करै। मीरां का पद इण हिसाब सँ मोकळा सवाल खड़ा करै। ज्ञान माथे भगति की जीत ने दरसावण की मीरां ने किणी तरँ की जरूरत कोनी ही। क्यूँ के सरूपीत सँ हीज वा भगति भाव माथे इणी दृढ़ता सँ टिकियोड़ी ही के ज्ञान के कनी भाँकण तक की उण ने कोई जरूरत कोनी ही। पण योग माथे भोग की अर निर्गुण माथे सगुण की जीत दरसावण में मीरां के सामी मोकळी चुनौतियां या रुकावटें ही।

मीरां अर योगमत—मीरां का पद कृष्ण भक्ति सँ हीज सांगोपांग जुड़ियोडा कोनी है उणा में योगमत की भी मोकळी उल्लेख है। जे एकर उण ने योगमत की प्रभाव न भी माना तो भी जोगी के वास्ते मीरां का रहमान ने नकार्यो कोनी जाय सके। उण की पदावली के मांय जोगिया सँ प्रेम ने बतावण आळा जिका पद मिले है उणां ने लेय'र विद्वानां में मोकळी मतभेद है। कोई कोई विद्वानां इण बावत ओ मतों राखे है के ऐडा पद या तो बाद में जोड़ीजिया है या फेर इणां की कोई खास महत्व कोनी है। म्हुने इण बिरपणा माथे भरोंसो कोनी है। क्यूँके जोगी सँ जुड़ियोडा पद मीरां पदावली मांयने इत्ता घणा है के उणां ने आसानी सँ नकारणो सोरो कोनी है। इण वास्ते जोगी सँ जुड़ियोडा मीरां का पदा की व्याख्या किण तरा सँ की जावे ई सवाल माथे विचार करना जरूरी है।

इण पदां में देख'र एक बात तो आहीज कैसी जाय सके के मीरां ने सांघी में किणी जोगी सँ प्रेम हो। जेडो के इण पदां सँ जाहिर हुये है—

- (1) 'जोगी मत जा मत जा मत जा' वाला पद के आखिर मांयने 'जोत में जोत मिला जा' केवणो।
- (2) 'जोगिया के प्रीत किया दुःख होई' वाला पद में ओ केवणो 'ऐसी सूरत या जग मांही फेरि न देखी सोई'।
- (3) 'जोगिया की प्रीतही है दुखड़ा की मूल' वाला पद के मांय उण की निरमोही भाव सँ जावण की बात परकट करणो।
- (4) कोई कोई पद तो ऐडा भी है जिणां में जोगी सँ साफ साफ प्रीति की बात परकट हुई है अर पद के अन्त में उण ने प्रभु का दरसन मँ जोडण की बात भी परकट कोनी हुई है—

जोगिया निसदिन जोऊं बाट

पांव न चालै पंच दुहेलो आड़ा ओघट घाट

नगर आई जोगी रम गया रे मो मन प्रीति न पाई
 मैं भोली भोलापण कीन्हों राखी नहि बिलमाई
 जोगियां कूं जोयत बोही दिन बीता अजहूँ आयो नहि
 बिरह चुभावण अन्तरित आवो तपन सगी तन मांहि
 कैं तो जोगी जग में नाहीं, कैंर बिसारी मोई
 कांई करूं कित जाऊं री सजनी नैण गुमायो रोई
 आरति तेरी अतरि मेरे, आवो अपणि जाणि
 मीरां व्याकुल बिरहिणी रे, तुम बिन तलफत प्राणि ।

कोई कोई विद्वानां जोगी री प्रिय या प्रियतम के रूप में अरप कीनी है अर पू
 ऐहा पदा में योगी री अभिधायं हटाय ने उण ने प्रियतम री पर्याय मानण रे वास्ते
 लक्ष्यायं प्रदान कीयो है ।

सीजी तरां रा व्याख्याकार जोगी शब्द ने भगवान् श्रीकृष्ण रा विशेषण
 योगीराज सूं जोड़ ने उणां री व्याख्या कीनी है ।

ऐ सगळी श्रुटियां किसी भ्रामक है या इणां मांय सूं किसी श्रुति सांच है इणां
 री परख करणी जरूरी है । पण दुर्भाग्य सूं इण सवासा ने मोकळी तवज्जो कोनी
 दिरीजी है ।

मीरां रा पद अर नाथपन्थ—मीरां रा जोगी विषयक पदां मांय कोई कोई ऐहा
 भी है जिण मांय योगियां रे साधना पदां री प्रभाव भी निजर आवै है । सेली, सिंगी,
 सयडा आदि शब्दावली रे सागे सागे मोकळा पदा मांयने उणा री साधना पद्धति रे
 उल्लेख इण बात ने पुष्ट करे है । जियां—

माळा मुदरा मेलळा रे बाला खप्पर लूंगी
 जोगिन होई जुग ढूढसूं रे म्हारा सांवलिया री साथ

योग साधना री प्रभाव मीरां मांये औरू कारण सूं भी प्रमाणित कियो जाय
 सके है । हजारिप्रसाद द्विवेदी वष्ययानी सिद्धा ने देश रे बीचते हिस्से हूँ हट ने
 गाढहवाल राजावां री टेम सीमावर्ती प्रदेशा मांयने फैलण री चरचा कीनी है ।
 नाथपन्थ भी इणीज कारणा सूं देश रा आयूण सीमाडे मांये फैल गयो । इण पन्थ
 री एक पीठ अजे तई जोधपुर में महामन्दिर में स्थित है । म्हूँ कोनी जाणूं के ओ पीठ
 कितरो जूनो है । पण मारवाड़ मांय नाथां री चेष्टावां मीरा रे पेली सूं देखणों किणी
 तरं री आपत्ति खड़ी कोनी करे । मीरा रा पदा मांये योग रा प्रभाव ने इण कानी
 कीयोडा शोध रे आधार मांये आसानी सूं खोजियो जाय सके है । इण सूं मोकळा
 अणसुलभियोडा सवासां री जबाब मिल सकेला इण में की भी सन्देह कोनी है ।

मीरा अर रंदास—मीरा रा पदां मे निरगुण माये सगुण रे जीत रो बात साफ साफ कोनी मिने है। उण री जागां दुणां रा पदां मांय निरगुण रे वास्ते भी आस्था उणी भाव मूं दीते है जिण भाव मूं सगुण रे वास्ते मामी आई है। दुण रो कारण मायत ओ हीज रहै सके के मीरां माये पड़ियोडो सन्तां-मोगियां रो प्रभाव उण ने भ्रमरगीत रे कथारूप में पाणिन निर्गुण माये सगुण रो जीत रा वरणन करण मूं परे घबेलतो रेह्यो है।

मीरां री रंदास मूं जुड़ाव री बात भी दुण मूं जुड़ियोड़ी है। मीरा रा पदां रे मांयने मन्त रंदास रा मिसण आळा नाम ने मेय'र भी विद्वानां मोकळा ऐतराज किया है। साफ है के कृष्ण भक्त मीरा रो मन्त मत आळा रंदास मूं समीकरण लोगां ने पमन्द कोनी आयो है। फेर भी ऐड़ा पदा रे कारण दुण बात ने नकारणी भी आसान कोनी है। कृष्ण-भक्ति री बात करना यकां भी मीरा 'गहजगुन'अर 'पंचरंग घोना' री बात भी उत्ती ही आमानां मूं कर जावे है—

(अ) 'चाला या भगम देस, काल देग्या डरा
भरा प्रेम रा होज, हंम केल्यां करा।'

(ब) 'बरन कर्यां अविनामी म्हारो, काल ब्याल म गामी'

ऐड़ी ओळियां मीरां माये सन्तां रा साफ साफ अमर ने प्रमाणित किया करे। कृष्ण भक्ति ने बोली तरल धारण करण वाली मीरा रो ओ केवणो भी विचार करण जोण है 'बरद की मारी बन-बन डोलूं बंद मित्या नहि कोई' कृष्ण रो प्रेम कई टुत्तो अपर्याप्त हो के उण ने सन्तां रे जियां ही आपरी मनोम्यया ने दुण तरा मूं प्रकट करणी पड़्यो। अस्तु, सन्तमत री ओ प्रभाव मीरां मूं जियोडो निरगुण-सगुण समीकरण रो सफल हेतु बण्यो है के उण रे उल्टे भाव ने प्रस्तावित करे है दुण कनी भी ध्यान देवणो जरूरी है।

मीरां अर आल्वार सन्त—मंता रे मंदमं मे मीरां रे माये उण रे जुड़ाव ने मन्ता रे विकास रे सागे भी जोड़'र देवणो जरूरी है। व्यावहारिक भक्ति न मूळ आत्माता दक्षिण रा आल्वारा मांयने भी भक्ति री बेड़ी ही उत्कट भावना हीमें है जेड़ी मीरां रे मांयने है। आल्वार 'शरणागति' या 'प्रपनि' री जिण परम रूप री धरपणां की ही उण ने पाछे रा कवियां रे वास्ते आदर्श रे रूप में देख्यो जाय सके है। मीरां रा साहित्य मांयने शरणागति रा सगुण नव उपस्थित देख्या जान रहे

(1) अनुकूलता रो संकल्प—रहै तो नियो है गोविन्दो मांय

(2) प्रतिकूलता रो वर्जन—मेरे तो गिरधर गोपाल दूमरो न कोन

(3) गोप्यत्ववरण—बे तो पनक उघाहो दीनानाय रहे हजर कहर करे

की पड़ी

मीरां रे साहित्य मूं जुड़ियोडा की अणुअणु किये जाय

(4) इतर बातों रो निपेस—पग धूंधरू बांध मीरां नाची रे

(5) कापण्य भावना—मै तो सरण पडी रे रामा, ज्यूं जाणे त्युं तार

मीरां री आ प्रपन्न भावना उण ने सीधो आल्वारां री परम्परा मूं जोड़े है। उण रो प्रेम भाव, मिलण री आतुरता, वेदना भाव, अकुलाहट तकरीबन वेड़ी ही दीसे है जेडी आल्वारा मांय दीसिमा करे। मीरां आल्वारां री उण परम्परा ने कियां सुरक्षित राख सकी ही इण रो पतो सगावणो भी जरूरी है।

मीरां अर गौड़ीय सम्प्रदाय—वल्लभ सम्प्रदाय रे असावा कृष्णभक्ति रा पूजा सम्प्रदायां री भी मीरां माये घोड़ो बहुत असर निजर आवे है। चैतन्य महाप्रभु रा गौड़ीय सम्प्रदाय रा शास्त्रीय आख्याता रूप गोस्वामी अर सनातन गोस्वामी बन्धुवां सूं भी शायद मीरां री भेंट हुई व्हे मके। इणां रो भतीजो जीव गोस्वामी रो पुढपणे रो घमण्ड तो मीरां हीज तोडियो हो। इण रो 'प्रियामुख न देखण रो प्रण' मीरां हीज छुडायो हो। इण घटना सूं गौड़ीय सम्प्रदाय रे वास्ते मीरां रा भुकाव ने देखियो जाय सके। जद इण भुकाव ने स्वीकारलां तद उणरा प्रभावा ने भी देखणो जरूरी व्हे जावे। रूप गोस्वामी री पोथी 'भक्ति रसामृत सिन्धु' ने भक्ति रो आधार ग्रन्थ कैयो जाय मके। उण मांय भक्ति री शास्त्रीय व्याख्या जित्ता विस्तार अर प्रामाणिकता सूं हुई है उत्ती नारद या षाण्डिल्य रा भक्तिसूत्रां मांयने भी कोनी हुई है। पण 'भक्तिरसामृत सिन्धु' रो स्वर बंणव भक्ति परम्परा सूं घोड़ो भिन्न है। भक्ति ने ओ मुलभ-सरल कोनी मान'र दुरलभ माने है। उणरी दुरलभता हीज भक्ति री कठिनाईयां रो हेतु है। मीरां रा पदा ने गौड़ीय मत रे सिद्धान्ता मांय ढाळ'र उण री ईश्वर री परिकल्पना ने निर्धारित करणो अजे तई बाकी है। गौड़ीय सम्प्रदाय रे मांयने मधुरा भक्ति रो जिको स्वरूप है उण रो मीरां माये मोकळो असर पड़ियो हो। चैतन्य महाप्रभु ने जिकी तन्मयता, प्रेमानुभूति री जेडी उडेलित दसावां दीसे है अर 'नवघाभक्ति' मांय सूं सिरफ कीर्तन ने स्वीकारण री जिकी भावना है उण ने मीरां रा पदा मांयने भी उत्ते हीज ऊडेपण सूं उपस्थित देखियो जाय सके। इणी भात मीरां अर चैतन्य दोनऊं माय एक अद्भुत समानता भी देखी जाय सके है। चैतन्य री नृत्य अर कीर्तन री प्रवृत्ति सूं जुडाव मीरा मे मोकळी आस्था सूं उपस्थित देखियो जाय सके है। 'पग धुंधरू बांध मीरा नाची रे' रूप में मीरां रो नृत्य रे वास्ते खास भुकाव उण ने चैतन्य री भक्ति शैली मूं जोड़ देवे। चैतन्य महाप्रभु री भक्ति भावना सूं मीरा री भक्ति भावना री आ जुडाव री बात महाप्रभु बल्लभाचार्य री 'पुष्टि तदनुग्रह' री शैली सूं खासी आंतरे है। इण वास्ते चैतन्य अर बल्लभ दोनो री विचारधारा री मीरां रा पदा मांय हाजिरी एक अणमुलभियोडो सवाल है जिको के की जबाब री उडीक करे है।

मीरां अर हितहरिवंश—इण भांत हीज राधावल्लभ सम्प्रदाय रा प्रवर्तक हितहरिवंश सूं भी मीरां री भेंट रा प्रमाण मिले है । केह्यो जावे है के वे खुद मेडते आय ने मीरां रा मेहमान बण्णा हा । हितहरिवंश रो राधा-भाव उण टेम रा दूयजा कृष्ण भक्त सम्प्रदायां सूं अलग-थलग ही हो । मीरां तो खुद औरत ही, राधा जीसी ही पीडित अर कृष्ण माथे रीभियोड़ी । इण कारण मीरां रे वास्ते हितहरिवंश रे राधा-भाव ने स्वीकारणो मुश्किल कोनी हो । मीरां तो एक ठोड़ खुद ने तारला जनम री राधा तक बतलायो है—‘रास पूणो जणमिया री राधा का अवतार ।’ मीरां पदावली रे मांय राधा रो घणो उल्लेख तो कोनी है फेर भी वो आयो तो है हीज । जियां—

- (1) आवत देखी किसन मुरारी छिप गई राधा प्यारी
- (2) ऊभी राधा प्यारी अरज करत है, सुणजे किसन मुरारी
- (3) राधा प्यारी दे डारौ जु बंशी मोरी
- (4) भूलत राधा मग गिरधर भूलत राधा मग ।

पण मीरां पदावली री राधा वल्लभ सम्प्रदाय री राधा ज्यू ‘प्रोपितपतिका’ कोनी है । मीरां री राधा दरअसल कृष्ण रे सामे भूलो भूलण बाळी या कृष्ण री मुरली ने हथियाय ने उणां ने खिजावण आळी राधा है । वा कृष्ण रा विरह मे भूरती रैवण बाळी राधा कोनी है । वा उपेक्षिता नायिका नी ब्धैयर प्रेमतृप्ता प्रगल्भा नायिका री बाणगी देवती दीसे है । इण वास्ते मीरां री राधा परिकल्पना हित-हरिवंश री राधा भावना सूं कितरी समता या विपमता राखे है इण ने देखणो भी जरूरी है । क्यूं के इण सूं उण री भक्ति री खाम दिमा तय की जाय सकेला ।

मीरां अर गीतगोविन्द री परम्परा—कृष्ण भक्ति री एक गैर शास्त्रीय परम्परा भी चालू रैयी ही । जयदेव रा ‘गीत गोविन्द’ सूं चालती आवती आ परम्परा माधुर्य भाव री भक्ति रो चरम निदर्शन है । इण मे राधा अर कृष्ण रे रति रा परम सौंदर्य सूं भर्योड़ा भात भात रा चित्र आकियोड़ा है । यू तो ‘गीत गोविन्द’ कृष्ण भक्ति रा सगळा सम्प्रदाया ने धोड़ी घणो प्रभावित कियो है । पण उण री मुतन्तर परम्परा भी आगे तई चालती रैयी है । जयदेव रे पछे चण्डीदास अर ज़िन्दी मे विद्यापति उणने आगे बढ़ायो । कृष्ण रो ओ लोकरंजन पक्ष अर उण रो गौंदर्य शास्त्रीय रूप मीरा माथे भी असर डाल सबयो के कोनी डाल मय्यो ओ भी विचार-णीय है । केह्यो जावे है के मीरा खुद भी गीत गोविन्द रच्यो हो पण विद्वानां उण ने नकली रचना माने है । पण मीरा रा पदां मांय कृष्ण री रूप माधुर्य री गौंदर्य, कृष्ण री बंकट छवि मांयने अटकियोड़ी मीरां री आस्था, कृष्ण री गौंदर्य ने ‘निरन्ग म्हारो मनहो फंस्या,’ कृष्ण री रूपमाधुर्य री ‘अंग अंग मीरा बनि जाई’ बाट्या मारत

मीरां रे माहित्य सूं तुटियोड़ा री अंगभूतभियोड़ा नकल

प्रसंग संयोग शृंगार री सगळी सोभा अर विप्रलंभ री सगळी आसुरता ने मीरा जिण रूप में वर्णित कियो है वो ओ प्रमाणित करे है के मीरा कृष्णभक्ति री गंर शास्त्रीय परम्परा ने भी निभावो हो । उण री जांच भी अजे तई बाकी है ।

अस्तु, मीरा री ईश्वर परिकल्पना रा सांचे रूप री खोज बहुत जरूरी है । ऊपरला विवेचन सूं आ बात आसानी सूं समझी जाय सके है के स्थूल आधार सूं निसरण वाली बातों दे आधार माथे उण रा आराध्य री निरधारण कर ने उण ने हीज सांच मानतो जायणों कितरो भ्रामक बूझ सके । इण वास्ते मीरा दे साहित्य सूं जुड़ियोड़ा दे सगळा अणसुळभियोड़ा सवाल दे रूप में मैं इतरा बिन्दुओं ने आप विद्वानां दे सामी पेश करणों चाहूं हूं—

- (1) मीरा री पदां दे जम री चोखी तरऊं निर्धारण कियो बिना उण माथे जुदा-जुदा स्रोतां सूं पड़ियोड़ा प्रभावों री जांच करतो जायणो कितो उचित है ? उण दे जीवण मे काब्य चेतना री सरूआत हुयण सूं खेयने जीवन री ग्यास गाय घटनायां दे आधार माथे उण रा पदां री व्यवस्था करणो जरूरी है ।
- (2) एक औरत दे रूप मे मीरा री विद्रोह के इतिहास री घटनायां दे परिप्रेक्ष्य में देखण री जागो उण दे गुण रा सामाजिक साचां, समाजशास्त्रीय मान्यतायां दे आधारों माथे देखण परखण री भी अपेक्षा है ।
- (3) मीरा री ईश्वर परिकल्पना री खोज दे वास्ते उण दे साहित्य मे मिलण वाला दसा समीकरणों दे साथ उस्तां ने कूँढणो जरूरी है ।
 - (क) महाप्रभु बलभानार्थ दे पुष्टिमागं रा मिथ्यान्तां सूं, चैतन्य मत री भक्ति सम्बन्धी मान्यतायां सूं अर हितहरिवंश दे साम्प्रदायिक विचारां सूं मीरां दे पदां सूं तालमेल बँठावणो अर उण री भक्ति री मूल चेतना ने खोज निकालणो ।
 - (ख) कृष्ण भक्ति से आगे नाथपन्थ री योग भावना अर ज्ञानमार्गी सत्तां री भक्ति अर साधना पद्धति सूं मीरां दे पदां री तालमेल बँठावणो ।
 - (ग) कृष्ण भक्ति रा शास्त्रीय स्वरूप वाला सम्प्रदायां री मान्यतायां दे साथे मीरां री पदावली री गीत गोविन्द री गुढ शृंगार वाली परम्परा री तालमेल बँठावणो ।
- (4) भारत री सामाजिक दशायां दे मांयने मारी री दसा अर मीरां दे व्यक्तित्व री तालमेल बतलावणो । सांस्कृति री रूढ़ निजरां अर मीरां री भक्ति चेतना दे बिचाळे तालमेल बिठावण री कोशिश करणो ।



(राजस्थानी मन्दागो सार पड़ियोड़ा गरबो)

गांव रे जीवन रा चितेरा : रवीन्द्र नाथ ठाकुर

रवीन्द्र नाथ ठाकुर भारत की आत्मा रा पूठरा चितेरा रचनाकार हा। उणा की कलम सँ उकरियोड़ी देश की माटी रो कण कण मन भावते उजास सँ वेणी रचनाकी में जगमगाय रैयो है। घरती की मोकली आस्थाकां अर गांव की माटी की महक सँ उणां रो साहित्य सांगोपांग भीजियोड़ो है। कवि, लेखक, संगीतकार, चित्रकार रे रूप में जठीने भी इणा की प्रतिभा आगे पावंडा भरिया है उण मे कल्पना माथे टिकियोड़ी सपनीसी रहस्यात्मकता रे सागे सागे जमी रो कोड अर उण रो यथार्थ साकार हूवतो दीसे है। आदर्शों रो धणी ओ रचनाकार भारत रे गावां मे रेवणवाली आत्मा ने खुद पिछाण ने लोगां सँ उण की सौंदर्य सँ रलियोड़ी पिछाण करावण सारू कोशिश करतो रैयो।

जमीदार रे परिवार मे जलम लेवण रे कारण इणां ने जादातर नगरा रे जीवन रो हीज अनुभव मिलियो। पण इण कारण टेगौर रो सौंदर्यचेता मन बधियोड़ो कीनी रैयो। गांव में हीज भारत की सांची जिनगाणी है अर गांव ने छोड़ ने दूजी ठोड़ भारत रा माचा दरसन को हूय सके इण बात ने सांगी तरा सँ पिछाण ने वे हरमेस गांव रा दरसन सारू छटपटावता रेवता। गांवा रे वास्ते आपरे ह्भाण नं टेगौर खुद यूँ वरणित कियो है— “मै गांव की जिनगाणी ने मोकली बारीकी सँ देखण की इच्छा राखतो हो। म्हारी आ कर्तव्य भावना म्हने नदियो, नहरां अर दूजा जल मारणां सँ म्हने दूर दूर रा हिस्सावां कनी लेयगी। इण सँ म्हने जिनगाणी ने एक बदलियोड़ा दृष्टिकोण सँ देखण रो मौको मिलियो। गांव रा भाया की दिनचरया अर उणां रा कामकाजा की बदलियोड़ी दिसावा ने देख'र म्हारी हिवड़ो ताश्जुब सँ भरगयो। नगर रे माय पालीजियोड़ो होवता थकां भी मै गावां रे सौंदर्य रे बिचाले खुद ने लेयग्यो अर उणा रा आकर्षणा सँ खुद ने सांगोपांग भर लियो।”

गांव की जिनगाणी सँ टेगौर की आ पिछाण उणा की रचनावा की नूवी दिसा वणगी। हालांकि टेगौर रहस्यवाद अर प्रकृति रे पूठरे सिणगार रो चितेरो कवि हो पण गावां रा लोगा की अभावा अर कष्टा रे माय भी मस्ती अर विश्वास सँ रिलिजियोड़ी निराली जिनगाणी ने देख नं उणा रो हिवड़ो पछतावे सँ भरग्यो। उणा ने लागियो के जाणें वे मिनख-मिनख रे बिचाले रा इण आंतरापण ने देख'र

भी अणदेखणों करतो रेह्या है। उणां ने लागियो के वे जमींदारी री सगली सुविधावा ने भोग ने जाणे आपरी हीज माटीवाळा गांवांवाळा माथे अत्याचार कर रेह्या है। टेगौर री आ पछतावे री भावना उणां रे साहित्य री नूवी प्रेरणा बणगी। इण बात ने वे खुद इण मुजब स्वीकारियो है—“होळे होळे गांव रा लोगां री गरीबी अर वेचारगी म्हारे सामी सजीव हूयगी। मैं विचार करण लागग्यो के उणा रे वास्ते म्हने की न की कोशिसां करणी चाईजे। जदे म्हने आ बात मोकळी सरमावण लागगी के म्हें एक जमींदार हूं जिको के कोरा-मोरा आधिक उद्देश्यां सूं प्रेरणा लेवतो हो अर टेक्स उगावण माय लाग्योडो हो। जदे आ बात मैं अनुभव कर लीवी उण रे पछे मैं गाव बाळा लोगां रे भी मनां में आ चेतना भरणी सुरू कर दी के उणां ने आपरी जिम्मेदारियां खुद रे कांधां माथे लेवण लाग जावणों चाइजे।”

इण अनुभव रे पाछे उणां रे मन में आ बात धिर हूयगी के नगर री सुविधावा भोगण आळा लोग ने गाव रा भोळा-भाळा मिनखां रो शोषण करण रो कोई हक कोनी है। उणा रा साहित्य में भी इण चेतना रा जीवता दरसन हुवे है। जणें टेगौर गांव री आत्मा सू खूबखू सामेलो करण री कोशिसां सुरू कर दीवी।

उणा री मोकळी कवितावां भारत रे गावां रा दुख दरद ने सामी लावे। इण कवितावा में उणां री लेखनी आपरा रहस्यवादी तिलिस्म ने चोखी तरा सूं तोड़ ने सामी आई है। धरम सूं पीड़ित हूवण आळा बूढा भारत री रीतया री सांकळा माथे अर परम्परावा री जड़ता माथे चोट करता वे ‘प्रेतात्मा’ कवितां मांय केह्यो है—‘देश रे चारउंफेर जेळ री भीता तणगी। कोई को जाणतो के इण अणदीठती भीतां सूं पार किया पायो जाय सके। उणा रा भगवान मन्दिरा में निवास कोनी करे। गावां में जठे लकड़हारो सकड़ी घीरे है किसान जठे हूळ बावे है उठे म्हारा भगवान बसे है।’ इणी भात ‘ए बार फिराओ मोरे’ कविता में किसाना री जुझारु भावना ने बतलावता वे केह्यो है—‘इण कुम्हलायोड़ा मुखां ने भापा देवणी पड़ेला, अं धाकयोड़ा, सूखा, दूटयोड़ा हिवड़ावा माय आशा गुंजावणी पड़ेसी। इणा ने तेबड़ो देव ने केवणी पड़ेला के अरे थां लोगां एक बार तो माथो उचो कर ने खड़ा हूय जावो तों थे देख सकोला के जिण लोगां सूं थे डर रेह्या हो वे तो खुद थांसू भी मोकळा डरपोक है। पारे खड़ा व्हीयतई वे भाग जावेला। रस्ता रा कूकरा ज्यूं डर ने गायब हूय जावेला। वयू के वे तो वस मूडा सूं हीज उची ऊची बाता छांटे है खुद रे हिवड़ा में वे आपरी कमजोरी पिछाणें हैं’।

टेगौर रो कथा साहित्य भी गांव री जीवन दसावा ने समेट ने सामी आयो है। मोटा तोर सूं उणां री कहाणियां ने चार भागा मांय बांट’र देखियो जाया करं है। इणां में सेंगा सूं ज्यादा कहाणिया उण बरग री है जिण माय गांव रे जीवन ने कथा रो विषय बणायो गयो है। इण कहाणिया री रचती बैळा टेगौर जमींदारी रे

रख रखवाळ रे खातिर गांवा में धनी दिनां तई रह्या हा । इण कारण उणां ने गवां रा जीवन ने नेडे सूं देखण रो मोको मिलियो हो । 'पोस्ट मास्टर', 'मेघ ओ रीद्र', 'नष्टनीड़', 'प्राणरक्षा', 'कर्मफल', 'ककाल', 'धुधित पापाण', 'निशीथे' आदि कथावां गावी री जिनगाणी रे यथार्थ माथे हीज निरमित हूयोड़ी है । इणी भांत रा चितराम अर चरित्र रवीन्द्रनाथ रा नाटका मे भी मोकळा निजर आवे है ।

इणां रा साहित्य मे गावां रा चितराम कोरी मोरी साहित्य री रचना प्रेरणावां हीज बण'र कोनी रैयगी है । गांवा री दसावा रे सुधार रो रचनात्मक नजारो भी इणा रे साहित्य में निजर आवे है । गांवा री इकसार जिनगाणी री एकरसता ने सोड ने उण ने गति दिराबण सारू टेगौर आपरी रचनावां में जिण आदर्श ने धिरपियो है उणां मे महारमा गाधी रे प्रयासां जेड़ी गरिमा निजर आवे है । गांव रा सामाजिक जीवन रा उत्थान सारू टेगौर रो दृष्टिकोण स्वस्थ समाज रे थापना री कोशिस करतो दोसे है । वे आपरी रचनावां में गांवां रे पुनर्निर्माण री बात ने मोकळी बुलदगी सूं उठाई है । "समाज अर छुआछूत" जेड़ा निबन्ध इण भांत री सामाजिक बुराईयां माथे सीधो सीधो आक्रमण करे है ।

गांवा री आर्थिक उन्नति रे वास्ते टेगौर शिक्षा रा साचा आदर्श ने प्रोत्साहन दियो है । इणां री रचनावा मे मशीन रो स्वागत तो करीजियो है पण अे मिनख माथे मशीन रा अधिकारा ने पसन्द कोनी करता । गावा रे सामुदायिक उन्नती री जिण बाता री आजकल मोकळी चरचा की जावे है उण ने टेगौर आपरी रचनावां में पूरे ताकद सूं परकट करता रह्या है । सहकारी आन्दोलन रे बिकास रे खातिर वे मोकळा तर्क दिया है । उणा री आ मानता ही के सहकारी आन्दोलन सूं हीज भारत रा सुरुपांत रा सामाजिक जीवन में ग्रामीण समाज रा समाजिक उत्तरदायित्व री धिरपणा हूय सकी ही । इण वास्ते टेगौर री आ मानता ही के देश रा सगळा बिकास रे वास्ते गांव माथे टिकियोड़ी अर्ब व्यवस्था हीज उपयोगी हूय सके है । सामाजिक ग्याव खातिर उणां आपरी आवाज पूरी बुलदगी सूं उठाई । आ आर्थिक भेदभावां मे हटाय ने साचा सामाजिक हित रो विधान करण आळी ग्रामीण चेतना इणां री रचनावा में पूठरी गरिमा सूं सामी आई ।

टेगौर रो साहित्य साचे अरथां में भारत री आत्मा री साहित्य हो । वे उणरी धडकन ने गांव री जमी रा कण कण सूं सुणन री चेष्टा की ही । इण कारण हीज उण रो साहित्य अमर है अर उणरा भारतीयता री सांची आस्था रा आदर्श भी गावां सूं जुड़ाव रे कारण जुगा जुगां तई अमर रवेला ।

□

[[पाकाणवाणो सृ प्रसारित]]

‘बेलि’ रो वस्तु सौंदर्य : एक पुनर्मूल्यांकन

‘बेलि’ रे कथानक रे सौंदर्य सँ सम्बन्धित म्हाारी बात शुरूकरण सू पेली मै आप रो ध्यान इण बात कती लीचणों चाहूँ हूँ के साहित्य रे भायने जदे भी एक रचना रो सांगोपांग मूल्यांकन होय नै उणरी सगळी विशेषतावां सामी आ जावे पछे उणरो पुनर्मूल्यांकन करण रो क्युं जरूरत पड़े ? पेसड़ा मूल्यांकन री सारी स्थापनावां ने छोड़ ने जदे उण रा पुनर्मूल्यांकन री बात उठाई जावे तो वेड़ा प्रयासां री सार्थकता कई है ? ज्यादा समझावण ने वास्ते ओ कह्यो जाय सके के पुनर्मूल्यांकन रो प्रयोजन कई है ? कई नई दृष्टि रो नाम पुनर्मूल्यांकन है ? के स्थापित विचारां रो विरोधकरण रो नाम पुनर्मूल्यांकन है ? के बे प्रतिमान जिका के मुग रे बदलण रे सामे सामी आवे बने आधारों सू कियोड़ी समीक्षा रो नाम पुनर्मूल्यांकन है ? ओ कुछ मुद्दा है जिका के सँगाऊ पेली सामी आवे ।

ओ सारा सवालाने ने ध्यान मे राख ने जद आपां विचार करा तो शुरू मे हीज आ बात खोली तराऊं साफ हूय जावे के सांचे अरथा मे पुनर्मूल्यांकन पेली कियोड़ी चेष्टावां रो विरोधी कोनी हुया करे बल्कि उण री जगां ऐड़ा प्रयासां ने पूरक री संज्ञा दी जा सके है । क्युंके जद आपां कोई रचना रो मूल्यांकन किया करां तो उण टेम आपां रे साम्हे कोरी पोधी हीज रह्या करे । उणरी अच्छाइयां ने दूढ़ निकालण रे वास्ते आपां ने खुद ने कोशिस करणी पड़े । इण वास्ते ई बात री घणी सम्भावना है के बी टेम आपाणी पूर्वधारणावां आडी आय जावे । आपांणी परंपरानुगतता या विचारा री प्रतिबद्धताका आपाणी दृष्टि रे माये इत्ती हावी हूय सके के उणरे रंग रे कारण आपां कृति सू न्याय करण री जागां आपांणी खुद री स्थापनावां रे प्रति घणां सचेत हूय जावां । अगर आ बात साच हू जावे तो पछे इण दोष रे कारण पेसड़ा मूल्यांकन मे सांगोपांग दृष्टि रो फँलाव कोनी होय सके । इणी तराऊं आ बात भी ध्यान मे राखणी जरूरी है के समय रे बदल जावण सू लोगां रे सोचण विचारण मे भी अन्तर आ जाया करे । इण कारण नूवे मुग रा लोगां ने कोई बात सिरफ इण वास्ते हीज चोखी कोनी सामे के बा पेसड़ा लोगां ने घणी पसन्द ही । मूल्यांकन रा जिका आयाम एक खास टेम में घणा पसन्द किया जावे बे हीज मुग बदलण रे सामे सामे पुराणा पड़ ने वासी, बोदा बहेय जावे । पैमाना रे दोष सँ पण कृति ने दांपी कोनी कह्यो जाय सके । इण वास्ते पुनर्मूल्यांकन करने आपां पेसड़ा प्रयासा री पूति कर देवां

अर कृति रो साहित्यिक महत्व एक बार पाछो सवारें सामी खेंच लावां । इणही तरऊं नूबोड़ी दिशावां ने चानणां में लावण रे खातिर ओ जरूरी है के आपा समीधा रा जिका नूबोड़ा प्रतिमान निर्धारित हुया है उणां ने ध्यान में राख ने जूनोड़ी पोयियां रो विशेषतावां बतावा । इण वास्ते मूल्यांकन कियोड़ो होवता थकां भी पुनर्मूल्यांकन रो जरूरत पड़े । ऐ बातां ने ध्यान में राख ने म्है आज आप लोगां रे सामने 'बेलि' रे वस्तु तत्व रो पुनर्मूल्यांकन करण रो चेष्टा कर रह्यो हूँ ।

'बेली' रो वस्तु रो तात्पर्य निर्णय—आपरी रचना लिखन सूपेला हर कवि उण रो कथा रो एक न एक तात्पर्य अवसरकर सं कर लेवे । पण काव्य रो दाता रे कारण थो वेने स्थूल रूप में प्रकट कोनी कर सके । कविता रो सुन्दरता यी रे चमत्कार अर रसवादिता मूँ सय हुवे । पण वेणां कोरा कोरा नाम गिना देवण सू उण रो 'सारी महिमा लसम हूय जावे अर कवि रो सारी मेहनत बेकार र्हेय जावे । सजग कवि इण वस्ते रचना रो तात्पर्यार्थ ने अप्रत्यक्ष ढंग सू कथा रे मांयने मिला दिया करे । ऊपरली निजर सूँ देखण मूँ पाठक वां ने कोनी पकड़ पावे पण आलोचक सूँ वस्तु रो तात्पर्य छानो कोनी रैय सके ।

'बेलि' रे कथानक रो विशेषतावा रे पुनर्मूल्यांकन रे वास्ते आ जरूरी है के संगठन पेला ई बात रो निर्णय हो जावणो चाहीजे के रचना निर्माण रे सारे कवि रो मूल तात्पर्य कई हो ? 'बेलि' ने भक्ति या शृंगार प्रधान रचना कही जावे है पण म्हारी समझ में जे बाता तो कथा रा मोटा मोटा आधार हैं न के रचना रो तात्पर्य । इण भेद ने पिछांगिया बिना आपा पृथ्वीराज रो वस्तु विन्यास कला में पिछाण कोनी सकां । इण वास्ते आपां ने थोड़ी देर तई कृति माथे सू ध्यान हटाय ने खुद कवि कनी ध्यान देवणो पड़ेला ।

पृथ्वीराज अगर शुद्ध शृंगारिक रचना लिखणी चावतो तो इणरो संबंध उणरे खुद रे जीवन सूँ जरूर होवतो । पण आ बात उण रे खुदरे व्यक्तित्व अर उणरी राजनैतिक स्थिति सूँ मेल कोनी खावे । आ बात तो सब जणां जानी है के कवि एक बहुत बड़ो योद्धा हो । खुद अकबर ई रो बीरता सूँ प्रभावित हो । नरोत्तमदासजी तो ई कवि रे वास्ते इतो तब क बतायो है के पृथ्वीराज अकबर रे दरबार रा नवरत्नां में सूँ एक हो । वेणां हीज शब्दां में—'पृथ्वीराज रो प्रतिभा सूँ सम्राट अकबर उणां कनी आकर्षित हुया अर वो उणां रे साथे रंवन लागग्यो । सम्राट रा दरबारियां मांय पृथ्वीराज रो बड़ो आदर हो । अकबरी दरबार रा नौ रत्नां में एक पृथ्वीराज भी हो । सम्राट उण ने बहुत चावतो हो । उण रो कह्योड़ो निम्नलिखित दोहो प्रसिद्ध है :

पीथल सों मजलिस गयी, तानसेन सों राग ।

रीझ बोल हंस खेलबो गयो बीरबल साथ । ।

आ बात अगर साची है तो इण सूँ ओ प्रश्न खड़ी कियो जाय सके के पृथ्वीराज ने अकबर आखिर इतो सम्मान क्यों दियो । अकबर रे नौ रत्ना में जिका जिका लोगां री चर्चा आवे वैसे आधार सूँ अगर पृथ्वीराज ने देखां तो उण ने ऐड़ी गरिमा सूँ मज्जित करण आळो एक ही आधार निजर आवे अर वो है पृथ्वीराज री स्वाभिमान । इण संबंध में टेसीटरी साफ साफ केह्यो है के—“पृथ्वीराज पराक्रम अर अदम्य स्वाभिमान रा घणा प्रशंसक ह्यो ने दैन्य गुलामी अर नैतिक पतन रा कट्टर दुश्मन ह्यो । जिण आदतण उदारता सूँ वे दोस्त या दुश्मन री आपरे काव्य में तारीफ कर सकता ह्यो उणी सच्चाई सूँ वे खुदरा भाई बीकानेर रा राजा री ही नहीं, खुद अकबर तक री भी, कोई ओछी हरकत ने देख ने, तीखी आलोचना कर सकता ह्यो ।”

इणी तरऊँ पृथ्वीराज रे व्यक्तित्व में जातीय गौरव अर देशाभिमान री भाव कित्तो गहरो हो जिण री प्रमाण राणा प्रताप री वो पत्र है जिको के अकबर बादशाह रा खुद पृथ्वीराज ने दिखलायो हो । बादशाह री ओ व्यवहार ई बात ने सिद्ध करण रे वास्ते घणो है कि वो पृथ्वीराज री वीरता, तेजस्विता, अर स्वाभिमान री जाणकार हो । वो इण रूप में हीज पृथ्वीराज रा व्यक्तित्व री पिछाण भी करतो हो । इण री एक ओर प्रमाण कर्नलटाड री ओ विवादास्पद कथन है के पृथ्वीराज दरअसल स्वाभिमानी राजपूत हो । वो अकबर री अधीनता कोनी मानी । इण वास्ते बादशाह उण ने बन्दी बनाम ने आपरे अठे राखतो । जद प्रताप री पत्र बादशाह ने मिलियो तो वो पृथ्वीराज री गर्व तोड़न री, खातिर हीज वा चिट्ठी उण ने दिखलावी हो । श्री भूपतिराम साकरिया टोड रा ई कथन ने इण तरऊँ बतलायो है के—“प्रताप रा उण पत्र ने बादशाह पृथ्वीराज नाम री श्रेष्ठ राजपूत सरदार ने दिखलायो । पृथ्वीराज बीकानेर रे राजा री छोटी भाई थो अर वो इण दिनों में अकबर बादशाह रे अठे कंदी थो । उण रे कंदी हूवण री कारण ओ थो के उण में मोकळो राजपूती स्वाभिमान थो । दूजा राजावा री तरें वो अकबर री अधीनता स्वीकार करण खातिर तैयार कोनी थो । इण वास्ते कंद कियो गयो थो अर बन्दी अवस्था में वो बादशाह रे अठे जीवन व्यतीत कर रह्यो थो ।”

ऊपर रा विवेचन सूँ ओ निष्कर्ष निकले है के पृथ्वीराज न केवल एक बड़ो मोट्टा हो बल्के घोर स्वाभिमानी अर जातीय गौरव ने राखण आळो आदमी हो । अर आ बात आपां सब अच्छी तरें सूँ जानां हां के जीवन में हर आदमी रा खुद रा की न की जीवन मूल्यों हुया करे है । हर आदमी वे मूल्या रे वास्ते खुद ने समर्पित कर देवें पण किणी भी तरे री समझौती करणो पसन्द कोनी करे । पृथ्वीराज जेड़ा

आदमी सँ तो ई बात री हरगिज अपेक्षा कोनी की जाय सके के व जीवन रे किता भी क्षेत्र में स्थितियाँ रे सामने या थोड़ा सा फायदा रे वास्ते या समाज में नाम मिलण री खातिर किणों भी तरे रो समझौतो कर लेवे। पृथ्वीराज ऐड़ा व्यक्तित्व रो घणी हो तो ऊरे ई व्यक्तित्व रे करई पणे रो असर उणाँ री रचना भाषे भी पढ़्याँ बिना कीकर रेय सनयो धैला।

ई बात ने 'बेलि' रे तात्पर्य निर्णय रे वास्ते अगर घटित कर ने देखाँ तो इण रा वस्तु में शृंगार भावना रो निरूपण कृति रो चरम उद्देश्य कोनी ठहरीजे। इण रा शृंगार वरणन ने तो प्रसंगानुरूप उदित होवण आळी दशा या स्थिति रे रूप मे हीज देखी जा सके। अर्थात् पेली महत्वपूर्ण बात तो आ है के पृथ्वीराज जेड़ा व्यक्ति सँ जिको के वीरता, तेजस्विता ने स्वाभिमान ने जीवन रा चरम मूल्याँ रे रूप में धारण करताँ हो, आ अपेक्षा कोनी की जाय सके है के वो रसिक जणाँ रे मनोविनोद रे वास्ते कोरी शृंगारिक रचना लिख सके। दूजी आ बात भी ध्यान में राखणी जरूरी है के आपरा जीवन काल में कवि एक थोष्ठ शृंगार कवि रे रूप में स्थापित नहीं हो बल्कि आपरे व्यक्तित्व रे अनुरूप हीज वो ओजस्वी वाणी रो महत्वपूर्ण कवि रे रूप में गिणीजतो हो। ई बात रे वास्ते एक बार फेर कर्नल टाड रो कथन ध्यान में राखणो जरूरी है के 'पश्चिमी देशाँ रा राजावा री भांत पृथ्वीराज आपरे सभे रा राजावाँ में थोष्ठतम वीर हो जिको के आपरी ओजस्वी काव्य शक्ति सँ लोगाँ में प्राण फूक सकतो ने बकत भाषे लड़ाई रा मँदान मे खुद रा शौर्य रो भी परिचय दे सकतो हो। उण टेम रा धारण कवियाँ रा समुदाय में वो राठीड़ वीर सबसँ ज्यादा प्रशंसा रो भागीदार हो। (साकरिया-गूच्छ 23) टोड तो पृथ्वीराज री कविता री शक्ति ने दस दस हजार मोड़ी री ताकत रे बरोबर बतलायो है।

ऐ सगळी बातों ई राठीड़ कवि री कविता ने तेजस्विता अर शौर्य भायाँ रा प्रदर्शन करण वाली कविता रे रूप मे स्थापित करे ने कोरा मोरा शृंगार ने हीज पूरी तराळ प्रकट करण आळा कवि रे रूप में नहीं। अठे आप सोमा रे मन में ओ प्रश्न लखो हूय सके के तो पाछे 'बेली' में शृंगार ने इत्तो बिस्तार सँ वर्णित करण री कई आवश्यकता ही? इण प्रश्न री चर्चा आगे 'बेली' रे काव्यरूप रे अन्तर्गत कियोही है। अठे तो ओ हीज कह देवणो पर्याप्त है के शृंगार भावना वस्तु रो तात्पर्य निर्धारण नहीं करे है बल्के आ तो 'बेली' रे रूपक रे कारण, चरित्र नायक कृष्ण रा स्थापित व्यक्तित्व रे व्याज सँ अर कृष्णकाव्याँ री परम्परा रे व्याज सँ ग्रन्थ मे प्रस्थापित हुई है, परतु रे चरम लक्ष्य रे रूप मे वर्णित कोनी हुई है।

अगर 'बेली' शृंगार रे वास्ते हीज लिखियोही रचना नहीं है तो ई रे शुरू में ही शृंगार रे प्रति समर्पण रो भाव बयूँ वर्णित कियो गयो है। आ आपसि भी की जाय सके। ग्रन्थ मे वो अंतर्साक्ष्य ओ है :

'बेलि' रो वस्तु सौंदर्य : एक गुनगूँयाँकन

सुखदेव व्यास जैदेव सारखा
 सु-कवि अनेक, त अेक-संघ
 ओ-वरणण पहिलऊं कीजइ तिणि
 गूथियइ जेणि सिंगार-ग्रंथ ।

इं छन्द रे मुजब शृंगार ग्रन्थ गूथण बाळा हमेशा स्त्री रे सुन्दरता रे वर्णन
 सूं कथा रे शुरूआत करे आ कवि रे बिचारधारा तय हुवै । इण छन्द सूं शृंगार
 ने होज कवि रे चरम प्रतिपाद्य मानणो चाहिजे लोगो रे आ धारणा है । ओर इं
 स्थापना रे कारण वो भी कवि परम्परा रे होज पालन कियो है । जठे परम्परा
 निभावण रे बात आ जावे उठे कवि मौलिक नही रेह्या करे आ बात चोखी तरां
 सूं जाणो हो । इण भांत कवि आपरे निश्चित जीवन मूल्यां रे बावजूद कथा रे
 शुरूआत शीर्ष वृत्ति सूं करण रे बनिस्पस बी वृत्ति रे प्रेरणा स्रोत सूं की है । इण
 सूं अधिक इं छन्द रे ने ग्रन्थ रे शृंगार भावना रे महत्व नही है ।

वस्तु सूं शृंगार भावना ने नकार ने उण रे तात्पर्य निर्णय करण में दूजोओ
 आधार भक्ति भावना रे रूप में सामने आवे है । कथा रे अन्त में जिका महात्म्य रे
 चर्चा कवि की है उण रे आधार सूं रचना मे कथ्य रे दिशा भक्ति रे कनी प्रवाहित
 होवती घणी बीखे है । पण कई सचमुच में भक्ति कवि रे इष्ट है इण बात ने भी देख
 लेवणो जरूरी है ।

हिन्दी मे रीतिकाल रा कवियां रे भक्ति भावना रे वास्ते एक बात इत्ती
 सटीक भाव सूं कंपोड़ी है के वा थोड़ा में ही वे कविया रा तात्पर्य रे निरूपण कर
 देवे है । कह्यो गयो है के—

आगे के सुकवि रीफि है तो कविताई है
 न तु राधिका कन्हौई सुमिरन को बहानो है ।

अर्थात् ऐड़ा कवि राधा ओर कृष्ण रे भक्ति रे बहाना सूं रचना कोनी करता
 वे तो काव्य रे माध्यम सूं लोग ने रिभावण रे प्रयास करता हा । अगर ओ प्रयास
 सफल कोनी होवतो तो इणी बहाने भगवान रे नाम भी लीरीज जावतो । पृथ्वीराज
 कृष्ण ने चरित्र नायक बणायो इण रे ओ मतलब कीकर लियो जा सके के वो बेणी
 भक्ति रे आदर्श रे स्थापना करनी चाहतो । आपरी साचारी ने तो खुद यूं प्रकट
 कियो है के—

जिणि सेस सहस फण, फणि-फणि बि-बि जिह
 जीह-जीह नव नवउ जस,
 तिणि-ही पार न पाय श्रीकम ।
 वयण डेडरां किसउ वस ? ॥5॥

दर असल जयदेव कवि रे 'गीत गोविन्द' रचना सूं हीज कृष्ण री शृंगारिक वृत्ति आकर्षण रो विषय बणयो । पछे कवियां रे सामने वेणें चरित्र रो ओ ढांचों पूरी तरकं स्थापित होयग्यो । हिन्दी में विद्यापति आपरी पदावली में ने सूरदास आपरा कूट पदां में जिण तरकं कृष्ण रे व्यक्तित्व ने शृंगार रे नैसर्गिक स्वरूप में वर्णित कियो है वे प्रवृत्तियां 'गीत गोविन्द' री परम्परा ने निभावण रे कारण हीज पनप सकी है । वेड़ीज चेष्टा पृथ्वीराज भी की है । अयात् बी री रचना सिर्फ कृष्ण रो नाम चावती ही बाँ री भक्ति नही । आ बात शायद आप लोगों रे गळे सूं दोरी उतरे पण साँच आ हीज है । बयूं के मोरां री भक्ति भावना में जेड़ी वेदना, समर्पण ने प्रपत्ति या शरणागति री भावना है जेड़ी भक्ति भावना 'बेलि' में निजर कोनी जावे । इणी भक्ति रो जिको खुद रो स्वरूप है वो भी 'बेलि' में कोनी है । 'भक्ति' री व्याख्या भज सेवायाम धातु सूं करने शाण्डिल्य उणने 'सा परानुरक्तिरीश्वरेः' कह्यो है । वेड़ी परानुरक्ति री भाव भी रचना में दीखे कोनी है । और न नारद री वा भावना भी है जिण ने वो 'सा त्वस्मिन् परम प्रेम रूपा' केय ने उण री ग्यारह आसक्तियां रो उल्लेख कियो है । भागवत में जिकी नवधा भक्ति गिणाई गई है वेणां दर्शन भी ईणरा कयानक में कोनी हुवे ।

कुल मिला ने आ बात निरूपित की जाय सके है के 'बेलि' में न तो आल्हार भक्तां री प्रपत्ति या शरणागति री भावना है, न मोरां री भक्ति री तरं रो वेदना भाव है, और न शाण्डिल्य या नारद भक्ति सूत्र में वर्णित भक्ति रो शास्त्रीय भाव ही है । अर्थात् पृथ्वीराज रे वास्ते कृष्ण-इवमणी रो नाम भक्ति रे अभिप्रेरक रे रूप में लेवणो जरूरी कोनी हों । वो तो कृष्ण रो नाम आपरा ग्रन्थ रा चरितनायक रे रूप में लेवणो चावतां हो । रीतिकाल रा हिन्दी कवियां री भाँत 'रीक्ति है तो कविताई है न तु राधिका कन्हौई सुमिरन को बहानो है' वाली उक्ति भक्ति री दृष्टि सूं 'बेलि' माये भी पूरी-पूरी साची बँठे है ।

शृंगार या भक्ति ने छोड़ ने किसी खास बात है जिण ने 'बेलि' रे सात्पर्य निर्णय रे रूप में देखी जाय सके । म्हारी दृष्टि में वा बात है शीर्ष वृत्ति । पृथ्वीराज जिण स्वाभिमान रो धणी हो ने अकबर रे दरबार मेरेवतां यकां भी धो जिण उल्लाह सूं उण री प्रतिभा ने नकार सकतो उण रो आधार उण री आ शीर्ष वृत्ति हीज है । आचार्य रामचन्द्र शुक्ल भक्तिकाल रे उदय रो एक कारण ओ बतलायो है के आपरे देस में होज समर्थ होता यकां भी जद हिन्दू लोग पराजित होयग्या तो बँधे कने ईश्वर री भक्ति करण रे अलावा और कोई दूजो विकल्प कोनी रह्यो । आ बात अगर साची है तो ओ कह्यो जाय मके के सामान्य आदमी तो खुद ने आसानी सूं बदल नियो । बयूं के उण री राजनैतिक दृष्टि सूं ऊँची आकांक्षावां भी कोनी हुया करे

पण पीयल जेडा घोर स्वाभिमानी राजपूत रे मन मे गुलामी रीआ भावना अवसर कर चोट पैदा करती हुयेला। आपरा मूल्यां रे रेवतां थका वो खुद रे अहं ने कींकर बदल सकियो व्हेला आ बात भी ध्यान में राखणी जरूरी है। बेलिकार आपरी इणी असमंजस री दशा मे हीज कृष्ण ने, जीने वो आप रो आराध्य मानतो हो, आपरे काव्य रो नायक बणावण ने बाध्य हुयो व्हेला। पण कृष्ण रे स्थापित चरित्र में वीरता रे वास्ते घणी गुंजाईश कोनी है। वेंणे बचपन री वे वातां जिका में उणां री वीरता सामने आई ही जदपि शूरता रो चोखो नमूनो है पण उण अवस्था रा बाळक सूं स्थायी शौर्य वृत्ति री अपेक्षा कोनी की जाय सके। वेणे अलावा कृष्ण रो व्यक्तित्व गोपी-वत्सल रे रूप मे शृंगार भावना रो आधार तो घण सके। पण कृष्ण रा उण रूप सूं परपावृत्ति रो प्रदर्शन सम्भव कोनी हो सकतो। कृष्ण रे शृंगारिक भावना सूं भरयोडा जीवन रे मांयने कोरी रक्मणी हरण होज एकली ऐड़ी घटना है जिका मे कवि ने कृष्ण री वीरता ने प्रकट करण री गुंजाईश निजर आई। इण वास्ते पृथ्वीराज कृष्ण रे चरित्र री इण घटना ने आधार बणाप ने खुद रो काव्य लिखियो।

अठे आ बात भी उठाई जाय सके के नायिका रो हरण करण सूं कई शौर्य भावना रो प्रदर्शन कियो जा सके ? उल्टे म्हारी समझ मे तो हरण में वीरता दिखलावण रो काम नायक री वासनाग्धता या उण री छिछली स्थिति ने तो प्रकट कर सके पण ऐहो नायक पाठकां रे मन में वीरता री किणी भी तरह री छाप छोट सके ई बात मे सन्देह है। ई बात सूं स्वयं कवि भी चोखी तराळं परिचित हो इण वास्ते वो रचना रो नाम हरण परम्परा रे अनुरूप रक्मणी हरण नाम देवण री जागां इण ने कृष्ण रक्मणी रे प्रेम री बेलि नाम दियो है। जठे बराबरी रे दर्जा री प्रेम भावना ह्रव उठे नायिका ने पावण री बात हरण कोनी कंयी जाय सके। कवि री आ भावना वस्तु रा उण छन्द सूं सिद्ध हूम जावे जिण माय रक्मणी हरण कर ने कृष्ण कायर ज्युं भाग खड़ा कोनी हुवै बल्के लोगा ने जोश खरोश सूं चुनौती देवे के अगर कोई रक्मणी रो बर है तो साम्ही आयने लड़ले। म्हें तो रक्मणी रो हरण कर रह्यो हूं—‘बाहिर रे बहिर/छइ कोई बर, हरि हरिणासी जाइ हरि।’ कृष्ण री ऐड़ी चुनौती सूं सैनिक भी कृष्ण ने वीर रूप में वर्णित करण री जागां उणा ने गोप रे रूप में साधारण करने वर्णित करे—‘माखण-चोरी न हुवई माहब/महिपारी ने हुवइ महर।’ कृष्ण रे कोमल अंग रे कारण होज बर उण री माखण चोर रे रूप मे स्थापित ह्याति रे कारण शिशुपाळ समेत उण रा सैनिक उणा ने अति साधारण कर ने देखे जिकळं होज वे कृष्ण री वीरता सूं युद्ध मे पराजित हुयग्या। हरण रे कारण जिका विवाह सम्पन्न हुवै वो राक्षस विवाह कह्यो जावै। ऐहो विवाह-संस्कार स्थायी संस्कारा रो अनुपालन कोनी करै। कवि रे मन मे आ कुष्ठा भी ही।

कथानक में कवि दण प्रकरण सूँ हट कोनी सकियो है । हरण रे पछे जइ यमुदेव देवकी विवाह रे वास्ते पण्डितां ने बुलावे तो वे भी डरता-डरता ई बात ने प्रकट करे के एक ही बीनणी सूँ बार-बार हथल्लेवो कीयां हूय सके । बंधूके हथल्लेवो तो हरण री वास्त होज हूयग्यो । दण वास्ते वे हथल्लेवा ने छोड़ ने बाकी रा सारा संस्कारां री होज इजाजत देवें—

वेदोगत धरम विचारि वेद विद

कंपित चित लागे कहण

हेकणि सु-ग्री सरित किय होवइ

पुनह-पुनह पाणिग्रहण ? ॥ १४८ ॥

इण कथन सूँ ओ साफ हूय जावे के पृथ्वीराज री स्वाभिमान एक कनी सो दूसरा री अधीनता मानणो कोनी चावतो तो दूजो तरफ वो हरण ने हरण हीज मानतो इण वास्ते वो मन में आशंकित भी हो । पण उण री भजवूरी ही के कृष्ण ने छोड़ ने वो आपरे अंह री लुट्टि दूजी जागां कोनी कर सकतो हो । और कृष्ण रे जीवन में उणने रुक्मणी री प्रसंग होज निजर आपो जिकाने आधार बणाय ने आपरी बात केय सकतो । जिका सूँ वो कया री ओ रूप हीज प्रकट कियो है ।

इण विवेचना री निष्कर्ष ओ हीज है के बेलि कृष्ण रुक्मणी री वस्तु री मूल प्रयोजन न तो शृंगार भावना री प्रदर्शन करणो हो ने न भक्ति भावना री । वो तो एक राजपूत री हृदय राखतो हो ने उणी अभिव्यक्ति रे वास्ते वो राजस्थान री कवि परम्परा रे अनुरूप वीरता अर तेजस्विता ने घोखी तरेऊं प्रकट करणी चावतो हो । 'पृथ्वीराज रासो' में ज्यूँ युद्ध रे समय नायक री युद्ध वीरता री प्रदर्शन है ने शान्ति री टेम उणरो काम वीरता वर्णित की गई है उणी तरऊं 'बेलि' में भी शृंगार भावना नायक री काम वीरता रे वास्ते हीज वर्णित हुई है ।

'बेलि' रे वस्तु सौंदर्य रा आधार तत्व—बेलिकार री काव्यकला री सबसूँ बड़ी बात उणरा वस्तु विन्यास कला रा घणां सारा आयाम है । उणां मायने सूँ शृंगार अर भक्ति भावना री चर्चा ऊपर की जाय चुकी है । पण फेर भी उणरी वस्तु री वे दूजी बातां ने सामने राखणो भी जरूरी है जिणा रे कनी समीक्षकां री या तो ध्यान ही कोनी गयो है या बहुत थोड़ो गयो है । उणां में वस्तु री प्रबन्धात्मकता अर उणरी नाटकीयता री चर्चा करणी जरूरी है । अठे 'बेलि' रे कथानक री वे बातां होज सामी लावण री कोशिश करीजी है ।

बेलि री प्रबन्धात्मकता—'बेलि' ने खण्डकाव्य री सजा दिरीजी है । साकां पोड़ी ज्यादा भावुकता मे आय ने 'बेलि' ने महाकाव्य घोषित करण री पया

'बेलि' री वस्तु सौंदर्य : एक पुनर्मूल्या

है। पण आज तक प्रबन्ध काव्य री एक मांची रचना रे रूप में बेलि रो मूल्याकन करीजियो कोनी है। प्रबन्धात्मकता रो निर्धारण किया बिना रचना ने खण्डकाव्य या महाकाव्य केवणो घणी समझदारी रो काम कोनी है। क्यूंके ऐडा प्रयास दरअसल आलोचक री पूर्वधारणावा ने स्थापित करण रा मोटा प्रयास हीज हुया करे। वे धारणावा कृति सूं न्याय करण री जांगा उणरो अहित हीज अधिक करनी निजर भावे। इण वास्ते 'बेलि' री प्रबन्धात्मकता री चर्चा करणो जरूरी है।

शुबलजी प्रबन्ध रा तीन लक्षण निर्धारित किया है—मामिक स्थलां री पहचान, पूर्वा पर सम्बन्ध निर्वाह ने स्थानीय रंगां रो समावेश। ऐ तीनऊं बातां बेलि री वस्तु री सौंदर्य अर प्रबन्ध पटुता री भी चोगी आधार है। अठे उणां री चर्चा करणो जरूरी है।

बेलि रा मामिक स्थल—प्रबन्धकाव्य कथा रो ज्यूं रो ह्यू इतिवृत्त हीज कोनी हुवे। अगर कवि कथानक री स्पूलता रे मांयने सूं कल्पना कर ने कुछ ऐडा प्रसंग उठाय कोनी सके जिका के उण री वस्तु ने हृदयस्पर्शी बणाय देवे तो उण स्पूलता सूं दब'र काव्य री सुन्दरता नष्ट हूय जावे। बा लय, गति आदि रो पालण करण वाला कविता तो बण जावे पाठकां रे हिवड़े रो हार कोनी होय सके। काव्य रो ऊंचापणे रो आधार वस्तु रा मामिक स्थल हीज हुया करे। 'बेलि' री कथा ह्यास कथा माये टिकियोड़ी है। इण वास्ते कवि रे सामने कथा रो ढांचो पैला सू हीज गढयोड़ो हो। भागवत री कथा सूं कथानक लेख'र भी कवि उण रे मांयने मामिकता रे अनुसन्धान री चेष्टा कीनी है। उण रो सुन्दर नमूनों रुक्मणी री व्यथा ने प्रकट करण वाला सन्देश में देखीजे है। कृष्ण रे गुणा हे सूं रीभियोड़ी रुक्मणी शिशुपाल रे साथे खुद रा विवाह ने सिंह रा हिस्सा ने सियार ने ग्वावण रे रूप में देखने उणां ने सन्देश भेजे है—

बलि-बन्धन भूभ, सियाल सिंघ बलि

प्रासइ, जउ बीजउ परणई

कपिला धेनु दिन पात्र कसाई

तुलसी करि चंडाल तणई ॥55॥

इणी तरऊ देवपूजन रा प्रसंग अर युद्ध रा वर्णन मे शृंगार रे वास्ते पङ्क्तु वर्णन भी प्रभावशाली है। इण रे वावजूद सारा ग्रन्थ मे मामिक स्थलां रो अभाव हीज देखीजे। वस्तु में वर्णनां री भरमार है ने कहानी मे मौलिक उद्भावना होवता हुवा भी इण में मन में हीज वस्योडा रे जावे ऐडा प्रसंगां री कमी है। कवि री दृष्टि वस्तु ने अभिव्यक्त बणावण री अनिस्पत उणने राजस्थानी बातां ज्यूं कोरी कोरी कह देवण ने कनी जादा है।

बेलि में पूर्वापर सम्बन्ध की निभाव—मुख्यतः काव्य में अर्थ की आत्मनिर्भरता दूया करे पण कथा ने व्यवस्था देवण रे वास्ते प्रबन्धकाव्य में वस्तु की निरन्तरता होवणी जरूरी है। ऐड़ी रचना में कथा रे सूत्र में पिरियोडा छन्द आगला छन्द मूं बधोड़ा रैय नें उण बात ने हीज आगे बढ़ावें। 'बेलि' रो वस्तु व्यवस्थापन राजस्थान रा गेय परम्परा बांझा काव्या की भात है। तेड़ा काव्या में कवि रो भुक्ताव लोकतत्वा ने समेटण की ओर घणो दुबा करे। ऐड़ा प्रयासां में कथा रो सूत्र घणी बार टूट जावे या चोखी तरा मूं निभावीजे कोनी। ऐड़ा काव्या में कथा विधासां मूं आगे बढ़े पूर्वापर सम्बन्ध निर्वाह मूं नही। आ बात 'पृथ्वीराज रासो' में भी दीये है ने 'बीमलदेव रास' में भी। अठे तक के 'ढोला मारु रा दूहा' में भी है। पण ऐड़ा काव्या में कहानी में रंग रह जावे जिणा ने पाठक आपरी पूर्वं जानकारी मूं या आपरी खुद की उर्वर कल्पना मूं भर लिया करे। फेर भी आ बात लोक काव्या की कथा में जादा नही छटके। पण जदं प्रबन्ध की दृष्टि मूं वेणीं मूर्त्याकन की बात उठे उठे ई प्रवृत्ति ने दोष की मज्जा हीज दोरीजी जाय मके। ब्यू के कथा रो जाणकार पाठक सो तेड़ी चेष्टा कर मके पण जिको के उणरो जाणकार कोनी है उणरे वास्ते वस्तु रे क्रम ने निभावणी भारी पड जावे। ऐड़ी अनिरन्तर कथा ममन्वित छाप छोड़न में ममर्थ कोनी होय सके। 'बेलि' की वस्तु भी ई दोष मूं अलग कोनी है। इण में कथा रो सूत्र इत्तो पतलो है के उण रे आधार माये कवि की प्रबन्ध पटुता निरूपित कोनी की जाय सकें। ई में कथा निर्व्याज ढग मूं बधोड़ी लीक माये कोनी चाले जदके प्रबन्ध रे रूप में ऐड़ी होवणी जरूरी हो।

स्थानीय रंगों की समावेश—प्रबन्ध काव्य में उगम्वित प्रमंसा रे अनुरूप स्थानीय रंग या लोकल कलर रो निभावणो जरूरी है। 'बेलि' में लोकतत्व रे आधारों रे कारण स्थानीय रंगों रो समावेश इत्ती चोखी तराऊ दुयो है के इण बारे में की भी केवणो पेला केयोडा ने दुबारा दोहरावण की बात हीज कही जाय सके।

'बेलि' की प्रबन्धात्मकता रो सांगोपांग विवेचन करण मूं आ बात साफ हूय जावे के इण मांय वस्तु की प्रबन्धात्मकता रो सूत्र थोडो फीको ही है। इण रा मर्म-स्पर्शी यर्णता की कमी ने वर्णनजनित म्यूसता रे कारण इण ने घणो सराहनीय दरजो नी दीयो जाय सके। पण ऐ वाता कवि की लेखनी की कमी रे कारण साम्ही नी आई है। ऐ दोष कवि रा सप्रयोजन उकेरियोडा दोष है। ब्यू के वो कोरी प्रबन्धात्मकता रे प्रति हीज समर्पित होवण रो जाया एकाधिक वातां ने खुद रे काव्य रो निरूपण वणावणो जायतो हो। जिण सृजण काव्य की वस्तु में मामिकता रो अर भाग पटुता रो जरूर हास हूययो है।

वस्तु की भाटकीयता—बेलि की आधिकारिक कथा में नाटकीय रंगों की समावेश इण रे मोदय ने इणी तराऊ बढ़ावना दीये है। फेर भी निरूपण में

कनी घणों ध्यान कोनी दियो है। डा. नरोत्तमदाम स्वामी बेलि रे वस्तु व्यापार मे टणरी भलग अनलग कार्य री अवस्थावां रो जरूर वर्णन कियो है पण वस्तु रा ड्रेमेटिक प्रगंग ने अर उणां रा लाभकारी परिणामां कनी बे भी कोनी देखियो है। आधिकारिक वस्तु रे कार्य या फन रे रूप में अगर रक्मणी री अभिलाषा ने गिणां तो फलागम भी बीने हीज होवणो चाहिजे। कार्य री जुदा-जुदा अयं प्रकृतियां बी रे विकास री जानकारी देवें है। बीज मू लेय ने कार्य री अवस्था तक री हीज उल्लेख होवण सूं हीज वस्तु रो नाटकीय व्यापार सम्भव हुय सके है। 'बेलि' री कथा मे अगर रक्मणी रे पण लिखण री बात मे वस्तु री प्रारम्भ अवस्था गिणां तो पछे कार्या-वस्था री दृष्टि सूं कार्य री सिद्धी भी बीने हीज होवणो चाहिजे। इण वास्ते जदे वस्तु व्यापारां मे देखा तो कृष्ण सूं विवाह हुयां पछे गर्भधारण ने फलागम मे देखणो पड़े। पण प्रयत्न पक्ष मे एक बार सचेष्ट हुया पछे रक्मणी घणी सन्निय कोनी रेंवे। दूजे कनी कृष्ण हीज दरअमल रक्म जेडा प्रति नायक सूं जूझे ने रक्मणी रे साथे विवाह रे रूप मे फलागम वने हीज हुवें। अगर इण ने प्रमाण माना तो कृष्ण ने सन्देश मिलने मूं पेला री कथा आरम्भ अवस्था मे कोनी राखीजे ने इण दृष्टि मूं निरर्थक ही ठहरे। इण वास्ते कथा मे प्रारम्भ मूं लेय ने फलागम रा वस्तु व्यापार न तो पूरा पूरा रक्मणी रे प्रयासा मूं सिद्ध हुवे ने न कृष्ण रे क्रिया व्यापारां सूं हीज। कवि वस्तु री इण दशा मूं परिचित हो जिकऊ वो वस्तु रे शीर्षक रे प्रति सचेत रियो है ने ग्रन्थ ने 'कृष्ण रक्मणी री 'बेलि' नाम दियो है। ओ हीज कारण है के इण री वस्तु मे आधिकारिक कथा रा सगळी व्यापार उभयपक्षी है। इण वास्ते काव्य री वस्तु री आ एक बहुत बड़ी त्वासियत है के आ एक खास नाटकीय रूप री सिद्धि कर सकी है।

'बेलि' री वस्तु मे इवेन्ट्स या घटनावां रो अभाव है। वेणी जगां ध्योरेवार वर्णना री भरमार है। इण प्रवृत्ति रे उद्गम री खोज करती टेम आ बात तानी आवें के ऐ विशेषतावा उण काल री बे सारी रचनावा मे देखी जाय सके है जिकी प्रेम ने आधार लियोडी है। ज्यूं जायसी रे 'पद्मावत' री प्रेम कहानी में वर्णन बहुलता है ज्यूं हीज बीसलदेवरास मे भी विवाह वर्णन, ऋतु वर्णन आदि री बहुतायत है। ऐड़ी सारी रचनावा रे मायने लोकतत्वां रो मोकळो आधार है ने ऐड़ी रचनावां मे हीज घटनावां मे नाटकीयता रो चरम रूप सामने आयो है। भले ही ऐडो कारण सूं ग्रन्था माय अस्वाभाविकता आयगी है। पण वस्तु री चमत्कारिकता अर नायक री प्रभावशालिता घणी उभर सकी है। 'बेलि' री कथा मे भी ऐ बातां उभरने सामी आई है। ओ सगळी नाटकीय सिद्धिया अर लोकतत्वां रा आदर्श 'बेलि' रे रचनाकार री उण इच्छा कनी सकेत देवें है के कवि आपरी रचना ने कोरी प्रबन्ध री सीमा मायने बांध ने देखणो कोनी चावतो हो। वो तो कई बाता ने समेट ने खुद री बात ने न खुद रा चरित नायक रे शौर्य री बात ने कवणी चावतो हो।

निष्कर्ष—अन्त में ऊपरला सारा पुनर्मूल्यांकन की विवेचना ने समाप्त कर ने पृथ्वीराज राठीड की 'वेलि' के वस्तु रा सौन्दर्य के बारे में आ बात स्थापित कर मरा के इण की सुन्दरता कोरी उण बात में हीज कोनी है के आ एक शृंगाररस प्रधान चोखी रचना है, के इण में भक्ति भावना चोखी तरा मूं भरयोड़ी है, के इण में राजस्थान की जातीय विशेषतावां अर लोकतत्वा रो सुन्दर समावेश कियोडो है, के इण में खण्डकाव्य रो सुन्दर नमूनो पेश हूयो है, वत्के इण बात में अधिक है के इण की कथा में कवि आपरे स्वाभिमान अर शौर्यवृत्ति ने बड़ी चतुराई मूं निभाय सकियो है। उण के सामने राजनीति की, तत्कालीन समाज की, हरण काव्यां की ने स्वयं नायक के स्थापित स्वरूप आदि की धनी सारी दिक्कता ही। वो ऐ सयां ने पार कर ने वेलि की कथा बम्नु ने सजायो है। इण वास्ते हीज 'वेलि' एक अमर रचना है।



(जागतीजीव में प्रकाशित)

राजस्थानी री जूनी पाण्डुलिपियाँ री विवेचना

जूनी पाण्डुलिपियाँ रा सम्पादन रे बास्ते कीयोड़ी कोशिशां ने दो वर्ग मायने बाट ने देख्यो जाय सके है—पेलड़ो पोथी रो उद्धार करण री उपकार-भावना अर हूयजो स्तुतिकरण वाली मोह भावना । पेलड़ी भावना मूं भरियोड़ी कोशिश रे माय सम्पादक री चेष्टावां उण रे इण घमण्ड मूं भरियोड़ो रहे के वो पोथी रो सम्पादन कोनी करने जाणे उण रो उद्धार कर रह्यो है । इण बास्ते पोथी रे साथे न्याय करण री जागा वो इण घमण्ड ने मन मायने पोषिया करे के उण सू पेला किण भी पारखी पोथी री महिमा कोनी पहिचाण मवयो हो । अर सेगा मू पेळी ऐंडो कर ने वो एकण कनी पांठका माथे एहसान कर रह्यो है दूजी कनी पोथी रो सम्पादन कर ने कवि रो उपकार कर रह्यो है । ऐंडी कोशिशां माय पोथी री उपलब्धियां उण रो खुद रो अर्जित हक नी दैय ने सम्पादक मूं कीयोड़ी अवसर री उपकार नेतना बग जावे ।

जव के दूजी फोटि रा सम्पादक जलम भोम रे आकर्षण रे कारण या निज्ज भापा रो कवि होवण रे मोह रे कारण या ऐंडा हीज दूजा कारणा सू कवि रे सामे अपणापो मेहसूस करे । इण कारण वो कवि अर पोथी सू थ्रडा भाव सूं हीज जुड़ियोडो रेंवे । पोथी री हर ओळी ने गरिमापूर्ण मान र वो पोथी री तारीफां ने सामी लावण री हीज कोशिशां करतो रेंवे । इण बास्ते सम्पादन कला रे नाम माथेवो उण रा दोषांने दूर करण में अर आपरे हिमाव मूं उण में सुधार करण री कोशियां करतो रेंवे । खुद आगे आय ने ओ सम्पादक मूरखपणा मूं पाठ मू छोड़छाड़ करण लाग जावे । गैर जरूरी प्रसंगा ने घेटण रे रूप में, अर दोषांने मिटावण रे रूप में मूल पाठ रे मायने घट-बढ़ करतो रेंवे । होमर रे काव्य रो पेलड़ो सम्पादक जेनोडोट्स भी पोथी रो सम्पादन करती गृह्ण्णा आपरे कनी सू होमर रा लम्बा प्रघटका ने काट' र फैंक दीनो, दूजा प्रसंगा ने मनमानी सूं बदल दियो । ओ सारो कारज वो इण तरां मू ठीक कीनो जिया वो आपरी खुदरी पोथी में करतो (विलियम स्मिथ-डिविशनरी ऑफ ग्रीक एण्ड रोमन बायोग्रेफी एण्ड मायसोलोजी) राजस्थानी री प्रसिद्ध पोथी 'पृथ्वीराज रासो'रा बार-बार संस्करण रे मिळण रो भी कारण सम्पादका रा आपरा दायित्वा रो उल्लेखन हीज है । 'वीसल देव रासो' रा सम्पादक माताप्रसाद गुप्त भी खुद रा तय किमोडा सिद्धान्ता सूं भिनियोडा अधिकारां रे

आधार माये सत्यजीवन वर्मा मू सम्पादित पोथी रो मोटा आकार ने काट छाट ने पोथी ने लघुकाय बणाय दीयो ।

‘वेलि’ रा सम्पादन री चर्चा करण सू पेला इण दो वर्मा रा सम्पादन कोशिशों गे जाणकारी जरूरी है । आपाणे वास्ते आ परम सौभाग्य री बात है के ‘वेलिक्रिसन रुक्मणी री’ रा पेना सम्पादक श्री एल. पी. टेस्मीटरी इण रा सम्पादन करती ब्रह्मा दोनऊँ अतिया मू बच ने सम्पादक रे वास्ते अपेक्षित लाग लपेट हीनता मू इण रो सम्पादन कियो है । अर टेस्मीटरी मू कियोड़ी पेसडी चेष्टावा रे कारण होज उण रा पाछीला सम्पादक ठाकुर रामसिंह अर मूर्यकरण पारीक आपरी निजर मांय स्तुति करण रो भाव राख’ र भी इण रे कनी र्घज्ञानिक दृष्टि सूँ होज आगे बढ सवया । मायइ भोम री रचना हूयण री मोहान्धता ने पाळ ‘र भी ‘वेलि’ रे मूल पाठ मागे मनमानी को कर सवया ।

‘वेलि’ रे सम्पादन री इतिहास—अजे तई ‘वेलि’ रा खास छै सम्पादित रूप सामी आय चुका है । टेसीटरी सूँ इण रो सम्पादन कियो पछे हिन्दी अर राजस्थानी मांय हीज इण री सम्पादन चेष्टावां कोनी हुई बरन् श्री नटवर इच्छाराम देसाई सूँ 1955 ई. में गुजराती भाषा तक मे इण रो सम्पादन कियो जाय चुको है । हिन्दी रा अजे तई रा प्रयासों मांय श्री टेस्मीटरी रो प्रयास जिको के रायल एशियाटिक सोसायटी सूँ 1919 ई. में छप्यो, श्री मूर्यकरण पारीक अर रामसिंह रो प्रयास जिका के हिन्दुस्तानी एकेडमी मूँ 1931 ई. में छप्पा अर श्री नरोत्तमदास स्वामी रो प्रयास जिको के श्रीराम मेहरा एण्ड कम्पनी, आगरा सूँ 1953 ई. में छप्पो खास महातम राखे है । ‘वेलि’ सम्पादन रे प्रयासों ने परखण सारू ऐ तीन रूप हीज विशेष विचारणजोग है ।

टेसीटरी सूँ बीयोड़ो पाठ—टेसीटरी आपरा सम्पादन प्रयास रे मांयने उपलब्ध होअण बाळी आठ पाण्डुलिपियां रे अलावा दोय राजस्थानी री अर एक संस्कृत री टीकावां रो उपयोग आधार सामग्री रे रूप में कियो है । उण री सम्पादन रीति नीति रे मांय पाण्डुलिपियां सूँ भी मोकळो महातम उण टीकावा रो निजर आवे है जिणां ने वो काम सुरू किया सूँ पेला हीज प्राप्त कर चुको हो । इण सध्य ने वे खुद स्वीकार कियो है । इण टीकावा रे मांय टेसीटरी पोथी री भरोसेमंदगी पायी ही क्यूँके ऐ तीनऊँ ‘वेलि’ रे रच्या रे पचास बरसां मांय मांय होज लिखीजयी ही (अर्थात् सवत् 1637 + 50 = 1687 सूँ पेला पेला ऐ टीकावा सामी आय चुकी ही) अर इण वास्ते पूरी तरा सूँ विश्वस्त कोनी होवतां बकां भी टेसीटरी ओ भी माने है के ऐ तीनां मांय सूँ एक या दो तो खुद पृथ्वीराज रे जीवतां बकां हीज लिखी जाय चुकी हो । जिण मांय मू पेसीवाळी नूँडाडी टीका रे लिखी जावण री सम्भावना

वो सबत् 1673 मूं पेना-पेना किया करे। हानाके ओ मवाल अणमुळभियोडो ही रं जावे है के कवि रे मुद रे जीवणकाल मांय लिखी जावण भर सूं हीज वे प्रमाणिक नीया हू जावे है ? म्हाणी उण धारण री पुष्टि इण बात मू भी हूय जावे है के उण रे जीवणकाल मांय ही टीकावा रे निगोत्रण रे बावजूद पोथी रो असल रचना-काल अजे तर्ज निर्धारित कोनी हू सबयो है। टीकावां रो आपसी अंतविरोध इणां ने राजस्थानी रा जूना साहित्य रे माथे नगायो जावण वाळो प्रश्नचिह्न 'अप्रामाणिकता या असंदिग्धता' रे आरोप सू बचाय'र कोनी राख सके। इण वास्ते वे मूल पाठ रा निरधारण खातर सहायक कीकर हूय सके आ बात इण विवेचन सूं आपो-आप खड़ी हूय जावे।

उपलब्ध हूवणवाळी सगळी टीकावां, पाण्डुलिपिया मांय सूं टेसीटरी उगूणे राजस्थान मांय लिखियोड़ी दूढाड़ी टीका ने हीज सेगा सूं ज्यादा प्रमाणिक मानी ही। अर 'बेलि' रा लारला सम्पादकां भी टेसीटरी री चेष्टावां माथे निर्भर रेय'र सम्पादन रो कारज कियो है। इण सू आ सिद्ध रहे है के आज जिण रूप में 'बेलि' आपा ने मिले है उण रो मूल पाठ रे रूप में उगूणे राजस्थान में लिखियोड़ी दूढाड़ी टीका हीज पोथी री पाठ ने तय करणवाळी पाण्डुलिपि सिद्ध हुवे। पण टेसीटरी खुद (उण माथे पूरी तरा सू निरभर रेवतां धकां भी) उण टीका सूं जाणें पूरा निश्चित कोनी हुवे। उणां री आ बात ओ इशारो करे है के इण टीका में वे मोकळा पट-मट पायो हो अर जठे उणां ने की भी अस्पष्टता दीसी उठे वे खुद आगे आय ने संसोधन कीयो है। टेसीटरी री इण भांतरी सफाई इण तथ्य कने आपां ने ले जावे है के जिण नीब माथे 'बेलि' रे सम्पादन रो आलीशान महळ खड़ो है उण दूढाड़ी टीका रे मांयने हीज थोड़ी बोट ऐडी कमजोरिया है जिकी के 'बेलि' रो मौलिक पाठ सूं आपा ने छेड़े करतो जावे।

टेसीटरी री सम्पादन कला री एक और कमजोरी भी है जिण कनी आपारो घमान खेचणी खातर पारीक जी आपरी पोथी री भूमिका मांय केहो है— 'आपां ने स्वर्गीय डा. टेसीटरी रो धन्यवाद करणी चाइजे के जिका पेलापोत 'बेलि' री महिमा सू 1917 ई. मांय मूल पोथी छपवायी अर उण री एक सारगर्भित भूमिका भी लिखी। पण डा. टेसीटरी डिगल भाषाशास्त्र रा आघा पढ़दा नोट देयर छोटी सी भूमिका भी लिख दीनी इण सूं वे साहित्य प्रेमियां री उत्कण्ठा तो बढ़ायी पण साथे सागे इणा रे मना मांयने आ अशका भी भर दी के साथत इण काव्य ने औरूं सरल अर भणनजोग बणावणो मुश्कल है।' (भूमिका पृ. 52) पारीक जी री आ बतळावण टेसीटरी रा उण दोष कनी इशारो करे जिण ने म्हे इण निबन्ध रा सुरु-पोत में हीज पोथी रो उद्धार करण री उपकार रे भावना रे रूप में मांडियो है।

उपरला विवेचन सू इण वास्ते आ बात सामा आव हक टेसीटरी रो सम्पादन कोशिशां पूरी तरां सू निभ्रान्त कोनी है। इण कारण उणारी कोशिशा रे बावजूद दूजी ओरू कोशिशा री भी जरूरत महसूस हुई अर इण कारज ने हाथ मे लेवण रो श्रेय ठा. रामसिंह अर श्री सूर्यकरण पारीक ने है।

हिन्दुस्तानी एकेडमी सू प्रस्तुत कियोड़ो पाठ—ठा. रामसिंह अर पारीक जी 'बेलि' रा मूल पाठ तई पहुंचण री खातर चार हस्तलिखित पाण्डुलिपियां ने अर टेसीटरी री रायल एशियाटिक सोसाइटी मू छप्योड़ी पोथी ने आपरी आधार सामग्री बणायी। इण वास्ते ऐ दोनुई 'बेलि' रा पाठ सम्पादन मू पेलाहीज आपरो ओ मानस बणाव चूका हा के उणां ने इण पांच पाठ सामग्रियां मांय सूं हीज मूल पाठ खोजणो है। पण ऐ पांचऊ रे माय ने मोकळा पाठ भेद देख'र इणा भी टेसीटरी रे जिया हीज पाठ सम्पादन रा वैज्ञानिक तरीका ने अपणावण री जागां निज रे निर्णय ने मोकळा महत्व दियो है। इण वास्ते जदे पाठ सम्पादन रो काम करतां ऐ लोगां रे सामी उलझण पंदा हुई उठे ऐ लोग निज रा विचारा ने हीज पाठ सम्पादन रो आधार बणाय दियो। उणां खुद केयो है—'म्हाणी सुविधा सू म्हां लोगा ने जिको पाठ सेंगाऊ सरल अर उपयुक्त लाग्यो उणीं पाठ ने इण पोथी मे स्वीकार लियो है। बाकी पाठान्तरा ने जिज्ञासू पाठका री सूचना अर मनन रे वास्ते अठे पेलड़ा दोहला रो नम्बर देय ने अलग सू भांड दियो गयो है।' (पृ. 273) इणा री आ बतळावण दोनऊ सम्पादका री ईमानदारी ने तो उजागर करे पण इणने वैज्ञानिक कोशिश कोनी केह्यो जाय सके। सम्पादन री जिम्मेदारी ने 'सुविधा' रे रूप में नी लेवणां चाईजे। इण रे बावजूद इणा री कोशिश इण खातर महत्व राखे है के ऐ लोगां खुद री सुविधा सू भी जादा पाठका री सुविधा री बात ने जादा तर्क संगत ढंग सू सामो रखी है। ऐ लोगां इण तथ्य ने नी भुलाय सक्या के 'बेलि' री भाषा साहित्यिक ढिगल है जिकी के विलष्ट ब्रुवण रे कारण हिन्दी बाळा रे वास्ते हीज दोरी कोनी हव खास राजस्थानी भाषा जाणन बाळां रे वास्ते श्री आसानी सू समझण जीसी कोनी है। (पृ. 50.)

ऐ दोनऊ सम्पादका री कोशिश मोकळा कारणा सू उल्लेख जोगी कोशिश बन सकी है। सेंगां सू मोकळा उल्लेख जोगी बात आ है के इणां आधारभूत सामग्री री प्रमाणिकता ने जाचणीं जरूरी समझियो हो। जिकी पांच प्रतिमां रे आधार माये ऐ लोगां पाठ निर्धारण कीयो हो ऊणां रे वास्ते ऐ कह्यो है के—'वास्तव रे भाव वे हीज प्रमाणिक प्रतिमां रेह्यो है। निर्माण काल रे हिसाब सूं भी वे प्रतिष्ठित अर प्रमाणिक समझीजी है।' (पृ. 273) इण वास्ते ऐ लोगां पूरी तरां सू टेसीटरी रे पाठ माये हीज टिकयोडा कोनी रेह्यो है दूयजा पाठान्तरां रो लाभ भी उठायो

हों। पण टीकावा अर हस्तलिखित पाण्डुलिपियाँ रे प्रामाणिकता रो कोई ठोस पंमानो ऐ कोनी दियो है। कोरी मोरी जूनी होवण री बात ने हीज ऐ पोधी रे प्रमाणक हूवण रो आधार मानियो है—'म्हाणी जाण मे तो मेंगां सू जूनी टीका हीज मूलार्थ रे विषय माय प्रामाणिक केह्यो जाय सके है नमूके समसामयिक हूवण रे कारण अपने आप हीज वा 'बेलि' रा भांवा ने जादा सफाई सू समभावण मे सिमरथ हूवणी चाडजे।' (पृ. 51) समसामयिकता ने हीज यू प्रामाणिकता रो एकलो कारण मानण रो भरम टेसीटरी भी पाळ चुका हा। इण हिसाब मूं ऐ दोनऊ सपादक भी उणीज बात ने पुष्ट कर ने आपरी सम्पादन कला री कमजोरी खुद हीज प्रकट कर दीवी। खासतौर सूं उण टेम जदे के ऐ दोनऊ सम्पादक भी ढूँडाड़ी टीका री मोकळी कमजोरियां जाण'र भी उणा ने सिरफ चलताऊ ढग सूं प्रकट कर दी है। ऐ दोनऊ सम्पादक मारवाडी अर ढूँडाड़ी दोनऊ टीकावां ने पृथ्वीराज री जीवनवेळा री हीज रचनावा मान'र भी ढूँडाड़ी टीका ने मोकळो महत्त्व दीयो है। उणां रे हीज शब्दा मांय 'ओ भी सम्भव है के ढूँडाड़ी अर मारवाडी दोनऊ टीकावां कवि रे जीवन-वेळा में हीज बणगी व्हे, पण वे है दोनऊ भुतंतर अर उण दोनो मांय भी ढूँडाड़ी टीका जादा जूनी अर प्रामाणिक जचे है।' (पृ. 52) म्हा रे जाण तो इण आधार सामग्री रे निरधारण रे वास्ते ऐतिहासिक, भाषा-बैज्ञानिक अर साहित्यिक परम्परावां री तुल्य भावनावा माये घणों ध्यान देवणो चइजतो कोरो भरोसो प्रकट कर देवण भी सू हीज पाण्डुलिपियाँ प्रामाणिक को हूय जावे।

इण दोनां री सम्पादन चेष्टा टेसीटरी रे ज्यू छोटी टिप्पणिया अर थोड़ा दोत पाठ भेदा भर सूं ही जुड़'र पूरी कोनी हूयगी है। इणां गम्भीर चेष्टावां वाली सम्पादन कला दरसायी है। इण लोगां पोधी री साम्बो भूमिका रे रूप में कवि रे व्यक्तित्व री टीका रे अलावा 'बेलि' री टीकावा, उण रो नामकरण, उण रो प्रतिपाद्य निरूपण आदि रो भी मोकळो प्रयास कियो है। सम्पादन रे कर्तव्यां रे पालन सारूं ऐ 'बेलि' रा मूल पाठ रे अलावा सगळा पाठान्तरा ने उणां रा हिन्दी नोट ने, शब्दकोस मेलण रे सागे-सागे सेंगां सू उल्लेख जोगो कारज ओ कियो है कि इणां बेलि री ढूँडाड़ी अर संस्कृत टीकावा ने पोधी रे सागे हीज छाप्यो है। इण सू इणारी सम्पादन चेष्टा घणी प्रामाणिक अर भरोसेमद बण सकी है। पाठान्तरा ने भी अलग सू उल्लेख कर ने ऐ आपरी कोशिश ने घणाखरी वैज्ञानिक बणावण मे सफलता पायी है।

श्री नरोत्तमदास स्वामी सू प्रस्तुत पाठ—श्री नरोत्तमदास स्वामी जद 'बेलि' रो सम्पादन कीयो उण टेम तई इणरा दोय संस्करण सामी आय चुका हा। इण वास्ते इणां रे सामी ज्यादातर वे दिक्कतां कोनी ही जिकी के आगला सम्पादका रे

सामी ही। इण वास्ते स्वामी जी जिको प्रयास कीयो है उण में पेलड़ापन री खोज चेष्टा नी हूय'र विश्लेषण करण री आलोचक री निजर मोकळी ही।

स्वामी जी 'बेलि' रे मूल पाठ रे मायने दोय मुद्दा उठाया है—ऐणा पेलो मुद्दो जिको के सम्पादन कला रे हिसाब सू धणो वैज्ञानिक है, ओ है के सांची अरथां माय 'बेलि' रा छन्दा री संख्या किती है। इणां पांच जुदी जुदी प्रतिमा रे आधार माथे 'बेलि' रा छन्दा री असली गिणती माथे सवाळ खड़ो करतां कह्यो है—'टेसीटररी री 'बेलि' मांय छन्दा री गिणती 305 है। रामसिंह अर सूर्यकरण पारीक सूं सम्पादित संस्करण रे मायने टेसीटररी रो हीज अनुकरण करियो गयो है। बाद में जिकी प्रतिमां मिळी (अर ऐ प्रतिमा 'बेलि' री सेंगां सूं जूनी उपलब्ध प्रतिमां है) उणां में छन्दा री गिणती 301 या इण सू भी कम मिले है। उक्त संस्करणा रो 305 वों पद्य जिण मायने रचना रो सबत् दियोड़ो है, निश्चे में प्रक्षिप्त है, जेड़ो के ऊपर बतायो जाय चूको है। 304 वों पद्य सांखला करमसी री क्रिसन जी-री बेलि मांयने भी मिले है। करमसी पृथ्वीराज सू पेता हूयो हो, अर क्रिसन जी री 'बेलि' री हस्तलिखित प्रति सबत्—1634 रो लिखी मिली है। इण वास्ते ओ पद्य भी पृथ्वी-राज री रचना कोनी जाण पड़े। संवत् 1969 रो प्रति रे मांय भी, जिकी के पृथ्वी-राज रे भतीजा भाणजी रे वास्ते लिखिजो ही, ओ पद्य कोनी मिले। पद्य सख्या 126, 127 अर 176 भी जूनी पोध्या में कोनी मिले। संवत् 1673 री सटीक प्रति मायने भी इणा री टीका कोनी मिले। सं. 1667 री प्रति मे ऐ पद्य हाशिया में लिखियोड़ा है। ऐ पद्य भी 'बेलि' रा मूल अंश कोनी है। इण वास्ते 'बेलि' रा पद्यां री सख्या 300 रैय जावे है।'।

जिकी दूदाड़ी टीका ने टेसीटररी अर थी पारीक जी पाठ निर्धारण रो आधार बणाया हो उण मांय सांची मे छन्द संख्या 126, 127 अर 176 री टीका कोनी कीयोड़ी है। अर ग्रन्थ री रचना ने परकट करण वाली आखिरी वो 305 वों छन्द भी कोनी है। इण खातर ई बात ने प्रमाण मान'र स्वामी जी इण तीनऊ छन्दा ने प्रक्षिप्त मान लिया है। पण हिन्दुस्तानी एकेडमी वाली प्रति में हीज ओ भी स्पष्ट किमो गयो है के 'संवत्-1673 री दूदाड़ी टीका में कोरा 290 दोहलां तक री टीका पायी जावे है अर इण सू आंग रा 14 दोहलां रो मूल पाठ दियो गयो है। टीका कोनी करीजी है।' (पृ. 815) इण वास्ते कोरी टीका कोनी की जावण रे कारण स्वामीजी पोधी रा 126, 127 अर 176 वा छन्दा ने प्रक्षिप्त मानिया है तो इणी मानता रे कारण आखिर रा 14 छन्दा ने भी, जिणां री भी टीका कोनी किमोड़ी है, प्रक्षिप्त मानणो चाईजे। पण उणां ने ओ मानण री हिम्मत कोनी हई। बयूं के ऐड़ो किया सू वे सगळा छंद प्रक्षिप्त हुय जावे जिणां में 'बेलि' रो

रूपक दियोडो है। अगर ओ रूपक हीज प्रशिप्त है, जिण री की काफी गुजाईस है, तो पछे 'बेलि' रा प्रतिपाद्य निर्धारण रे वास्ते आपाने नूवा सिरा सू सोचणों पड़ेला। इण रे बारे में आगे अलग सू चरचा करणों ठीक रेवेला अठे तो सिरफ आ बात मान लेवणों हीज घणों रेवेला के स्वामी जी भी पोधी रो सम्पादन करती गेला सांच मू दूर हटग्या है।

'बेलि' रे मूल पाठ रो निर्धारण—'बेलि' रे सम्पादन रे वास्ते कियोड़ी सगळी कोशिसां ने देख ने आ बात साफ हूय जावे के उगूणें राजस्थान मे लिखियोड़ी ढूँडाई टीका हीज 'बेलि' रा पाठ निरधारण रे हिसाब सू सेंगां सू मोकळो महत्व राखे है। डा. रामसिंह अर श्री सुयंकरण पारीक इण टीका ने आपरी पोधी में छाप'र तारीफ जोगो कारज कियो है। इण टीका रे वास्ते टेसीटरी ओ सकेत दियो है कि इण मांय मोकळो परिवर्तन अर संशोधन हूया है—अर हिन्दुस्तानी ऐकेडमी बाळा दोनऊ सम्पादक छंद संख्या 126, 127, 176 अर 209 सू लेयर 304 तक रा आखिरी 14 दोहलां रे वास्ते आपा ने सूचित किया है के टीकाकार उणा री टीका कोनी की है। स्वामी जी इणी तक रे आधार सू बेलि रा पांच छन्दा ने जाली मान'र उणा ने पोधी सू निकाल दिया है।

तीनऊँ सम्पादकां री चेष्टावा ढूँडाई टीका मांय टिकियोड़ा हावेता धका भी इण मांय मोकळी कमजोरियां हूवण री मोकळी सम्भावना देखे है। अस्तू, ढूँडाई टीका रे बारे में चोखी तरासू विश्वस्त हूया बिना 'बेलि' रो आज मिलन बाळा पाठ ने प्रामाणिक केय सकणो सम्भव कोनी अहै। इण वास्ते अठे उण रो थोडो सो विवेचन करणो जरूरी है।

टेसीटरी अर श्री पारीक दोनऊ ही इण ढूँडाई रो रचना काल सवत् 1673 माने है। ओ संवत् इणी दोनो री इण मानता री पुष्टि करे है के ऐ लोगां बेलि रो रचना काल (1637 सवत्) रे पचास सालां रे मांयने मायने उण री टीका भी सामी आय चुकी ही। पण ऐ विधिमां हीज टेसीटरी री इण धारणा ने गतत सिद्ध करे है के टीकावां पृथ्वीराज री जीवण बेला माय हीज सामी आय चुकी ही वयू के पृथ्वीराज री मृत्यु रो टेस सगळा विद्वाना एकमते सू संवत् 1657 बतलायो है। इण वास्ते जदे आ टीका कवि री मृत्यु रे पछे लिखी गई है तो पछे आ बात अधिकार सू को केही जाय सके है के आ टीका कवि री समसामयिक है। आ मान लिया पछे इण टीका रे वास्ते वो अटूट विश्वास कोनी रंवे के समसामयिक हूवण मात्र सू हीज आ प्रामाणिक भी है। इण वास्ते इण टीका ने अजे तई जिसी प्रामाणिक मान'र देखता हा उण तरीका सू नी दीख'र इण ने तटस्थ हूय'र देखणो चाईजे।

इण टीका सू खड़ी हूवण आळो दूजो सवाल ओ है के इण टीकाकार बीच बीच में थोड़ा सा छन्दां री टीका नयूं कोनी की है ? जेहो के पेलां साफ कीयो जाय चूको है कि— इण मे 126, 127 अर 176 वा छन्दां री टीका कोनी कीयोड़ी है। इणी भांत छद सख्या 291 रे पाछे रा भी सगळा छन्दा री टीका छोड़ दीवी है। स्वामीजी रे तर्का रे मुजब अगर आपा ऐ सगळां ने प्रक्षिप्त मान लेवां तो पोधी रे मुजब मोकळा नूवा सवाल खडा हूय जावे। उणा ने समझण सारू पेला कथा रा दीयोड़ा क्रम ने अर कवि सूं दीयोड़ी छन्दा री व्यवस्था ने समझणो जरूरी है।

पोधी मे कृष्ण अर रुक्मणी री कहाणी 278 वा छन्द माथे आय ने खतम हूय जावे। उण रे पाछे 279 वां छन्द सूं लेय 290 वा छन्द तई जूनी परम्परा रे मुजब पोधी री महातम बतलायो गयो है। उण रे पाछे 219 वा छन्द सू लेय ने 304 वा छंद तई 'बेलि' री रूपक दीयोड़ो है। 305 वें छन्द मे बेलि री रचना संवन् दीयोड़ो है। इण वास्ते जदे आपां बेलि रा सारला 15 छन्द प्रक्षिप्त मान लेवां तो इण री अरथ हां हूय जावे के बेलि री रूपक, प्रकट करणवाळा सारा छन्द फरजी है। अर इण रे पोधी सूं हटावण री अरथ ओ हूव के फेर पाछे इण रूपक सूं प्रकट हूअण वाळो आध्यात्मिक रूपक बेळि री मूळ स्वर कोनी रैय जावे। अर्थात्—बेलि भक्ति परक रचना नी हूय'र शृंगारिक रचना भर है। फेर पछे इण में धरम भावना दूवणों फिजूल व्हे जावे।

इण खातर पोधी रे वास्ते टीकाकार रा खुद रा मन्तव्या री ओळखाण करणों जरूरी है। बेलि री टीकाकार निर्च ही कट्टर धरम भावना री लेखक हो। इण री गवाही इण रे द्वारा कीयोड़ी टीकावा रा आखीर री छन्द (सख्या 290) देवे है। जिण मे कवि पृथ्वीराज सू गगा ने 'एकदर्शीय' अर बेलि ने सार्वदर्शीय रे बदबोलापण रे कारण उणां इणरी टीका तक कोनी कीवी है। आपरे हिसाब सूं टीकाकार कवि ने गगा री निंदा करतां देख'र उण ने माफ कोनी कीयो है अर टीका करण री जागां ओ लिख राख्यो है—'गंगा जी री निंदा करी छे। साकलियां या दुवाला को अरथ में नही लिख्यो छे' ऐही करड़ी धरम भावावाळो टीकाकार बेलि रा आध्यात्मिक पक्ष ने प्रकट करणवाळो रूपक ने क्यूं छोड़ दियो आ बात विचारण जोग है। म्हा री समझ में तो ओ रूपक पृथ्वीराज कोनी लिखियो हो। ओ हिस्सो प्रसिप्त है। इण वास्ते दूदाडो टीकाकार री अठे मौन व्हे जावणो जांच सकें।

बेलि रे प्रतिपाद्य री निरधारण—अगर आपां बेलि रा रूपक ने फरजी अंश मान लेवां तो पछे उण रे प्रतिपाद्य ने तय करण में मोकळी दिक्कतां खड़ी हूय जावे। जिण रूपक रे आधार माथे अजे तई बेलि ने भवित भाव री रचना मानियो जाय रह्यो हो वे मगळा तर्क भूटा पड जावे। अर आपां ने मजबूर व्हेय ने एक

श्रृंगारिक रचना मानणी पड़ेला । तदे आपां ने वेलि रा प्रतिपाद्य ने दूँदण खातर दूजा खोतां रो सहारो भी लेवणों पड़ेला । अठे वेड़ा तीन खोतां ने मांडणों अर विवेचित करणों जरूरी है जिणा रे आधार सूं कोई भी सम्पादक पोधी रे प्रतिपाद्य रो आसानी सूं निरधारण कर सके । वे बातें इण मुजब है—

- (1) दूजी पोथ्यां सूं 'वेलि' रा रूपक रो तुलना ।
- (2) कवि रे व्यक्तित्व सूं उण रो रचना दृष्टि ने पकडण रो चेष्टा ।
- (3) पोधी रा तात्पर्य निरणे रा आधारें सूं उण रे प्रतिपाद्य रो निरधारण ।

पोधी रे आखिर मे दिया जावणवाळा दूजा कविया रा रूपका सूं 'वेलि' रो तुलना कर ने उपरला तथ्यां ने परखियो जाय सके है । दूजा साध्यां सूं ओ माळम व्है के पृथ्वीराज रा पैला जायसी अर उण रा समकालीन महाकवि गोस्वामी तुलसीदास भी आप आप रो पोथ्यां माय कथा रो आध्यात्मिक रूपक दीनी हों । पण जठे तुलसीदास आपरा 'रामचरितमानस' मे दीयोडो मानसरोवर रो सात सीढ़ियां रो रूपक कथा रा प्रामाणिक आध्यात्मिक भरोसो दिरावे है उठे जायसी रे 'पद्मावत' रे आखिर में दीयोडा रूपक माथे विद्वानां मोकळा ऐतराज किमा है । 'वेलि' रा रूपक रो भी इसी हीज हाळत है । क्यूँके इण में सांग रूपक रो चौखी तरळ निभाव कोनी हूयो है अठे आ बात ध्यान देवणजोष है कि पृथ्वीराज आपरी इण पोधी मे मोकळा सांग रूपक खड़ा कीया है । जिणां में वसन्त अर शिशिर रो रूपक (229 सूं 238), युद्ध अर विरता रो रूपक (117 मूं 129) तो येजोड़ रूपका में गिणिया जाय सके । इण सूं ओ सिद्ध हूवे है के पृथ्वीराज रूपक चित्रण में मोकळो सिद्धहस्त हो । पण इण कवि रो आपरी पोधी रा खास रूपक चित्रण में गड़बड़ीज जायणों मोकळा सन्देहां मे पैदा करे ।

रूपका रे सम्बन्ध में एक ओरू बात माथे भी अठे ध्यान देवणां जरूरी है के पृथ्वीराज सूं पैला रा अर उणरा समकालीन जिण कविया 'वेलि' काव्य रच्यो हा उणां कोई भी पोधी रे आखिर मे ऐसी आध्यात्मिक रूपक कोनी दीयो है । सांगला करम सी रूपका रो 'किसन जी रो बेनी' (संवत्-1680 रे लगेटगे), चूडोजी रो 'बाणिक वेलि' (पृथ्वीराज सूं पैला रो पोधी), महेशदास रो 'रघुनाथचरित भवरम वेलि' (संवत् 1876), किसनऊ रो 'महादेव पार्वती रो वेलि' (1660 रे लगेटगे) इण सगळी पोथ्यां मे पोधी रे आखिर मे रूपक कोनी दीयोडो है । ऐ सगळी पोथ्या कथा रे महातम परकट करण रे सांगे हीज पूरी हूयमी है । इण वास्ते आ बात धिरपी जाय सके है के 'वेलि' ग्रन्थां रो परम्परा पोधी रे आखिर में आध्यात्मिक रूपक देवण रो दूजारी कोनी करे । 'वेलि' रो दूँडाही टीकाकार भी इण छन्दा रो टीका कोनी

करी है। इण सू ई विचार ने मोकली ताकत मिले के बेलि रा ऐ सारा छन्द प्रक्षिप्त हूय सके है।

कवि रो व्यक्तित्व—पृथ्वीराज रा व्यक्तित्व ने खड़ी करण मांय भी म्हेने राजस्थानी विद्वाना रो एक बोल बड़ी कमजोरी निजर आवे है। टेसीटरी सू लेय'र बेलि साहित्य माथे काम करण आळा टा. नरेन्द्र भानावत तई रा सगळा समीशकां, सम्पादका पृथ्वीराज रा व्यक्तित्व ने खड़ी करण खातर किंवदंतियां रो सहारो लीयो है। ऐ किंवदंतियां उणरा चरित्र रा दो पहलुवां—वीरता अर भक्ति भावना - ने स्पष्ट करण खातर भेली करीजो है। पृथ्वीराज रो वीरता अर निडरता ने सामी लावण रो खातिर राणा प्रताप ने लिखियोडो उणा रो कागद, आपरा बिद्रोही भाई रो (अकबर रो विरोध करने) समर्थन देवणो, नारोज रा मेला मांय पृथ्वीराज रो लुगाई सू अकबर ने फटकारणो, चारण डावड़ी राजबाई रो प्रकट हूय ने पृथ्वीराज रो लुगाई रो रक्षा रो खातिर शेरनो वण'ने अकबरकरने जावणां आदि किंवदंतियां ने आखिरी मांच मान'र विद्वाना पृथ्वीराज रो व्यक्तित्व खड़ी किया है। इण भात पृथ्वीराज रो भक्ति भावना ने दरसावण खातर प्रमाण रे रूप ने लक्ष्मीनाथ जी रो शोभा यात्रा रो कल्पना, आपरे मरण रो भविष्याणी, द्वारका यात्रा रो टेम खुद भगवान रो सेठ रा भेष मे आवणो आदि किंवदंतियो ने पूरो सांच थणाय दियो गयो है। पण किंवदंतियां रे आधार माथे मनघडन्त वाता ने तूल देवणां साची माहिष्टिक कोशिसां कौनी वण सके। असल में ओ कवि रसिक स्वभाव रो कवि हो। तीन-तीन व्याव करण रो प्रमाण अर माया रो सुफेद केस ने सोडती व्हेला लुगाई ने मूंडो फेर'र हमण रो व्हेला हिन्दी रा कवि केशवदास ज्यू हीज निराश हूय ने केवणो—

पोषक घोळा आविया, बहुली लग्गी खोड़
कामण मस्तगर्भद ज्यू, ऊभी मुख मरोड़।

आदि प्रमाण इण कवि ने शृंगारिक अभिवृत्ति आळो कवि मिट्ट करी। पोषी ५५५ में 'बेलि' रो आध्यात्मिक रूपक कवि रे व्यक्तित्व मू मेत पावणो गोपी पोषी ५५५ आपा इण तथ्य ने मान लेवां तो पाछे 'बेलि रो प्रतिपाद्य निमित्तान ५५५ हीज मिट्ट हुव'। अर यू दूढाडी टीकाकार सू रूपक प्रकट ५५५ बीजा छन्द रो टीका नी करण रो बात भी तर्क मू समझाई जा सके है।

बेलि रो तात्पर्य निर्णय—पोषी रो तात्पर्य निर्णय करणवाळा सिद्धान्त रे मुजब बेलि रो परख करण सू भी आ बात गाभी भावे है के इण कवि रो पोषी लिखण रो खास अभिप्रेत शृंगार रो पोषी गिनगो हो भक्ति रो लिखणो कोरो कयंके पोषी रे मुग्धोत में हीज वो केतो है—

राजस्थानी रो जनी वाण्टुनिपिनी रो बिने

मुखदेव व्यास जेदेव सरिका, सुकवि एक ते एक सन्ध
 ग्री वरणन पहिले कीजे, गूथिये जेणि सिंगार ग्रन्थ

आ बात कवि री शृंगाराभिमुखता ने प्रारम्भ में ही धरपे । पोथी रे विचाले
 कृष्ण-रुक्मिणी रा मिलण खातिर पडऱह्नुवां रो वरणन करीजियो है । पोथी रो नांव
 भी नायक नायिका रे प्रेम री बेल रे रूप में दिरीजियो है । ऐ सागळी बांता इण
 पोथी ने शुद्ध शृंगार री रचना हूवण रो प्रमाण प्रकट करे है ।

निष्कर्ष—'बेलि' सूं मिलणवाळा अतसाध्यां, कवि री व्यक्तित्व अर बेलि
 काव्यां री परम्परा आपां ने इण तथ्य तई पहुचाय देवे के 'बेलि' रा रूपकवाळा छन्द
 सायत प्रसिप्त है । ढूढांडी टीकाकार इणां री टीका कोनी की है । आ बात भी इण
 विचार ने धरपण री प्रेरणा देवे है । इण वास्ते 'बेलि' रा दूजा पांठा ने इण आप-
 त्तियों रे देवतां स्वीकार करणो सम्भव कोनी हूय सके । इण रे अलावा वे तथ्यां री
 खोज भी की जावणी जरूरी है के इण री टीका में टेसीटरी कई परिवर्तन, संशोधन
 संबर्द्धन कीया हा । उण जागांवा माथे टेसीटरी अवमकर आपरा निजरा विचारां ने
 धरपिया बहेला । म्हारो समझ मे तो एक विदेशी आदमी राजस्थानी री सांस्कृतिक
 घरोहरां सूं भरियोडी पोथी रे सागे कित्तो न्याव कर सकयो बहेला इण री खोज
 करणों भी जरूरी है । कयूं के किणी भी भाषा री पेढड़ी जाणकारी रे रूप मे कोई
 भी विदेशी भाषा री सांस्कृतिक परम्परावा सू जुडाव माड'र उण ने समझण री
 जागां शब्दां रा साधारण अरथां सूं जुड़ण री घणी कोशिश किया करे । इण खातिर
 टेसीटरी री कोशिकां ने आंधी वृद्धा सूं लेवण री जागां परख री विवेक भावना मू
 लेवणों जरूरी है । 'बेलि' रा मूल पाठ री पिछाग री खातर इण बात री खोज भी
 जरूरी है के इण री ढूढांडी टीका ने कोरा विश्वास ने आधार सूं जूनी मानणो
 चाईजे के भाषा शास्त्र अर ऐतिहासिकता रे आधार माथे मानणो चाईजे ? 'बेलि'
 रा मूल पाठ री पिछाण रे वास्ते ओ जरूरी है के उण रो मूल्यंकन ऊपरला
 मवालां रे मुजब कियो जावे । इण सूं हीज 'बेलि' री साची साहित्यिकता आपां
 मामी लाय सकाला ।

□

(राजस्थानी साहित्य अकादमी रे वास्ते पत्र बाबत)

१६८३ री पुरस्कृत पोथ्यां : एक बेबाक टीप

पुरस्कार पोथ्या री स्तरीयता री पिछाण करावे के कोनी करावे ओ सवाल धनो पुराणो है। पुरस्कार रँ व्याज सँ मानवीय अनुभवां री ऊजली रूप सम्मानित हूब के कोरो मोरो रचनाकार हीज आनन्द पाय'र रँ जावे ऐड़ा मोकळा सवाल पुरस्कारां रँ साथ हीज हरमस सामी आवता रँवे। राजस्थानी साहित्य मांय आलोचना री पांगळी हासत देखतां यकां अजे तई ऐड़ा मवालां री चरचा कम हुई है।

राजस्थान अर राजस्थानी दोनों रँ वास्ते अकाल कोई अजूबो कोनी है बल्के ओ तो अठे री पिछाण री एकूको आधार है। जमी ने आली भर करण आळा छांटा सँ जू जमी री व्यास कोनी बुझ सके इयांहीज भरती री दोम चार किताबां सँ राजस्थानी साहित्य री निजू पिछाण कायम हूयने उण री टोटो कम कोनी हूय सके। इण वास्ते राजस्थानी साहित्य मांय तो ओ सवाल धनो महत्व राखे है के इण रा साहित्य री पिछाण री आधार आखिर कई है ? अठे अनुभवां रा उजास ने'के रचनावां री स्तरीयता ने'के जीवण रा साचा चितरामां ने'के जिनगाणी री जगामग रूप ने'के मिनल री आपरी चेतनावा रँ विस्तार ने आखर किण ने ध्यान में राखर पुरस्कार दिरोजे है। नर्म के अजे तई रा हालातां ने देखतां तो आ बात धिरपीज सके है के अठे रचनावां पुरस्कारां रँ लारे भाज रँयी है। पुरस्कार रचनावां रँ लारे चानता कोनी दीसे। रचना री हक रचनाकार ने अधिकारी कोयनी बणावे पुरस्कार उण ने अधिकारी बणवतो दीमे है। पुरस्कृत होवण आळो रचनाकार तो पुरस्कार मिलियां पछे आपरे सिरजण ने घणखरो गौरव देवण लाग जावे पण दूजी कनी ओरां रँ मना मांयने संसँ री बीज बोयीज जावे। वे रचना री स्तरीयता ने ताक माथे श्वाग-र लेवक रँ व्यक्ति रूप ने देखण लाग जावे। इण बात री अपूटी कोसिरां जूवण लाग जावे के पुरस्कार ने किणी तरऊं विवाद री मुद्दो बणाय दियो जावे। ऐड़ी रोस्टा मांय दोनऊं पछे इण बात ने जरूर अण-देखणी कर के इण मूर रचनाकार री जगामा रँ मांय सँ सपळे साहित्य री कई लाभ हूय रह्यो है। इण वास्ते पुरस्कार री बात नीं गुंन मवाल भी पैदा करण लाग जायो करे। आज पुरस्कार साहित्य री जगामा मांय नुनन्द करे है के विवादी आवाज ने ? पुरस्कारां रँ रोगका रँ शिखाई नै ? गुंन मवाल री बात सामी आवे है के साहित्य रँ सिरजण री प्रेरणा मांय ? पुरस्कार रँ

मोरो पोथ्या तइं हीज धम्मोडो रे जा वे के सागीड़ी होड करणाआळी भावना ने जनम देवे ? ऐडा और भी सवाल सामी आथर विचारां री सामग्री सामी ले आवे ।

ऊपरली विवेचनावां सूं ओ विचारमाडणो गलत हूवे के राजस्थानी मे पुरस्कृत पोथ्यां स्तर सूं मिरयोड़ी है । दूजी कनी पुरस्कृत हूय जावण सूं हीज रचना ने श्रेष्ठतम् जाण लेवणो भी गलत है । रचनाकार री अनुभूति रो सम्मान आपो आप साहित्य री जीवन चेतना ने पकडण आळी चेतना रो सम्मान हुमा करे इण मांय विवाद री की भी गुजांयश कोनी है । राजस्थानी रो आज रो रचनाकार संस्कृति रा सतरंगी आकर्षणां ने छोड़'र जुग सत्य ने चित्त में धार रह्यो है । उण री लेखनी रा ऊजला आखर मिनख रे अर उणरा जीवन रे ओळूं बांळूं धूमण लाग्या है । अवे मोरडी री सुन्दरता ने हीज के प्रेम री ओळया ने हीज मांडण री चेष्टावां समाप्त हूयगी है । रचनाकार री आ नूवी पिछाण जाणे करवटीजती जिनगाणी री आपरी पिछाण है । इण वास्ते आज री रचना प्रेरणा रो बदलाव रचनावां माथे भी साफ साफ आंकीजियोडो दीसे है । पुरस्कृत पोथ्यां रो रचनाकार भी इण हीज मानसिकता सूं रचना प्रेरणा लेय रह्यो है इण पर अदेशो करणो फिजूल है । समीक्षक री आस्था सूं इण पोथ्यां री जाच जाणे उण मानसिकता री परतण चेष्टा हुय जावे है ।

अमूजती चेतना रो कवि : मोहम्मद सदीक—मोहम्मद सदीक अमूजती चेतना ने खवड़े लावण आळो रचनाकार है । इण कवि सामाजिकता रा अंतर्विरोधा सूं अर आम आदमी रे दर्द सूं मांय ही मांय खदबदाय रह्यो है । एक लम्बी उडीक रे पछे री तल्लूजियोड़ी वेचनी इण री रचना प्रेरणा है तो जिनगाणी रो मूंडे बोलतो दर्दालो रूप इण री कवितावां री खाद है । पण इण दर्द ने कविता री एक ही लीक माथे ग्हाक'र आंत मूद'र वेवतो जावणो मोहम्मद सदीक कोनी सीखियो है । ओ उण सूं दोषडे स्तरां माथे जूझतो दीसे है । एकणकनी ओ बनियान री बारादरी रे मायने भाक'र मिनखा ने चेतन रो हेलो मारतो दीसे है तो दूजी कनी व्यवस्था री गैर जिम्मेदार ओछी हरकता ने देख'र व्यग्य रे हबोड़े सूं उणा माथे चोट करतो निजर आवे है । आ बात जुदा है कि सदीक रा व्यंग्य तो आपरा अनूठापणा सूं आम लोगां री जवान माथे सीधा चढ जावे पण उण री चेतावनियां कोरी मोरी कविता री ओळी बण'र नैतिकता री फालतू कीला माथे अटकीज'र रेय जावे है ।

नागा मिनखा रे देस रो दर्द इणां री जादातर कवितावां रो विषय है । इण लोगां री जिनगाणी ऊंचा टीलां सूं टिल्ली सायोड़ी दडी ज्यू गुलाबियां खावती वेवती रेवे । इण वास्ते इण जिनगाणी री तित तिलावा ने जनम देवे तो भूल भूतलिया उगलती रेवे । पण खम्बेडा रे राज मे उण रो की भी भरथ कोनी है ।

कवि पण निराशा ने स्वीकारण री जागां जादातर भिनल ने भोलावण देवण मे जूझतो दीमे हे। उण री आ भावना कदे ही आशावादिता ने नकार ने तीखा सूलां ने स्वीकारतो दीमे हे तो कदे ही आ भावना भम्पीड वण र मांयला अमूर्ज ने उकेरण मे लागतो दीमे हे। पण सदीक री ऐडी रचनावा मे सुधारवाद रो कोरो मोरो परिभाषावां आळो रूप ही उकरीजियो हे। इण मांय ऊंडी अनुभूत्यां री जागा भावुकता रो दूष रो ऊफाण जादा नित्रर आवे हे। उण कारण इणां री मोकळी कवितावा किमकिम हुयने र आवे हे।

व्यंग्य मोहम्मद सदीक री कवितां रो धारदार हथियार हे। इण री तीखी नोक मू ओ व्ययस्या रा मगला सामग्राम ने स्वस्त करण मे सफल रहां हे। सांची बोलां रा हाम लगाय र ओ ग्योगला आचरण ने नामो करण मे देर कोनी लगावे। खेत ने छावती बाड़, सणम पाटां री जुगालिया, आदमी रे भरुटिया भरण आळा आदमी जेहा ऊंडा भावां ने व्यंग्य बणाय'र बोधामय रूप देवण मे ओ कवि सफल हे। व्यंग्य रे घास्ते भाषा रो चमत्तो रूप, भीषा सादा मुहावरां रो उपयोग व्यंग्यार्थ ने पकड़ण मारु शब्दां रो लचीमोपण इणां री कवितावा ने जीवन्त बणाय देवे। पण व्यंग्य भावना हीज मोहम्मद सदीक री कवितावां री सीमा भी हे। मुहावरां री गुलामी अर कवि सम्मेलनी कविता चतुराई इणां री गम्भीरता ने तोड़ देवे जिन मूं इण री कवितावा व्यंग्य ने विचार जोगो बणावण री जागा उण ने हास्य जोगो भर बणाय देवे। 'जूझतो-जूण' री कवितावां मांय मूं जादातर कमजोर हे। इण री कमजोरी कवि री सीमा ने खवडे लावती दीमे हे।

बीत्योड़ी नैतिकता रो रचनाकार : भूलचन्द प्राणेश—आपरी पोयी री भूमिका मांय नूवी कहाणी री बात ने घणे मान मूं उठायां रे बावजूद भूलचन्द प्राणेश एक रचनाकार रे रूप मे निराश ही करे। कहाणी रो आज रो रूप जिन बोध ने समेटण मे सचेष्ट हे प्राणेशजी री लगणी उण रे नेहेछेहे भी कोनी हे। इणा री लेखणी रो विषय गाव हे। पर उण री जिनगाणी रा आंत्या दीसता आखर भर ऐ बाच्या हे। अर्धे अर राजनीति रो दबाव गांव रो जीवन दसावां ने जिन रूप मे बदल दिवो हे उणा रो इणा री कहाण्या मे दरसन कोनी हुवे। कथा माये भावणां री स्पूलता मोकळी हावी हे। कथ्य ने साहित्य रो रूपदिरावण री जागा, नैतिकता मू बांधण भर री चेष्टावां इणां री रचनावां माय दोसे हे। कहाण्या रो परिण मसांग मू हे ज्यूं रा ज्यूं लेय'र धिरपीजियोडा हे। उण री मनोभावनायां, सामाजिकता ने निमावण मे उभारता दीवडो वण, मांयली छटपटाहाट अर जुगसस्य मू जूझतो चेतना इणां रा नायक मे कोनी हे। जिन्दगाणी रा ऊपरता रूप भावबारी मनमाना जीसा प्रसंग अर बीत्योड़ी नैतिकता ने घीस र पाछी लावण री मेस्त्राणी ३५।

कहाण्या ने साधारण रचनावां बणाय देवे । कहाण्या रो सित्प भी पांगळो हे । रचना कौशल या तो है ही कोनी या पछे बिखरियोडो है ।

‘चस्मदीठ गवाह मांय सू आतमबोध जिसी रचना हत्को सो प्रभाव भले ही छोडती दीसे वाकी पोथी की खास प्रभाव कोनी छोड़े है इण कारण इण ने केन्द्रीय साहित्य अकादमी रो पुरस्कार मिलण री बात एक अजूबो जेरूर लागे है ।

आम मिनख री पीड़ावां रो रचनाकार : सांवर दइया—सावर दइया रो रचना संसार निम्न मध्य वर्ग री जीवन दसावां है इणां मांय जीवन रा मोटा मोटा सवालां रा दरसन कोनी हुवे । पण छोटा छोटा सवालां ने ओ लेखक मोकळे सौदर्य सूं आंकण री सफलता पाई है । इणां री कहाणियां रो नायक जीवन मे कोई महताऊ महत्वाकाक्षावां कोनी पाले उण रे वास्ते तो न्हानी न्हानी मुश्किला सूं पार पावणो हीज मोकळो महत्व राखे । ओ नायक आर्थिक मार सूं बुरी तरळं प्रस्त हुय'र एक आतंक सूं भरियोडी जिनगाणी जी रह्यो है । ऊपर सूं सामाजिकता री बेइयां उणने चोखी तरळं जकड़ ने उण री जिनगाणी मे मोकळी जड़ता भर देवे । घोरां में फंसियोडी मोटर रा चक्का रे ज्यू हीज इण मिनख री जिनगाणी आपरी पूरी ताकत लगाय'र भी इच्च भर भी आगे कोनी सरक सके अर सारी जिन्दगी एक सी हीज वातां माय रगडका खावतो रेवे । अर्थ री मार हरमेस दोबड़ी सड़ाई इण रे वास्ते माडती रेवे । एकण खनी उण ने घोर महंगाई रा इण जमाना माय पग पसारणो भूल'र पग सिकोड़ण री सागीड़ी कोशिशं करणी पड़े तो दूयजी कनी खाली जेबा सामाजिकता री पांगळी रीत्यां ने निभावन मे आपरी सगळी ताकत खरच करणी पड़े । रीता रा रायता पूरा करण मांय उण रो आपरो दोबड़ो पण तो सामी आबं ही है सड़ाद मारतो समाज रो खोखलोपण भी आपी आप सामी आवतो रेवे । नायक रो बर्द दस्तावेज ध्यक्ति चेतना रो हीज प्रतिनिधित्व कोनी करे सगळें समाज री बुराइयां ने पाठका सारू परोसन में भी चोखीतरा सूं सफल दीसे है ।

सांवर दइया री रचना निम्न मध्यवर्ग रो पूरो जीवतो जागतो समाजशास्त्र है । इण वर्ग रे आचरण—चिन्तन री जाणे एक एक ओळी ने लेखक जच'र बांची है अर पाठका ने दरसाई है । आ अणपचण जोग जहुरीती सामाजिकता आप री लपसपावती जीभा सूं सगळा लोगां ने भकोस रही है अर परम्पराबा री चकाचौध सूं भरमीजियोडा लोग बदळियोडी आर्थिक-सामाजिक हालता माय भी मूडा अर हास्यास्पद तरीका सूं मांडण रो उतावळ में जूझ रहेया है ।

इण सामाजिकता मायने मरियोडी छोरी रो की गम कोनी हुवे (उल्टे आफत टळण री खुशी हुयती दीसे) तो बेटी रा चौथा छोरा रेजन्म री खुशी कोरी मोटी पाली बजावण मांयने हीज खतम को हुय जावे वस्के मां आप रे गळे री साकळ अडाणी

रख'र जीमण करण मे खुशो महसूसे । लोगां रामजी रो नांव ले ले'र टावरा रो फौज खड़ी कर देवे, तो चालीसां पार रो उमरआळा तीन-तीन टावरां रो बाप भी कुंआरी छोरी सूं व्याव करण रो कोड राखे । इण सामाजिकता मे और भी कीचड रगदेऊण आळा वे अघकचरी मानसिकता आळा लोग भी है जिका के दोस्त रो बीबी सूं मानसिक व्यभिचार करे, तो वैं लोग भी है जिका के जवान मेहतराणियां ने रोगीली बनावता देर को लगावे नी ।

अयं रो मार रा सांचा चितराम दइया रे रचना संसार रो जीवती पख है । अठे रो जिनगाणी मांय सामे ऊभे सिवाळे कोट सिलवावण खातर खासो दिमागी व्यायाम करणो पड़े अर मेडिकल रा विल सूं जवान बीबी रे वास्ते साडी रो सीगात रो जुगाड़ करणो पड़े । जिन्दगी मांय समानान्तर भागती दुनियां सूं अंख मीच'र कोरो जमा खचं अर सनखां रो चिन्ता ने होज जीवणो पड़े । दइया रो रचनावां निम्न वर्ग रे ऐडा आम आदमी रो दर्दोली सपनीली दुनियां रा सागीड़ा चितराम खेंचिमा है । इणां रो कहाणियां रो नारियां अशिक्षा, अज्ञान रे अंधारा मांय खोयोडी विचारणी सूं भरियोडी जिनगाणियां जीवती दीसे है ।

'धरती कद ताई धूमेली' रो कहाणियां मांय सूं 'जीवती रूहासां' 'गली जिसी गली' 'धरती कद ताई धूमेली' जेड़ी रचनावां साहित्य मांयने आप रो निजू पिछाण कायम करण रो सामर्थ्य राखे तो सुगम, हलताई, हुवणों नई हुवणो, थोथी नैतिकता अर स्थूल कथ्य रे कारण कोई खास असर कोनी छोड़ सके । सावर दइया रो कहाणियां रो क्षेत्र भी सीमित है उणा मे नूबापणा रो ताजगी रो जागां दोहरावण रो आदत मोकळी है । कठे ही कठे ही लेखणी रो प्रचारवादी रूप भी निराश करण लाग जावे पण फेर भी ओ रचनाकार बजर धरती में आशा रो कूपळां ने फोड़तो साफ दीसे है ।

जड़ीजियोड़ी भाषा रो चितेरो रचनाकार : जहूर खां मेहर—जहूर खां रो पोथी बाङ्गमय तो मानीजी जाय सके है पण साहित्य रो पोथी रे रूप मे इण ने स्वीकारण मे सन्देह पैदा हुय सके । इण रो रचना प्रेरणा साफ साफ इतिहास ने सांस्कृतिक आधारों सूं सिरिजियोड़ी है । लेखक रो मंशा भी संस्कृति रा चितराम आंकण रो है साहित्य सिरजण करणो कोनी है । साहित्यिक शैली में लिख्योड़ा इतिहास आखिर इतिहास होज रवे साहित्य कोनी हुय सके पण इण पोथी ने साहित्य रा पुरस्कार भी दिया गया है आ वात म्हारे वास्ते एक अजूबा जेड़ी है ।

'राजस्थानी संस्कृति रा चितराम' मे भाषा रो मठारियोड़ी सोवणो रूप इण पोथी ने अनूठीपण दिरावतो निजर आवे । निबन्धा रे मांय लेखक रो पैनी निजरां रा मोकळा प्रमाण मिल जावे । 'ऊंट', 'जूनी रम्भता', 'कत्ता साहित', जेड़ा निबन्ध

लेखक री शोध भावना ने उजागर करे। पण दूजा निबन्धा माय विवेचन अर निरूपण में पूर्वं धारणावां साफ दीसे है। आलोचना में तर्का री धिरपणा करने विचार मांडीजिया करे। विचारां ने मांडण खातर तर्क कोनी दूडिया करे। पण 'धिन प्रिथीराज रंग प्रिथीराज' या 'नेणसी' जेड़ा निबन्ध मांय लेखक आपरी पूर्वं धारणावां ने शोध रो चोगो पहिरावण री चेष्टा कोनी है।

जहूर खा रा चितराम संस्कृति ने आंकण मांय पूरा सफल रह्या है। संस्कृति में मिठास धोळणिघो उणरो आचार पक्ष लेखक बारीकी सूं पकड़ियो है अर सणा ने सभ'र मांडण में कम्जूसी कोनी की है। जहूर खां कने भापा रो रूपालो खजानो है अर उणरो असरदार इस्तमाल करण री भी इणां कने पूरी ताकत भी है। आम लोगां री भापा इती कसीजियोड़ी, मारक अर अपणावत सूं भरीजियोड़ी हूय सके इण बात ने अ आपरी पोधी सूं प्रत्यक्ष कर सकिया है। ओ गुण हीज इण पोधी ने थोड़ो सीक साहित्यिकता दिराम देवे नही तो रचना में इतिहास हावी है।

सामाजिक जड़ता री चितेरो . सत्येन जोशी—सत्येन जोशी सामाजिकता री जड़ता री बुराईमां ने भिनख रे आचरण माय सूपकड़'र सामी लावण में सफल रेह्या है। समाज री अगति लोगां रा चरित्रां मांय असामान्यता भर देवे। अज्ञान रा आंधा कूआ मांय डूबियोड़ा ऐड़ा लोग तेजी सूं वेवती दुनियां रे बिचाळे भी कोरी मोरी कूपमण्डूकता ने जीवता रेवे। परम्परा ने मुरदा ज्यूं ढोवे तो मूरखपणा री सीमा तई घमण्ड में भरमीजता रेंवे। ऐड़ा लोग खुद ने समझ रा भाड मान'र खोखळो ब्योहार करता रेवं। सत्येन जोशी शहरां रा मध्यवर्ग में नीपजणआळा ठेठ परम्परावां ने जीवन आळा लोमां रा रेखाचित्र इण पोधी में आकिया है। इणां में फूहड़ता छलकती रेवे अर ठीठता ऐणो आचरण रो अंग बण जावे। भापा रो ओछोपण इणां री मानसिकता री पिछाण करावे तो नागो हरकता इणां रा व्यक्ति ने परिभाषित करती दीसती रेंवे।

'रीवणिया दासा' मरियोड़ा मूल्यां रो जनाजो है। लेखक री ब्यव्य री ताकत हास्य रा पुट सूं पाठकां माथे मोकळो असर डालण री सिमरथ राखे। पण लगभग एक जेड़ा आचरण करण आळी मानसिकता रा हीज जुदा जुदा चितराम हुवण रे कारण पोधी अच्छी खासी ऊब भी पंदा करे। लेखक रेखाचित्र आकण मांय एकसी भापा अपणाई है जिको भी एक दोष है। चितरामां माय जयार्थ व्यक्ति रूपा ने साहित्यिक चरित्र बणावण माय भी पूरी सावधानी कोनी बरतीजी है जिण सूं ऐ गहराई सूं पाठकां ने प्रभावित कोनी कर सके। हल्का मूड री पोधी सूं ज्यादा रचना रो महत्व कोनी है। साहित्य रो ऐहो सम्मानित पुरस्कार पावण जीसी बात रचना में निजर कोनी आवे।

एक टीप—ऐ पोथ्यां सूं आज रा राजस्थानी साहित्य री दशा रो अन्दाजो लगायो जाय सके । आज रा रचनाकार पुरानी जकड़ण सूं छूटण री चेष्टा में तो हे । पण उणा ने नूवो रस्तो हाल तई कोनी मिलियो है । बल्के ऐ लेखक हकबकीज ने चारऊं फेर हाथ मारता दोसे है । बोध रो नूवो रूप लगभग गैर हाजिर है अर व्यंग्य रा हथियार सूं इण कमी ने पूरण री चेष्टा करण में ऐ लोग भी कमी कोनी राखे हे । भाषा रे वास्ते जरूर लेखकां री सजगता सामी आई है पण कथ्य रे अभाव में उण रो की लाभ ऐ कोय ले सकिया है । ऐड़ी पोथ्यां ने पुरस्कार देवण री मजबूरी भी साफ साफ देखी जाय सके ।



(जागसीजीव में प्रकाशित)

इण कारण मजदूर व्हे ने टाबर या तो विद्रोही व्हे जावे ने उग्रता सूं बडां लोगा री बातां ने नकारण लागजा । जिकारो विकसित रूप होज आज री युवा पीढी रो असन्तोष, कुण्ठित आचरण ने विद्रोही रख है । आज री युवा पीढी जेनेरेशन गेप (पीढियां में दूरी) री जिकी बात किया करे उण रो आधार भी ओ विद्रोह होज हुया करे । परिवार में करहो नियन्त्रण रो दूजो रूप टाबर रे मन में निराशा री भावना ने जन्म दे देवे । वो बात बात में खुद ने नियन्त्रित करण लागजा । इण कारण वो आपरी इच्छावां ने दबावण वालो हू जावे ने खुद रो सर्वांगीण विकास कोनी कर सके । मनोविज्ञान में ई ने दमन री संज्ञा दी जावे जिण रे कारण बड़ो हुवे ने टाबर कायर, डरपोक ने बिना बात घबरावण वाली आदतां वाली व्हे जावे । ओ दोनऊं स्थितियां बोखी कोनी है । अंणी बनिस्पत टाबर रे विकास रे वास्ते आ बात जरूरी है के उण माये खुद ने आरोपित करण देवण री जागा उणरे आगे बढ़ण रे वास्ते भा-बात ने सहायक बणनो चाईजे ।

परिवार में बच्चा रो विकास उणी अवस्था में सहायक सिद्ध हो सके जणां उण री मानसिक अवस्था व उण रे उमर रे अनुपात सूं मां-बाप उण री बाल जिज्ञासावां ने त्रिवेकपूर्ण ढंग सूं सन्तुष्ट करता जावे । टाबर री स्थिति ऐसी हुया करे के वो धीमे धीमे मां-बाप री निर्भरता ने छोड़ ने आत्म निर्भर बणन री चेष्टा किया करे । आ बात सब लोग बोखी तरेऊं जाणे है के अन्य जीव जन्तुआ री बनिस्पत मनुष्यां रा टाबर घणी लम्बी उम्र तक मां-बाप माये निर्भर रेह्या करे । बयूं के दूजोड़ा जीवां में कोरो शारीरिक विकास होवण तक होज निर्भरता रेह्या करे पर मिनखां रा टाबर शारीरिक विकास रे साथ मानसिक विकास भी प्राप्त किया करे । जठे तक टाबर शारीरिक विकास रे साथ ही साथ बोध री दृष्टि सूं भी समुन्नत कोनी हू जावे तठे तक उण रो सच्ची विकास कोनी हुया करे । अठे ई बात ने देखण री जरूरत है के परिवार किण उपाय सूं बालक उभयपक्षी विकास में सहायक सिद्ध हुया करे ।

टाबर रो शारीरिक विकास—उम्र रे बढ़ण रे साथे साथे टाबर रो शरीर भी अपने आप बढ़तो जावे । पण शरीर रे सन्तुलित विकास रे वास्ते ई बात रो ध्यान राखणो जरूरी है के उणरे भोजन में शरीर रे विकास री सारी बातां सम्मिलित हू जावे । इण दृष्टि सूं सन्तुलित भोजन रे मांय ने प्रोटीन, बसा, खनिज सबण, विटामिन कार्बोहाईड्रेट, ने जल रो समानुपातिक मात्रा होवणो जरूरी है । ऐणे मांयने सूं एक री भी कमी की न की शारीरिक विकास में दोष पंदा कर देवे ।

भोजन रे पछे शरीर रे विकास में दूजो जरूरी बात व्यायाम है । खेलण-नूदण सूं हट्टियां, पेसियां समुन्नत हुया करे बधिर रो सचार बोखी तराऊ हुया करे ने बळ

सीधे साक्षात्कार कर रहे हैं। ऊने ऐसी झूठी बातों में भरमावणी ऊने जाण वृक्ष ने अज्ञान कनी धकलणी है। इण वास्ते परिवार री टावर रे विकास री दृष्टि में महत्वपूर्ण भूमिका इण रूप में है के ऊने शरीर विज्ञान में सम्बन्धित जानकारी उण री अवस्था रे अनुरूप धीरे धीरे समझावणी चाईजे।

धर्म अर नैतिकता—बालक रे वास्ते नैतिकता ने उण रा नियामक पहलुवों री वारीक जानकारी जरूरी है। धर्म आज कीरो अन्धविश्वास में हीज कोनी अपनावोजे पण अगर टावर ने वेडो बातावरण मिले तो धर्म ने वो वारिकी में पिछाण जरूर सके। ज्यादातर परिवारों में धर्म में सम्बन्धित दो बड़ा आदर्श टावर रे सामने पेश किया जावे। लोग धर्म ने एक परम्परा रे रूप में या मूरत पूजा, व्रत उपवास आदि रा बाह्याचारों रे रूप में हीज देखे ने वेडो आचरण हीज किया करे। ऐ बातां दर असल धर्म रा साधन है खुद धर्म कोनी है। धर्म खुद रे वास्तविक रूप में कर्तव्य रा पर्याय बणने सामने आवे उणरे कनी ध्यान देवण री लोग जरूरत कोनी समझे। धार्मिक आचरण ने ज्यादातर परिवार बाला व्यक्ति रे दैनिक आचरण में जोड़े कोनी। इण कारण टावर भी धर्म रे नाम माये कीरा दिवावा ने हीज धर्म मान लेवे ने वेडो व्यवहार करण लाग जावे। परिवार री इण दृष्टि में महत्वपूर्ण भूमिका आ हो सके है के वो टावर ने धर्म रे नाम माये कीरा दिवावा ने अपनावणी सीखण री वनिस्पत उण रे सच्चे स्वरूप ने पिछाण लेवे।

नैतिकता री बात भी धर्म री हीज बात कीरी पाप-पुण्य स्वर्ग-नरक री व्याख्या हीज होय ने रैमगी है। कर्म में नैतिकता ने जोड़्यो कोनी गयो है ने उण ने लोकोत्तर फल में जोड़्यो गयो है इण री परिणाम भी निकलियो है के लोग भ्रष्टाचार ने अनैतिक आचरण में डरण री वनिस्पत उण रा फल में हीज डरिया करे ने व्रत, उपवास धर्म भावना री डींग कर ने उण कामों रा दुर्बल पक्ष में खुद ने विरत कर लेवणी चाये। घर में टावर रे सामने उण ग मा-बाप भ्रष्ट आचरण करता पकां भी नितनेम री पालन करण में यौनिक कर्मा री अनैतिकता ने बढवा री प्रभाव किया करे। टावर रे कोमल मन माय वेडो दोहरो आचरण ऊने नैतिकता में बंधण री जागा उण में परहेज करणी सिखा सके।

जीवन मूल्य—व्यक्ति री आचरण हीज उण रे व्यक्तित्व ने परिभाषित किया करे। व्यक्ति रे आचरण में पण उण रा आदर्श ने उण री आस्थाओं री बजावणी भूमिका हुया करे। ऐ आदर्श जीवन मूल्य रे रूप में सामने आवे जिकां ने अपनावणी कोई भी व्यक्ति खुद ऊपर उठ सके। आज रे युग में यथार्थवादिता रे पक्ष में जदपि आदर्शों ने घणो सम्मान कौनों देवे तां भी वेनी उपयोगिता के लक्ष्य में नष्ट हो सके। जेठ भी जेडा आदर्शों री पालन कियो तबे उण ने सम्मानित करे।

जावे । ऐ आदर्श जीवन मूल्यां रे रूप में सामी आवे । व्यक्तिगत, सामाजिक, राष्ट्रीय ने मानवता सू सवधित ऐ जीवन मूल्यां रो पेलड़ो पाठ टाबर खुद रे घर मांयने हीज सीखया करे । परिवार हीज टाबर री अभिरुचिया ने परिष्कृत कर ने हिंसा, बर्बरता, स्वार्थीपणा ने छोड़णो ने सहिष्णुता, उदारता, त्याग, सेवा ने समभाव आदि ने सीख लेवे । घर बाळा ने इण बाते रो ध्यान राखणो चाईजे के टाबर कोरो व्यक्ति केन्द्रित आचरण हीज करनी कोनी सीख ले बल्के व्यक्ति सूं आगे बढ़ ने सामुहिकता ने मानवीयता सूं भी खुद ने जोड़नी सीखले । अगर परिवार रा सदस्य खुद ओछापण, कटुता, ईर्ष्या, अहंकारी, घूतं, चालाक ने अनीति ने प्रश्रय देवण बाळा हुवें तो उण परिवार रा टाबरां सूं नैतिक मूल्यां रे प्रति रुझान करण बाळा रे रूप मे बणन री घणी आशा कोनी की जाय सके ।

इण भांत ओ कह्यो जाय सके है के टाबर रे सांचा विकास रे मांयने परिवार री घणी महत्वपूर्ण भूमिका हुया करे । पण ज्यादातर परिवार में मां-बाप सूं टाबर रे साथे न्याय कोनी हुवें । वे लोग कोई भी बात ने उण री अवस्था, उण रे बोध रो स्तर ने उण री रुचियां सूं जोड़ ने देखण री जागां खुद री अवस्था या स्थिति सूं जोड़ ने देखण री चेष्टा जादा किया करे । वे लोग खुद ने टाबर रे माये इत्तो हावी देखणी चावे के बीने हर हालत में पूर्ण अनुशासित, पूर्ण आज्ञाकारी ने पूर्ण शिष्ट देखणी चावे । जद के ज्यादातर मा-बाप खुद घोर दर्जे रा आळसी, अहंकारी, स्वार्थी अनुशासनहीन ने परावलम्बी हुया करे । घरां में लोग बाग शिष्टता री जागां खुद री नात ने घणो तवज्जो दिया करे । टाबर जदै मां-बाप ने ऐड़ी आदतां बाळा देखे तो वे भो बेड़ी हीज बाता सीख लेवे । घर मे पापा रो आळसी पणो देख ने बो कीकर कमेंठ बण सके ? या मम्मी ने बात बात मे तुनकती देखे तो वे कीकर धैर्यवान, बण सके ? छल कपट, चतुराई, दोहरा आदर्श, प्रदर्शनप्रियता, ढोंग, भ्रष्टाचार, अनैतिकता आदि सैग बातां टाबर परिवार सूं हीज सिखिया करे । पण आचरण सूं खुद बँटा होवतां यकां भी मा-बाप टाबर सूं आ अपेक्षा करे के बो अं बातां नी सीखे । दुजी कनी यौन जिज्ञासा, नीति, धर्म, स्वतन्त्रता आदि जिकी बातां टाबर खुद नी सीखणी चावे वेणे माये घर मे रोक लगा दी जावे । इण सूं उण रो सामोपांग विकास कोनी हूय सके । इण वास्ते परिवार बाळा ने अगर टाबर रो सांचो विकास करणो है तो न तो उण री जिज्ञासावां ने रोकणी चाईजे ने न खुद ने ऐहो आचरण भी करणो चाईजे जिण सूं प्रेरणा लेयने वो भी पथभ्रष्ट हो सके ।

□

(जागदीशोन मे प्रकाशित)

